

NGOLO YA KULUNGA NA NZILA YA KULEMBA YA KULUNGA



Mbote, bankundi. Ya kele mbote na kubasika dyaka na suka yayi na nsi ya mvula, na mvula ya mpembe, ya muvusu. Mu zaba ti mingi na kati ya beno me kutana kieleka na bampasi na nzila, na kukatukaka ntama. Mpe beto kele na mwa . . . bankundi yayi ya ntau yina me katuka na Chicago mpe na Alabama mpe na Georgie mpe na Tennessee mpe na Illinois mpe bisika nyonso, na bilumbu yayi, na yawu beto kele . . . na kivuvu ti Nzambi ke pesa beno lukengolo ya Yandi na yina beno ke zyetaka. Mpe ya kele kisambu ya beto ti Yandi ke keba beno na banzila, na kati ya banzila yayi ya bigonsa yina ke kumaka butesi na hiver. Mpe ya ke kizunga ya yimbi na hiver. Ya kele kizunga ya kulutila kitoko na printemps to na automne, kasi na hiver mpe na été ya kele kieleka yimbi.

² Ntangu yayi, mu banza ve ti ba ke na kubakaka yawu na bande ntete kuna. Mpe mu ke zola kaka kusala nsamunu mosi, samu na nsangu ya Lumingu me luta. Ya kele samu na yina mu—mu me kanga bande mpe mu ke bika bawu ve kuteka bande, kubasisa yawu, mbote, ya vwandaka samu mu zolaka kutala yawu ntete. Samu ti bambala mingi, mutindu yina, mu ke tubaka bima na dibuundu awa yina mu lenda tuba ve na ntwala ya bantu yankaka mutindu yina, samu ti bantangu yankaka ya ke salaka disakuba na bantu. Mpe bantangu yankaka ya ke nataka mpe bakyuvu na kati-kati ya bantu ya beto awa na tabernacle. Mpe ya kele . . .

³ Mu ke tuba yayi ve . . . mu ke tuba ve bima yayi samu na kuvwanda ya kuswaswana, kasi bantangu yankaka na yisi ya kupakulama beno zaba bima yina beno ke zolaka ve . . . beno ke zimbana na kutuba na bantu. Na yina bantangu yankaka na nsi ya kupakulama kima mosi ke luta, beno me mona, mpe beno ke bakula yawu ve. Mpe mosi ya bima yina mu banza tubamaka (na Lumingu yina me luta) yina lenda sala muntu . . . ntangu mu tubaka ti mu ke kwikilaka ata fioti ve na lubokilu ya autel. Beno me mona?

⁴ Mu zola kutuba yawu mpe kukienzula yawu samu ti beno bakula. Ya me vwandaka ata fioti ve na lubokilu ya autel yina ba me salaka na kati ya Biblia. Ya kele ve na kima ya mutindu yina na kati ya Masonuku. Kisika mosi ve na kati ya bansungi ya salamaka tii na nsungi ya ba-Methodiste, pene ya bamvula bankama zole me luta, beno me mona.

⁵ Balubokilu ya autel kele ntangu bantu ke kwizaka mpe ke mekaka na kundimisa mpe kubenda bantu, “Kwiza, Jean. Nge zaba, bawu . . . Mama ya nge kufwaka, yandi vwanda sambila samu na nge. Kwiza, Jean.” Yina kele ve kundima, bankundi. Ve. Bayina—bayina, mu . . . ya ke vwandaka mpasi mingi na kuwa mosi ya bawu me kwenda ntama mingi. Mpe, na yina, beno ke kuzwa nyonso. Ya kele samu na yina dibuundu me kota na poto-poto mutindu ya kele bubu yayi, ya kele samu na bima ya mutindu yina.

⁶ Kundima, beno fwana ve kutuba kima mosi, mpangi-bakala, Nzambi kele kuna mpe me sala dezia kisalu. “Na yina Pierre vwandaka tuba Bandinga yayi Mpeve-Santu kulumukaka na zulu ya bawu yina kuwaka Ndinga.” Beno me mona? Beno me mona? Beno me mona? Ya kele ve na lubokilu na autel, beno me mona, ya kele ve na kima mutindu yina.

⁷ Ntangu yayi, autel kele kisika ya kisambu kisika muntu nyonso ke kwizaka na yinzo-Nzambi fwana kwenda ntete, kufukama na autel, ba ke sambila kaka na Nzambi mpe ke pesa lombilu ya bawu ya bisambu mpe—mpe samu na bankundi ya bawu ya luzolo, mpe ba ke tonda Nzambi samu na yina ba me sala samu na bawu, na manima bawu ke vutuka na bisika ya bawu.

⁸ Mpe na yina dibuundu kele kisika Ndinga ya Nzambi . . . “Mpe lufundusu ke bandaka na Yinzo ya Nzambi,” kisika lufundusu ya Ndinga ke basikaka. Na yina . . . Kasi bubu yayi, beto—beto me soba yawu mingi.

⁹ Ntangu yayi, mu kele na kima ve samu na muntu yina ke salaka balubokilu na autel, beno me mona. Ya kele . . . Mpe mu me sala mingi munu mosi, mpe mu banza mu ke sala mingi dyaka kana mu landila na kukwenda. Kasi kaka samu na munu mosi . . . Beno me mona, beno—beno—beno ke kutikaka mingi. Mpe ya kele ve na kima ya yimbi na yawu, ata yimbi ve na kati ya yawu. Ya kele nyonso ya kulunga. Beno me mona?

¹⁰ Samu ti, beno kuwa, Yesu tubaka, “Muntu ve lenda kwiza na Munu kaka kana ti Tata ya Munu kubenda yandi ntete. Mpe bayina nionso Tata pesaka Munu ke kwisa na Munu.” Ya kieleka. Na yina, beno me mona, bawu kele . . . Yina ke losa lubokilu ya beno ya autel nyonso na ngaanda nyonso. Beno me mona? Beno me mona? Beno me mona? “*Nyonso* Tata . . .” Beno . . .

¹¹ Kiyeka ya beto—ya beto kele “kulonga Ndinga.” Biblia me tuba, “Bayina nionso kwikilaka ba bakaka mbotika.” “Beni balula ntima, mpe beno botama na Nkumbu ya Yesu Klisto samu na lemvo, mulemvo ya masumu.” Yinki? “Beni botama na Nkumbu ya Yesu Klisto samu na mulemvo ya masumu, beno me mona, mpe kuna beno ke kuzwa dikabu ya Mpeve-Santu.”

¹² Kasi ntangu beno ke ndimisa mpe ke benda mpe ke pesa boma na bantu, mpe ke zonga na bantu na . . . Bantu fwana

kwiza na mutindu ya kulunga, na mutindu ya mbote, na nzila ya kundima, mpe kuyamba Klisto. Na yina kima ya ntete bawu ke salaka ntangu kaka bawu ke kuzwa Klisto ya kuvwanda na zulu ya bakiti ya bawu, kima ya kulanda kele kubaka mbotika na Nkumbu ya Yesu Klisto samu na mulemvo ya masumu yina ti bawu me ndima ti bawu me sala yimbi. Yawu yina mutindu bawu me lemvokila masumu ya bawu, beno me mona. Samu bawu balulaka ntima; bawu bakaka mbotika mutindu lubambuku samu na bantu, ti, “Mu me ndima Klisto mutindu Mvulusi ya munu mosi”; na yina beno kele candidat samu na Mpeve-Santu.

¹³ Mpe, ntangu yayi, bantu mingi ke landila, na kundimisaka mpe kubokilaka bantu na autel, mpe nyonso mutindu yina, yina kele nyonso ya kulunga. Mu ke ndima yawu, ya kele kieleka ya kulunga na mutindu ya me tadila munu, muntu nyonso yina zola kusala yawu. Kasi, samu na munu, ya kele ve Masonuku, beno me mona, mpe na yawu mu—mu ke zolaka kaka kukangama na Masonuku.

¹⁴ Mpe na yawu ya kele samu na yina mu kangaka bande yina ya vwandaka samu ti kana beno basisaka yawu beto zolaka vutula mvutu na mikanda bankama tanu na sabala mosi. Konso . . . Beno tambula kaka na zulu ya mwa kinkulu ya muntu mosi, mpe yawu yina kaka beno fwana sala, na yina nionso ke kwenda diaka.

¹⁵ Mpe mu banzaka, bambala mingi, ti mu kele mwa muvwezi mingi samu na bima ya mutindu yina. Mpe mu zola ve kuvwanda mutindu yina, kasi ntangu yankaka bisalu ke benda beno mutindu yina, beno me mona, ya—ya ke sala beno yekama mutindu yina. Mpe na yawu mu ke ndima ti bantu ke bakula yawu.

¹⁶ Ntangu yayi, beto ke vutula matondo mingi ti beto kele dyaka na Tata ya Mazulu ya lutondo Yina—Yina ke talaka na zulu ya bafoti ya beto mpe ke tangaka yawu ve samu na beto.

¹⁷ Mu vwandaka tanga kuna na Buku ya—ya ba-Romain, kapu 4, kisika Paul sonikaka kimbangi ya Kinzambi ya luzingu ya Abraham. Ntangu yayi, beto zaba ti Abraham bambala mingi kotaka na mpasi mutindu beto. Kasi ntangu . . . ba sonikaka kimbangi ya yandi, ya vwandaka ve na kima mosi ya bampasi ya yandi, beno me mona, ata fioti ve ba tubaka samu na yawu. Yandi tubaka:

Abraham tulaka ntembe ve na nsilulu ya Nzambi na nzila ya kukondwa lukwikilu; kasi yandi vwandaka na ngolo . . . yandi vwandaka pesa lukumu na Nzambi;

¹⁸ Beno me mona, mpe ya kele mutindu yina mu banza ti ba ke sonika ya munu Kuna, ya kele ve bafoti ya munu mpe nyonso, kasi kaka yina mu ke meka na kusala, dibanza ya ntima ya munu na kusala samu na bantu ya Nzambi.

¹⁹ Mpe ntangu yayi beto me kwisa na suka yayi samu na ku—kumeka kulonga mwa nsangu awa ti mu banza Mfumu me tula na zulu ya beto samu na kupesa na bantu. Mpe mu ke tula kivuvu ti ya ke sala beno mbote mpe ke sala munu mbote, samu ti beto kele kintwadi mpe ke na kuzinga na ntangu ya nene, mpe na bilumbu ya nsuka. Na yawu kaka ntete beto sambila, mu ke zola kutanga mwa bisika zole to tatu na kati ya Ndinga; mosi na ntwala ya bisambu, mpe mosi na manima ya bisambu. Mpe ntete, samu na kuzibula kisalu ya beto, to, kitini yayi ya yawu, mu zola kutanga Buku ya Hébreux. Kapu ya 11 ya Hébreux, mpe makumi tatu- . . . nzila ya 32, kubanda, samu na kuzonzila *lukwikilu*.

Ntangu yayi yinki mu ke tuba dyaka? to mu ke kondwa ntangu ya kuzonzila Gedéon, . . . Barak, . . . Samson, . . . Jephthé; . . . David . . . Samuel, mpe bapofete:

Bayayi na nzila ya lukwikilu bawu nungaka bimfumu, bawu salaka mambu ya kudedama, bakaka nsilulu, kangaka bayinwa ya bankosi,

Bawu fwaka ngolo ya tiya, bawu kimaka meno ya mbele, mpe ya kulemba bawu vwandaka . . . bawu kumaka ngolo, bawu kumaka kikesa na bitumba, bawu tinisaka ntama banzenza, makesa ya banzenza.

Bakento bakaka bamvumbi ya bawu vumbukaka na luzingu. . . mpe bayankaka kuzwaka lukwamusu, na kundimaka ve luvukulu; ti ba lendaka kuzwa mvumbukulu ya kulutila mbote:

Mpe bayankaka kuzwaka bakumekama . . . ba vwandaka seka bawu mingi . . . fimbu, yinga, miniololo . . . boloko:

Ba losaka bawu matadi, ba zengaka bawu na bitini na dingwengwe, bawu mekaka bawu, . . . kufwaka bawu na mbele: . . . ba vwandaka kwenda bisika nionso na bampusu ya mameme mpe bampusu ya bankombo; ba botolaka bawu nionso, . . . mpe ba niokolaka bawu;

²⁰ Beno tala mbote ba-parenthèse yayi:

(Bayina vwandaka ve ya kulunga samu na yinza:) bawu vwandaka yenga-yenga na bantoto ya kuyuma, mpe na myongo, mpe na kati ya caverne mpe mabulu ya ntoto.

. . . bawu nyonso yayi, kuzwaka kimbangi ya mbote na nzila ya lukwikilu, bawu kuzwaka ve nsilulu:

Mutindu Nzambi bumbaka bima ya kulutila mbote samu na beto, ti bawu kuma ve ya kulunga kukondwa beto.

²¹ Ntangu mu ke tanga masolo ya basoda yina ya kikesa, Mu ke kukiyufula kisika mwa kimbangi ya beto ke telama na bantu yina na Kilumbu yina.

22 Kaka ntete kisambu, muntu ke zola ti ba bambuka yandi moyo na Nzambi? Beno telemisa kaka diboko ya beno, mpe nyonso yina beno kele na yawu nsatu ti Yandi mona mpe kuwa mpe kupesa yawu na beno ntangu yayi na yina beto ke kulumusa bayintu ya beto.

23 Tata ya beto ya kufuluka na lemvo, ya kufuluka na zola, beto ke belama na Kiti ya Nge ya kimfumu na suka yayi na Nkumbu ya Yesu, Mwana ya Nge, samu na kusambila samu na beto mosi mpe samu na bantu yankaka. Nge zola ntete, Mfumu, lemvokila beto bayimbi ya beto nionso mpe masumu ya beto ya nkú. Mpe na yina beto ke sambila samu na bantu yankaka, Mfumu, ti bawu mpe kuzwa mulemvo.

24 Mpe Dibuundu ya Nge ke belama pene-pene na Nge. Samu na kieleka, Mfumu, na kati ya ntima ya beto beto ke kwikila ti Nge me kubama na kusala kisalu na Dibuundu ya Nge, ya kukubama na kukatula Yawu na yinza mpe ba bangulaka Yandi na Kimfumu ya Nzambi. Kasi, Mfumu, sadisa beto na kukubama samu na ngunga yina. Bika ti na suka yayi kuvwanda ntangu, Mfumu, ti kubanda na mosi tii na beto nionso ke “katula kizitu nionso mpe disumu yina ke kangaka beto kukondwa mpasi, ti beto lenda kima mbangu na kukangaka ntima na yina kele na ntwa ya beto.”

25 Mpe mu ke sambila, Tata ya Mazulu, bubu yayi, ti Nge ke belusa bambevo mpe bantu ya mpasi. Mingi kele na kati ya yinsi, mpe bampasi, mpe “bambumbu” mutindu badokotolo ke tulaka yawu. Mpe mu ke sambila ti bangolo ya Nge ya kubeluka ya nzutu, Mfumu, kuvwanda na bantu yina.

26 Na yina samu na kukwisa na mwa kimvuka ya beto awa na suka yayi. Bantu mingi me nata matoma bankama ya bakilometele, me banda na manima ya ngunga mazono na nkokila mpe nzila nyonso na nkokila mpe na suka, bubu yayi, mpe ke nata ditoma na ngolo samu bawu kwisa na tabernacle. Mpe ya kele na mvula ya mpembe na nzila nyonso. Nzambi, beto ke sambila ti Nge ke sakumuna bawu mingi. Kukondwa ntembe ti mingi zolaka pesa kitini ya nene ya madya ya sabala ya bawu yina ke na kwiza, to nyonso yina ya zolaka vwanda, to bima yina ba zolaka sadila samu na kusadila mbongo ya bawu, samu na essence mpe bima yankaka, samu na kwisa.

27 Nzambi, yandi yina ke kwiza na Nge maboko mpamba ke vutuka ya kufuluka. Nge silaka yawu. Mpe mu ke sambila ti Nge ke fulusa bantima ya bawu mpe bitunga ya bawu (ya myoyo ya bawu) ya kufuluka na bima ya mbote ya Nzambi ti bawu ke kwenda kaka na zulu na “nsayi yina ba lenda kuzonzila ve mpe ya kufuluka na Nkembo.” Bika ti bambungu ya bantu yayi kufuluka na bima ya kimpeve ya Nzambi.

28 Sakumuna konso diboko, Nge zaba nsatu yina vwandaka na manima ya diboko yina, Mfumu. Mu ke lomba ti Nge ke

sakumuna bawu mingi. Beto me mona Nge na sabala yayi me luta mutindu Nge me pesa mvutu na bisambu na mutindu ya ngitukulu na mwa ntangu fioti, na bantangu ya mpasi mpe bimbevo mpe bampasi. Nge kele Nzambi, yina kele bisika nionso, yina ke telemaka pene-pene ya misadi ya Yandi. Mu ke sambila, Nzambi, ti Nge ke telama na lweka ya bayayi na suka yayi. Pesa bawu nsatu ya bawu, Mfumu, ya ntima ya bawu. Mu ke kwikila ve ti ya vwandaka samu na kima mosi ya munimi, mu ke zolaka ve mitifi ya yimbi na manima ya yawu. Mu ke sambila ti Nge ke sakumuna bawu.

²⁹ Mpe ntangu yayi, Tata, bambuka moyo na munu, beto, bubu yayi, mpe bika ti mu vwanda na kiyeka ya kubasisa munu mosi na nzila. . . Beto nionso, pasteur yina kele kuna na bana, bika ti beto vwanda na kiyeka ya kukabuka beto mosi na autel ya Nzambi mpe zibula bantima ya beto mpe kuwa Mpeve-Santu mutindu Yandi ke tuba na beto. Vutula bavaze ya beto na balusa- . . . samu na kuzwa balusakumunu ya Nge, na lweka ya mbote na zulu. Na yina mwangisa ngolo ya kupakulama Mafuta na kati ya bawu. Mpe pesa beto ngolo, Mfumu, yina beto ke na yawu nsatu samu na bilumbu yina kele na ntwala. Pesa lusakumunu yayi. Beto me lomba yawu na Nkumbu ya Yesu. Amen.

³⁰ (Hmm, mu zaba ve. Nge ke baka kaka numelo ya yandi ya alo-alo mpe ke tuba na yandi ti mu ke bokila yandi na manima ya dibuundu. Mu zaba ve.)

³¹ Sambila samu na munu. Mu. . . Mpangi Jack Moore na allo-allo, mpe ke na kundimisa munu na kuvwanda kuna sabala yayi. Beno me mona? Mu ke na nsatu ve ya. . . kuna na zulu, beno me mona, mpe na yawu mu zaba ve yinki kusala. Mu zola Mpangi Jack. Mpe lukutakanu yina ke na kwisa na ntwala kuna mpe yandi me manga bantu, mutindu Booth-Clibborn mpe bayankaka, yina ke kwisa. Na yina yandi me tatamana kaka, yandi me sala baluzabusu mpe nionso mutindu yina, yandi me tatamana kaka samu mu kwenda. Na yawu mu—mu ke zolaka kieleka kubendama na kukwenda, beno me mona. Mpe mu. . .

³² Mpe, ntangu yayi, na yina beto ke baka dyaka ntangu yayi ba-Corinthiens ya Zole, mpe beto ke banda na nzila ya 12 ya ba-Corinthiens ya Zole, mpe beno tanga nzila mosi ya Masonuku samu na dilongi yayi, kana Nzambi zola mingi. Ba-Corinthiens ya Ntete, . . . To ba-Corinthiens ya Zole, mu zola tuba, kapu 12 mpe nzila ya 9. Mu zola kutanga nsasa ya ntete. . . To kitini ya zole ya nzila ya 9, kitini ya yawu:

Mpe yandi tubaka na munu, lemvo ya Munu kele ya kulunga samu na nge: samu ti ngolo ya munu kele ya kulunga na kati ya kulemba. . .

³³ Bika mu tanga Yawu diaka ntangu yayi samu beno vwanda na kieleka ya kubaka dilongi yayi:

Mpe yandi tubaka na munu, (yayi kele Nzambi yina ke na kuzonza na Paul), Lemvo ya munu kele ya kulunga samu na nge: samu ti ngolo ya munu kele ya kulunga na kati ya kulemba. . .

³⁴ Na yina kana mu lendaka bokila yawu dilongi, mu ke zola sadila yayi, ngolo. . . *Ngolo Ya Kulunga Na Nzila Ya Kulemba Ya Kulunga*. Kana beto kele na kulemba beto kele na ngolo. Ya kele dilongi ya mumesanu ve na zulu. . . na kimvuka ya ba-Pentecotiste, samu na kusala. . . kubaka dilongi ya *kulemba*, samu ti beto ke pesaka ntangu nyonso kimbangi “beto kele na ngolo mingi.”

³⁵ Mpe mu me tuba na ntwala, ti, mu ke meka kaka na kusambila na kati ya sabala ya muvimba mpe beno tala yina ke vwanda mbote samu na munu na kunata na ntwala ya dibuundu. Kana ya me kwisa awa kaka samu na kuwa, mu ke zola mingi kuwa muntu yankaka na suka yayi kutelama awa.

³⁶ Ya kieleka, tii na mwa bilumbu me luta, mu vwandaka kuna na Kentucky na bantu ya Mpangi Gabehart kuna. Ntangu mu bikaka kisika ya bawu, mpangi-bakala yayi ya ntalu mpe kento ya yandi mpe dibuta ya yandi mpe bayankaka, tii kuna mu simbaka dibanza yayi.

³⁷ Mu kwendaka na yinzo mosi kaka mwa fyoti na ntwala ya yina. Mu vwandaka ya kutelama na ngaanda, mpe mama tubaka, “Mu ke zola kuzonza na longi yango.” Mpe mu kwendaka na mwa yinzo ya bawu. Mpe ya vwandaka. . . Yandi tubaka, “Nge kele Mpangi Branham?”

Mpe mu tubaka, “Yinga mama.”

³⁸ Yandi tubaka, “Mu ke na nsoni mingi samu na mutindu ya yinzo ya munu,” mpe yandi tubaka, “samu na kulomba nge na kukota.” Yandi bandaka na kudila. Yandi tubaka, “Kasi mu—mu kele na nsatu ya yawu mpe mu kele na kivuvu ya kieleka na nge.”

³⁹ Mpe mu monaka ti ya vwandaka kisika Mpangi ya beto ya kento Cox yina beto vwanda vwanda na bayankaka kuna—kuna, nkooko mosi ya kento na magnetophone ke kwendaka na quartier samu na kubula ba-bande. Yawu yina! Yawu yina dibanza! Beno me mona?

⁴⁰ Mu me tala bisika nyonso na yinzo yayi, mwa yinzo mosi ya kukikulumusasa, na kutala mutindu kisika ba me sansaka munu, kasi kibaka ya kifuluka na bafoto ya Klisto. Ya vwandaka na Biblia na zulu ya mesa. Mu tubaka, “Mu me kuzwaka ata fioti ve buzitu ya kulutila na luzingu ya munu, yayi kele mutindu ya yinzo yina mu ke zolaka kukota.” Yandi lombaka lombilu samu na muntu mosi. Mpe bangunga tanu na ntangu yina beto sambilaka kintwadi, nkooko ya kento yayi mpe mu sambilaka kintwadi, Nzambi pesaka mvutu.

41 Na yawu beto sambilaka dyaka, mpe Mama Cox mpe munu mpe bayankaka pene-pene ya mesa na suka yina, beto kulumusaka bayintu mpe lombaka na Nzambi na kupesa beto bweso ya kusala kima na nzila ya bangolo yina kento yina salaka. Mpe, na kulombaka yawu, Nzambi zibulaka nzila mosi. Beno me mona? Yandi kele Nzambi!

42 Beto ke meka na kusala kulemba ya beto esikize. Beto zola kutuba mutindu beto kele nene, mutindu beto kele nene. Mu banza ti ya kele mosi ya bima yina mu . . . Nzambi pesaka munu dilongi, ya vwandaka kubasisa yawu na mabanza ya beto. Beno me mona?

43 Ya kele na mwa bima yina beto ke salaka. Mpe ya kele samu na yina beto ke kwizaka na dibuundu, ya kele samu na kumona kisika bafoti ya beto kele, mpe bima yina beto mosi fwana sala kulutula mbote. Kana beto kwisa na yinzo-Nzambi samu na kikuma yankaka nionso—yankaka nionso, Mu ke na boma ti beto ke kuzwa mingi ve na kukwisaka na dibuundu. Beto fwana kwisa samu na kumona bakulemba ya beto, kumona bisika ya beto ya yimbi mpe ya beto . . . mutindu . . . kumona mutindu beto kele fyoti, mpe ke tula kivuvu ya beto na Muntu yina kele na ngolo. Kasi ntangu beto kele ya kulemba . . .

44 Ya kele na mingi ya beto ke zolaka kupesa kimbangi to ke zolaka kubanza ti beto kele ya kulunga ve mpe, na yina, beto ke sala yawu samu na kutina, “Mu me longukaka ve, mu kele na kiyeka ve, mu lenda sala *yayi* ve.” Mpe kana beno bumba yawu mpe beno sala yawu na mutindu yina, beno landila na kukwenda mutindu yina, na yina beno lenda kuzwa ve kizitu na kima mosi. Kasi kima ya kieleka yina beto ke sala yina beto ke tudila ntima, na kulemba ya beto, Nzambi ke sadilaka kima yina kaka samu na kunwanisa kisalu. Beno me mona? Yandi ke vingila beto kukuma na kondisyo yina samu ti Yandi sadila beto. Beto—beto ke baka bima yankaka ya kutuba mpe ke tuba, “Mbote, mu—mu—mu—mu kele . . . mu lenda sala *yayi* ve, mu kele ya kulunga ve. Mu—mu lenda sala yawu ve.” Mpe Nzambi ke bakaka kima yina ya kieleka samu na kusala kisalu. Ya kieleka.

45 Ya kele samu na yina ti Yandi—Yandi soolaka beto, samu ti beto kele na kati ya kondisyo yina. Ntangu *yayi*, ya ke monana ya ngitukulu, kasi kaka na mwa minuti fioti beto ke kota na kikuma ya yawu, kana Nzambi kuzola.

46 Beto—beto ke tala, kaka mutindu beto vwandaka tanga, kulemba yina mpe kulosama . . . mpe beto ke mona ti bantu yina kele ya kulemba mingi mpe bayina me losama na nganda ya yinza, kele ba—hero ya Nzambi, yina ke nunga na ndilu ya ntwala, ke baka bayina kele—kele . . . bawu mosi na mutindu ya kulunga ve.

47 Ya vwandaka na mpangi mosi ya bakala ya Methodiste, tatu ya bawu yina ke kwizaka na dibuundu *yayi* yina katukaka na

Ohio, to na node ya Indiana. Bawu tubaka na munu ntama mingi ve, bawu tubaka, “Mpangi Branham,” yandi tubaka, “beto kuzwaka kaka Mpeve-Santu, beto ke sosa ntangu yayi makabu samu na ministere ya beto?”

Mu tubaka, “Kusala yawu ve! Bika yawu swi.”

⁴⁸ Mpe yandi balukaka mpe talaka munu, yandi tubaka, “Mu tangaka kaka buku ya mpangi-bakala mosi yina me tuba na beto na manima beto me kuzwa Mpeve-Santu beto ‘fwana sosa makabu,’ samu na yayi na kusadila Mpeve-Santu yayi.”

Mu tubaka, “Mpe nge me kuma muntu ya lunangu!” Beno me mona?

⁴⁹ Kana beno tala na kati ya Biblia, ya kele ntangu nyonso bayina ke na kumeka na kutina yawu, ti Nzambi ke sadilaka. Ntangu nyonso yina muntu ke . . . zola kusala kima mosi mpe kubanza ti yandi kele na kiyeka mingi ti yandi lenda tula kisalu na zulu ya yawu, Nzambi lendaka ata fioti ve kusadila muntu yina. Beno tala Moïse, na kukimaka; beno tala Paul, na kukimaka; mpe bayankaka ya bawu, na kumekaka na kutina yawu.

⁵⁰ Mu tubaka, “Beno sosa kima mosi ve. Nzambi kele na kima samu na beno, Yandi ke pesa yawu na beno.” Beno me mona? “Mpe beno bika kaka ti Yandi—ti Yandi kukeba yawu.” Mu tubaka, “Na yina nge ke baka mwa bantangu yayi mutindu beto ke na yawu, vwanda na yawu bubu yayi, ti muntu nionso ke zola kusala *yayi* mpe kusala *yina* mpe kukuma muntu mosi ya nene. Beno tala yina beto me kota na yawu, beno me mona.”

⁵¹ Na kisika ya kumeka na kuvwanda nene beto fwana meka—mekka na kuzwa mutindu beto lenda kuma fyoti. Beno me mona? Na yina Nzambi lenda sadila beto. Mu kele na Masonuku mingi ya kusonama awa yina mu lendaka talisa, mu banza, kasi mu . . . beto . . . Mu banza ti mu ke kuzwa ntangu ve ya kusala yawu. Kasi beto kele . . .

⁵² Beno tala ti ya ke bakaka muntu ya kulemba mingi mpe yina ba me losa, mpe na kutala konso hero yina Nzambi kuzwaka na ntwala vwandaka muntu ya mutindu yina. Muntu yina ba losaka, muntu yina banzaka ti yandi vwandaka ya kulunga ve, muntu yina vwandaka na lenda ata fioti ve, na yina muntu yina kele kaka na mutindu ya mbote samu Nzambi banda na kusadila yandi. Ya kieleka. Ya kele ntangu bawu ke kuwa mutindu yina bawu lenda ve, bawu kele na kima mosi ve, ya kele ntangu Nzambi lenda baka bawu mpe kusala kima na bawu. Beno me mona? Ntangu . . . Kasi ntangu beto ke banza ti beto kele na kiyeka ya kusala yawu, na yina Nzambi lenda sadila beto ve samu beto ke zola kusala yawu beto mosi.

⁵³ Mpe, na yina, na lweka yankaka, beto ke kuzwa bansatu ya nzutu yayi mpe beto ke banza kuna ti beto kele ya kulunga ve,

mpe beto zola ve kusala yawu; kasi na yina kana beto kuwa kaka lubokilu ya Nzambi, ya kele kima ya kieleka yina Nzambi zola ti beto kota, na mutindu yina, na yawu Yandi lenda.

⁵⁴ Ntangu beto kele ya kulunga ve, beto mosi, na yina beto kele bantu ya kupesa na Mpeve ya Nzambi. Ntangu nyonso yina beto ke banza ti beto lenda sala yawu, na yina beto lenda sala yawu ve. Kasi ntangu beto ke kuma na kisika yina beto zaba ti beto lenda sala yawu ve, na yina beto ke kukipesa beto mosi na Nzambi mpe Yandi ke sala yawu. Na yawu kana ya kele beto na kumeka na kusala yawu beto ke kondwa, kasi kana beto ke kukipesa kaka beto mosi na Nzambi na yina Nzambi lenda kubwa ve. Ya kele kaka na kima mosi yina Nzambi lenda ve kusala, mpe, ya kele kubwa. Yandi lenda sala kima yankaka kasi kubwa. Kasi Yandi lenda kubwa ve.

⁵⁵ Na yina ntangu nionso beto ke meka na beto mosi mpe beto ke tala na balenda ya beto, mpe nionso yina, mbote, beto ke sala kima mosi ve. Kasi ntangu beto ke kuma na kisika yina beto zaba ti beto kele kima mosi ve, na yina Nzambi lenda sadila beto.

⁵⁶ Kima ya kulutila mfunu, mosi ya bima ya kulutila mfunu yina beto fwana vwanda na mfumu... Ntangu yayi beno bambuka moyo na yayi, mpe mingi-mingi beno milongi ya bantwenya, mpe ya kuvwanda na bamambeke mutindu mosi. Ya kele na kima mosi yina beto fwana kuzwa na mfumu kana beto ke vingila na kulungisa nsatu ya Nzambi na luzingu ya beto, ya zola tuba, beto fwana yala dibanza ya *lenda ya kimuntu*. Kana beto kuma na kisika yina beto ke banza ti beto lenda sala yawu na mayele ya beto mosi mpe balenda ya beto mosi, beto fwana zonga yawu na mutindu ti beto lenda katukila kima mpe tula yawu na lweka samu ti Nzambi lenda sadila beto. Ya kele kieleka.

⁵⁷ Mpe sala kingolo-ngolo! Beto lenda ve kusadila kiyeka mosi. Beto fwana kukipesa ya muvimba! Mpe, na kukwiza na Nzambi, beno fwana pesa na Yandi nyonso, moyo, nzutu, mpe mpeve. Nyonso yina beno kele fwana pesama na Nzambi, samu ti Yandi lenda sala luzolo ya Yandi na kati ya beno mpe na kati ya munu.

⁵⁸ Ntangu yayi, yina kele mpasi, mu zaba, samu beto ke zolaka ntangu nionso kukotisa kitini ya beto, kima yina beto *zaba*, beto zaba ti beto zola kusala yawu. Beto ke tuba, “Mbote, mu—mu zaba kaka ti ya fwana salama mutindu yayi.” Kasi ntangu nionso beno ke sala yawu mutindu yina ya ke vwanda luvunu, mpe Nzambi ke sadila ata fioti ve ngolo yina. Mbala yankaka, na lusalusu ya Mfumu, beto ke tubila yawu na mwa ntangu fioti, mpe beno talisa kaka beno mutindu Nzambi lenda ve kusadila lenda ya beno.

⁵⁹ Mpe yawu yina diambu na yinza bubu yayi: ya kele na banzingulu mingi, ba me tula mingi na zulu ya ndongosolo, beto ke tula ntima mingi na kimpangi to kimpangi na denomination,

beto ke pema na zulu ya mosi na yankaka, beto ke pema na zulu ya bantu na balenda.

⁶⁰ Biblia me tuba, “Wapi mutindu beno lenda vwanda na lukwikilu ntangu beno—ntangu beno kele. . .” Beto tala, wapi mutindu Masonuku yango kele? “Wapi mutindu beno lenda vwanda na lukwikilu ntangu beno ke vwanda na mvibudulu na mosi na yankaka?”

⁶¹ Ntangu beto ke vingila, na kutubaka, “Muntu yayi, yandi kele muntu ya nene. Yayi kele muntu ya nene, mu ke yekama na yandi,” yina ke nyongisa Nzambi ntangu beno ke sala yawu. Beto fwana yekama na Nzambi mpe Nzambi kaka! Beto fwana tula kivuvu ve na lenda ya beto mosi to muntu nionso. Beto fwana kukipesa ya muvimba na Nzambi.

⁶² Ve lenda mosi, mu ke kipe ve yina ya kele, mu ke vwanda ata fioti ve na nsalulu ya beto na meso ya Nzambi. Nzambi fwana katula na beto balenda nyonso ya beto na ntwala Yandi lenda sala lukanu ya Yandi. Kana Yandi kele na kima samu na beto na kusala, mpe ntangu nyonso yina beto ke tala ti beto ke na kusala kisalu mosi ya mbote mingi na yawu, na yina beto ke vwanda ata fioti ve na kiyeka ya kusadila Nzambi.

⁶³ Ntangu yayi, beno ke tuba, “Nge ke na kusalaka nsamunu mosi ya nene ya boma, Mpangi Branham.” Mpe yina—yina kele mosi ya nene, kasi beno tala kaka na nziunga mpe beno tala kana ya kele kieleka to ve.

⁶⁴ Beno tala bisika nyonso bubu yayi na nsalulu ya beto nyonso ya nene yina beto ke banza ti beto me sala, mpe kisika kele Buklisto na Etats-Unis? Beno tala mabuundu ya beto nionso mpe ba-denomination ya beto, mpe ba-evangeliste ya beto mpe ba-campagne ya kubeluka ya nzutu, mpe nyonso yankaka yina beto me kuzwa, mpe yinki ya kele? Ya kulutula yimbi na yina ya vwandaka ntete na mbandukulu! Ya kele yimbi mingi bubu yayi kulutula yina ya vwandaka ntete ve, samu ti beto me meka na kusala yawu na lenda ya muntu.

⁶⁵ Ba ke vukana kintwadi mpe ke sala bisambu ya yinda mpe ke kwenda awa. Mpe bawu kuzwaka kilumbu yankaka yina kisika bawu kuzwaka mingi, nkama na makumi tanu ya mafunda, to kima mutindu yina, bawu vukanaka kintwadi, nyonso zole ba-Protestant mpe Katolika; beno tuba bisambu, mpe beno sambila mwa bisambu, mpe kusala bisambu, mpe nyonso yina. Ya lendaka vwanda mbote ti ya kuvukana ve, ya kele na kima ya mfunu ve na meso ya Nzambi.

⁶⁶ Ntangu yayi, kana mu kuma muvwezi, beno lemvokila munu. Beno me mona? Kasi mu—mu kele. . . Beno fwana kotisa kima yango kuna. Beno me mona? Beno fwana sala yawu kukota na nsòsò.

⁶⁷ Mpe wapi mbote ya salaka? Kima mosi ve. Mpe ya ke vwanda ata fioti ve tii kuna muntu nionso yina ke tubaka ti yandi kele Muklisto ke zimbana lenda ya yandi mosi mpe ke kukipesa yandi mosi na Nzambi.

⁶⁸ Na yina Nzambi lenda sala lukanu ya Yandi na kufidisaka. . . ve réveil, kasi, mpangi, yina Yandi kele na nsatu ya kusala ntete kele kufidisa kufwa, ya kele kieleka, na yawu beto *lenda* vumbuka. Beno fwana kufwa ntete beno lenda butuka dyaka, mpe beno fwana. . . Yandi kele na nsatu ya kufwa ya beto mosi. Tabernacle yayi kele na nsatu ya kufwa, mpe munu na yawu. Beto nyonso, beto kele na nsatu ya kufwa samu ti beto kulenda na kuvumbuka na luzingu ya malu-malu, kusimba ya malu-malu, kivuvu ya malu-malu, nzingulu ya malu-malu! Beto kele na nsatu ya kilumbu ya ntete ya mafwa.

⁶⁹ Beto kele na nsatu ya kisika ya kupesa na Mpeve na kisika ya kuzwa mingi ya kutala na lukolo mpe na zulu ya manaka ya beto, mpe beto. . . ba-campagne ya beto mpe nyonso yina kele na beto. Beto—beto—beto ke tulaka ntima na ngwisani na balongi mingi ya luswaswanu samu na kusala na kintwadi. Beto me pesa mingi ya bantu. . . “Kana beto lenda kuzwa mingi ve, mbote, beto ke sala yawu ve. Beto ke kwenda ve na bambanza kukondwa yawu.” Mpe na yina, ntangu beto ke sala yawu, beto ke sala yawu na masini ya nene yina kele na foto ya nene ya kele na yawu, beno me mona.

⁷⁰ Na yina beto—beto fwana kwenda ntama na yawu, lenda yina ya muntu. Beto fwana kuma na kisika yina beto lenda pesa mioyo ya beto mpe baluzingu ya beto, mpe na kento ya yinzo, na fermier, na mekaniki, to na nionso yina beto kele, beto fwana kukipesa ya muvimba na Nzambi mpe kuzaba ti “beto kele kima mosi ve.” Na yina bika ti Nzambi kubanda kuna. Na yina Yandi ke banda na kusala, ke sala. Mpe yina na kati ya beto nionso, beto nionso. Ya kele kima yina beto fwana sala.

⁷¹ Disolo ke talisa, ya ke sala yawu ntangu yayi, ya ke talisa (disolo ke salaka yawu) ti Nzambi ntangu nionso ke soolaka bantu ya mpamba samu na kukuma bantu ya Yandi. Nzambi ke bakaka muntu yina kele kima mosi ve.

⁷² Bubu yayi, kana ti beno kuzwa lufulu ya mbote ya théologie, beno ke sala mbote na kumeka ve na kukota na mbanza, beno ke sala mbote na kumeka ve na kukota na lukutakanu. Kasi kana beno kele na lufulu ya nene, na kulongoka ya nene mpe bima na manima ya beno, beno lenda kwenda na mbanza nyonso mpe kuzwa lusalusu, samu na kuzwa lukutakanu ya nene. Mbote, ya kele ve lukutakanu. . . Ya kele lukutakanu, kaka mutindu kima nyonso yankaka, kasi wapi mbote ya ke sala? Beno me mona, beno—beno dyaka. . . Beno baka bana-bakento yayi ya fioti mpe bana-babakala ke kwisa kuna, ke dia chewing gum mpe ke kwenda na autel, mpe bakento mpe babakala ke mata kuna kaka

samu na kutuba bawu “me kwenda na autel,” ba ke kwendaka na kivinga samu na kuzwa bandongosolo mpe ke vutuka kuna mpe ba ke losila bawu masa to ba ke kotisa bawu na masa, to nyonso yina ya kele, mpe—mpe mvula mosi kubanda kuna . . .

⁷³ Mosi ya ba-evangeliste ya beto ya kulutila nene tubaka, kana yandi zolaka zaba ti yandi zolaka vulusa kumi na zulu ya nkama ya bakundima ya yandi samu na mvula mosi, yandi ke vwanda na kyese. Na yina, na yina, ntangu kana yandi vwandaka na bantu ya kundima, na mvula yina ke kwisa ya zolaka vwanda—zolaka vwanda na mafunda kumi ya bawu. Beno me mona, beto kele ve na kati ya nzila, beto kele ve na kati ya lukanu.

⁷⁴ Bayankaka na kati ya beto ke tunga yawu na zulu ya dibanza ya kimuntu, “Oh,” yina, “muntu yayi zaba nionso, muntu yayi kele muntu ya mayele yina me longokaka mingi. Beto fwana longisa bantu ya beto mpe kulongisa bawu.”

⁷⁵ Yina ya kulanda ke tula yawu na zulu ya mwa sensation ya—ya mouvement, ke tekita, ke boka, ke dila, ke bina na Kimpeve, to kima mosi, kimalu mosi ya émotion ya ngaanda. Mpe ya kele kaka yimbi mutindu ndongosolo! Kana dyabulu lenda ve kunata beno na lweka *yayi*, yandi ke kotisa beno na lweka *yina*.

⁷⁶ Kasi diambu ya yawu kele, kele kuvwanda na kima mosi ve yina beno lenda tala na yandi mosi to kima nionso yina beno lenda sala, kaka ya muvimba, ya muvimba ya kukipesa ya kulemba ya beno na Nzambi, mpe kutuba, “Munu yandi yayi.” Beno vwanda na kima mosi ve, lenda mosi ve yina beno lenda tula ntima!

⁷⁷ Beno tala na manima na nzila ya Masonuku mpe beno tala, na yina mu kele na Masonuku ya kusonama awa mu ke na kulanda. Bayankaka na kati ya Masonuku, beto ke mona ti, Nzambi ke sadilaka ntangu nionso bitini ya ntoto samu na kukuma muntu ya Yandi. Yandi bakaka ntangu nionso yina yinza losaka, yina nsungi ya bilumbu yayi me losa, mpe ya kele mutindu yina Yandi bakaka samu na kusadila.

⁷⁸ Beno tala bantumwa. Beno banza na yina na zulu ya Pierre, mulobi mbisi, ndongosolo mingi ve samu na kusonika nkumbu ya yandi mosi. Jean, muntu yina zabaka kima ve mpe yina longokaka ve. Muntu yina! Yandi lutaka na zulu ya bantu ya lukumu mpe banganga-Nzambi yina longokaka mpe bantu ya nene ya bilumbu ya bawu, bantu ya mayela mingi, bamambele ya dibuundu, mpe ya kifuluka na . . . bantu yango yina banzaka ti bawu vwandaka bantu, mpe lokotaka bayina vwandaka muntu ve mpe sadilaka bawu.

⁷⁹ Ntangu yayi, muntu lenda kuma mosi ya bantu ya Yandi, Nzambi lenda sadila bawu kana bawu me kubama na kuzimbana ti bawu kele muntu mosi. Kana beno me kubama na kuzimbana ti beno kele *muntu mosi* mpe beno kuma *muntu mosi ve*, na yina Nzambi lenda sadila beno mpe kusala muntu mosi samu

na beno. Beno me mona? Kasi beno fwana zimbana ti beno kele mfunu mingi.

⁸⁰ Ya kele na mingi ya beto, mingi ya beto ke salaka yawu na—na baluzingu ya beto. Na ntangu kaka. . . Bantu yankaka, na ntangu bawu kumaka Baklisto, bawu kumaka bantu ya lunangu, bantu yina ke kipeke diambu ve, ya kele kieleka, ntangu ba ke baka kaka lweka yayi mpe nzila yankaka. Ba ke vutuka na manima na kisika ya kukwenda na ntwala. Ntangu. . . Beno lenda basika na beno mosi, kulutila beno ke kuzwa bisika samu Mpeve-Santu kukota.

⁸¹ Mutindu Élisée tubaka na Josaphat mpe bayankaka, tubaka, “Beno timuna kisika yayi ya kufuluka na mabulu. Kulutila beno ke timuna, beno ke kuzwa masa mingi.” Mpe kulutila beto ke losa ntama ya beto yina kele ya beto, balenda ya beto yina kele na mfunu mosi ve ti beto lenda basisa yawu na beto, kulutila beno ke kuzwa kisika mingi samu na kuvwanda ya kufuluka na Mpeve ya Nzambi; ntangu nyonso yina beto lenda sala yawu.

⁸² Paul, yandi yina kaka beto ke tanga awa na—na ba-Corinthiens, na ba-Corinthiens ya Zole, beto ke tala ti muntu yayi vwandaka muntu ya nene. Yandi vwandaka muntu ya mayela, muntu ya nene. Kasi yandi zolaka zimbana nionso yina yandi zabaka, samu na kuzaba Klisto.

⁸³ Mu ke bika. . . kutanga mosi ya Masonuku yayi awa, samu ti beno—beno zola kutanga yawu na munu. Beto baka ya Ntete ya Corinthiens, kapu ya 2 mpe nzila ya Ntete, kaka minuti. Mpe beto tanga awa kaka minuti yina Paul tubaka, muntu ya nene ya mayela yayi, yina yandi tubaka samu na yandi mosi, yina yandi zolaka sala. Ba-Corinthiens ya Ntete, kapu ya 2 ya ba-Corinthiens ya Ntete, mpe kubanda na nzila ya 1te. Beno kuwa kizabi yayi.

⁸⁴ Ba longisaka muntu yayi. Yandi lendaka tuba kaka pene ya ndinga nyonso yina vwandaka na yinza. Yandi zolaka sala lunangu samu na yawu. Ba nataka yandi na yisi ya nkonga ya kinzambi-nzambi ya kulutila ya ba-Pharisien, mpe tata ya yandi vwandaka Pharisien. Na manima yandi vwandaka “Pharisien ya ba-Pharisien,” mpe yina zola kutuba ti yandi vwandaka—yandi vwandaka kieleka pharisien ya kulutila ngolo ya ba-Pharisien. Yandi vwandaka muntu ya nene. Mpe yandi vwandaka na lutumu, mpe yandi vwandaka na mayela mingi.

⁸⁵ Tata ya yandi pesaka yandi ndongosolo na yisi ya mulongisi ya kulutila mbote yina vwandaka na yinsi nyonso, Gamaliel, na ntangu yina mulongisi ya nene ya balukolo nyonso. Paul kumaka kifwani yina ya muntu. Yandi longokaka ndinga nyonso. Yandi longokaka psychologie. Yandi longokaka bima nyonso ya mutindu na mutindu yina kele na—na. . . samu na kulongoka mutindu yina. Mpe yandi vwandaka me yekama ngolo na—na

tabernacle ya—ya banganga-Nzambi mpe na muntu ya nene. Mpe yandi zolaka sala muvusu na Dibuundu.

⁸⁶ Beno kuwa muntu mosi yayi, na malongi nyonso yayi, na manima yandi me yamba Klisto. Beno kuwa yina yandi me tuba. Wapi mutindu yandi vwandaka na ngolo mpe nene, yandi zolaka zimbana yawu. Yandi zolaka bakula ti yandi zolaka tala ve na yandi mosi. Yandi zolaka bakula ti kulongoka ya yandi vwandaka kima ve. Yandi zolaka bakula, ti kulongoka nyonso yina yandi kuzwaka ntete, yandi zolaka zimbana nionso yina yandi longukaka. Beno kuwa yandi ntangu yayi.

. . . Munu, bampangi, ntangu mu ke kwizaka na beno, . . . ve na kisika ya zulu mingi ya nzonzolo . . . ya ndwenga, beno me mona, na kutubaka na beno kimbangi ya Nzambi.

“Mu me kwisaka ata fioti ve samu na kutuba na beno, ‘Ntangu yayi, mu kele Docteur Saul yina me katuka na Lukolo ya *Kingandi*, Mu kele . . . na kati ya kimvuka ya nene ya denomination yayi. mu me kwisaka ata fioti ve na beno mutindu yina.”

Samu mu me ndimaka ve dibanza ya kuzaba kima yankaka na kati ya beno, kasi Yesu Klisto, mpe yina ba komaka na kulunsi.

⁸⁷ Kuna, beno kuwa kimbangi ya muntu mutindu yina.

“Mu me ndimaka ve dibanza ya kuzaba kima mosi samu na balenda ya beno. Mu zaba ti ya ke na kima mosi ve na kati ya beno mpe mu me ndima kaka lukanu ya kuzaba kima mosi yina mu ke mona na kati ya beno, ya kele Yesu Klisto mpe Yandi yina ba komaka na kulunsi. Mvulusi yina ba komaka na kulunsi na kati ya beno, ya kele nyonso mu ke zaba.”

⁸⁸ Beno kuwa yandi.

Mpe mu vwandaka na beno na . . . (bunene? Na kati ya yinki?) . . . kulemba, mpe na boma, mpe . . . na kutekitaka mingi.

⁸⁹ Beno lenda banza muntu, Pharisien ya ba-Pharisien, mulongisi ya milongisi, muntu yina ba longisaka na bumama (samu na ministele) samu na kuvwanda muntu yina zaba kuzonza yina vwandaka muntu ya mayela mpe muntu ya mayela mingi, na kwiza na ntwala ya bantu mutindu ba-Corinthiens mpe kutuba, “Mu vwandaka na beno na kulemba, mpe na boma, mpe na kutekitaka”? Muntu yina tulaka yinza na muvusu, missionnaire ya kulutula nene yina me bakulaka ntete ve, ndimaka ti yandi “ke kwizaka na kati ya kulemba,” ve mutindu muntu ya mayela yina me longukaka, kasi “na kulemba, na boma,” samu ti yandi kubasika na Nzila kisika mosi. “Na kati ya kutekita mingi,” samu ti yandi vwandaka na kivuvu ve na lenda ya yandi mosi.

⁹⁰ Ya kele samu na yina yandi vwandaka “banga,” ve samu ti yandi vwandaka na boma ya kima, kasi yandi vwandaka na boma ti yandi zolaka sepelisa Nzambi na mutindu mosi, ti yandi zolaka kuzwa lenda ya yandi mosi na kati ya Yawu; kima yina yandi longokaka, ti yandi vwandaka . . . Yandi vwandaka tuba na bawu ti, “Mu me kwisa na beno ve na bisika yayi ya malongi ya kulutula nene (Mu me kwisa na beno na *boma* ti mu lunga kwisa na nzila yina), kasi mu me kwisa na beno na kuzabaka kima mosi ve kasi Klisto, mpe Yandi yina ba komaka na kulunsi.”

Mpe mu me kwisa na beno na boma, mpe kulemba, mpe na kutekitaka mingi.

Mpe ndinga ya munu mpe malongi ya munu vwandaka ve na bandinga ya luvunu ya ndwenga ya muntu, kasi na kumonisama ya Mpeve mpe . . . ngolo:

⁹¹ Beno kuwa muntu yayi yina vwandaka munwani-mvita mpe yina ke kukikatula. Amen! Kana ya kele na kima yina balukolo ya beto kele na nsatu bubu yayi, kana ya kele kima yina mabuundu ya beto kele na yawu nsatu bubu yayi, kele bawu ke kukikatula, mabanza ya bawu mpe balenda ya bawu. Beno katula nionso ya beno na ntwala ya Nzambi kana ve beno ke meka na kusala kima mosi na beno mosi.

⁹² Mu banza ti beno . . . ya ke kulumuka na kati ya beto, awa mpe kisika yina ba ke kuwaka bande na yinza, mpe, ti beno ke bakula ti beno fwana kuma kima mosi ve. Ya kele ve muntu yina me zaba nionso, ya kele ve muntu ya nene, kasi *muntu mosi ve*. Beno ke vwanda . . . beno fwana kwiza na fundu-fundu. Beno fwana kuma na kisika yina beno zaba ti beno kele kima mosi ve. Mpe beno telama ata mbala mosi ve na zulu ya yawu, na yina kaka beno ke telama na zulu ya yawu beno ke telama na zulu ya Nzambi. Beno fwana kubumba beno mosi na fundu-fundu mpe na nzila ya Damas. Beno fwana kukabuka beno mosi na zulu ya bampunda ya beno ya zulu. Mpe ya kele samu na bisika nyonso, awa mpe na yinza ya ba-bande.

⁹³ “Ndinga ya munu,” yandi tubaka, “kele ve . . . na bandinga ya luvunu ya muntu mpe ya ndwenga ya muntu, kasi na kumonisama ya Mpeve ya ngolo.”

⁹⁴ Ntangu yayi beno tala mbote! “Samu na yinki, Paul? Samu na yinki beno ke sala yayi?”

Ngolo! Ti lukwikilu ya beno lendaka telama ve na zulu ya ndwenga ya bantu, kasi na ngolo ya Nzambi.

⁹⁵ Oh, wapi mulongi! Muntu ya nene yayi yina . . . Yandi sosaka Nzambi, mpe yandi tubaka, “Nzambi, mu kele ya kulemba mpe mu—mu zaba ve yinki ya kusala. Mu ke sambila kaka Nge, Nzambi, samu na kupesa munu ngolo mpe kukatula bimbevo ya munu na munu, mpe bima yayi, samu ti mu vwanda na ngolo mingi.”

⁹⁶ Nzambi zonzaka na yandi, tubaka, “Paul, ngolo ya Munu kele ya kulunga na kulemba ya nge.”

⁹⁷ Na yina Paul tubaka, “Ntangu mu kele ya kulemba na yina mu kele na ngolo. Yinga!” Yandi tubaka, “Na yina ke . . . Mu ke vwanda na nkembo na bimbevo ya munu ya kulemba ya munu mpe nyonso yina. Mu ke vutula matondo na Nzambi ti mu me basisa nionso na munu. Mpe ntangu mu ke basisa bima nionso na munu, na yina Nzambi lenda kota. Kasi ntangu nyonso yina mu ke kuzwa ndambu ya munu mosi kuna, na yina Nzambi lenda kota ve.”

⁹⁸ Yawu yina, beto—beto ke kanga Yandi na ngaanda. Beto ke nata Yandi na ngolo na ya beto . . . Kubanda na mputu ya kulutula na mwama ya kulutula na kati ya beto, kubanda na fioti ya kulutula na nene ya kulutula, beto ke bika Nzambi ntama na baluzingu ya beto samu na beto mosi.

⁹⁹ Mu ke zonzaka bambala mingi, “Mbeni ya munu ya kulutula nene kele William Branham.” Yandi kele yina ke kota na mutindu ya Nzambi. Yandi kele yina ke pesaka kaka kulemba. Yandi kele yina ke kwendaka na kisika bantangu yankaka kisika yandi ke banzaka ti yandi lenda sala kima mosi samu na yawu, mpe, ntangu yandi ke sala yawu, yandi ke katula Nzambi na foto. Kasi ntangu mu lenda kukatukila muntu yina, ntangu mu lenda kuma na kisika yina yandi kele na ngaanda ya nzila, na yina Nzambi lenda kwisa mpe kusala bima yina William Branham me zaba kima mosi ve.

¹⁰⁰ Ya kele ntangu Nzambi lenda sadila beno. Ya kele ntangu Yandi lenda sadila mosi ya beno. Yandi lenda sadila muntu nionso ntangu beto ke basika na nzila. Kasi ntangu nionso beto ke vwanda na beto mosi na nzila, na yina beto lenda ve. Mbote mingi.

¹⁰¹ Ntangu yayi beto ke tala, muntu ya nene yayi, Paul, yandi vwandaka—yandi vwandaka mwana ya ntinu na kati ya milongi. Ba vwandaka zitisa yandi na konso denomination. Muntu yina lendaka kwenda na mbanza mosi mpe kusala lukutakanu mosi konso kisika yina. Samu na yinki? Yandi vwandaka na babakalati ya mbongo. Oh, yandi vwandaka nene mingi, mpe bakaka kieleka lukanu ya kupanza bantu nionso yina vwandaka ya kulemba, tii yandi kuzwaka ngolo na nganga-nzambi ya ntete, lutumu ya nene ya zulu mingi, samu na kukanga mosi na mosi ya bawu Miklisto. Ngolo ya politiki ya dibuundu ya yandi, samu na kukanga bawu nionso! Oh, yandi vwandaka na ngolo! Yandi zolaka kanga na basinga Miklisto mpe kulosa bawu na boloko samu ti bawu zolaka ve kuwisana na yandi na zulu ya malongi ya yandi ya théologie, na zulu ya malongi ya ba-Pharisien mpe ya ba-Sadducéen. Yandi vwandaka kanga na basinga Miklisto.

¹⁰² Kasi, beno tala, ba zolaka kanga yandi na basinga, yandi mosi, na yawu yandi zolaka zimbisa ngolo ya yandi mpe lutumu.

Yandi kukikangaka, yandi mosi, samu na kuzimbisa yina yandi vwandaka na ngolo ya kukangisa. Yandi zolaka zimbisa yina yandi vwandaka, samu na kuvwanda ya kukanga.

¹⁰³ Nzambi lutaka bantu ya lukumu! Yandi lutaka banganga-Nzambi. Yandi lutaka bayina vwandaka na lufundu. Mpe Yandi soolaka Paul, muntu ya nene yayi, mpe salaka yandi kubwa na fundu-fundu ya ntoto mpe kusala bima yina yandi... mutindu bayankaka yina vwandaka sala. Yandi salaka bawu kusala na... salaka yandi kusala mutindu mosi na bayina yandi vwandaka kangisa. Yandi kangaka Paul na nsinga na nzila ya Mpeve ya Nzambi, samu na katulaka yandi bansinga na ngolo yina yandi zolaka kanga Miklisto bansinga. Beno tuba na munu ti Nzambi me zaba ve yina Yandi ke na kusalaka? Yandi katulaka ngolo ya yandi samu na kuzimbisa ya yandi—ya yandi.

¹⁰⁴ Balongi yikwa Nzambi lenda sadila na suka yayi kana bawu zolaka kaka kubika Nzambi kukanga bawu na Ndinga ya Yandi mpe na ngolo ya Yandi, mpe ke katula bawu na nsinga na ngolo ya ba-denomination ya bawu mpe ba-organisation! Bantu yikwa ya kusungama na kati ya mbanza yayi, na suka yayi, yina ke kwenda na mabuundu yayi ya nene ya ba-organisation, bantu yikwa Yandi zolaka fulusa na Mpeve-Santu, mpe kupelisa yinsi yayi na tiya na Nsangu ya mbote mpe ngolo, kana bawu lendaka kaka mpe kubika bawu mosi na ngolo yina bawu kele na yawu mpe kuvwanda ya kukangama na nzila ya Mpeve ya Yandi, kuvwanda mutindu Paul vwandaka, mpika ya Nzambi ya zola!

¹⁰⁵ Nzambi bakaka Paul mpe salaka mpika ya yandi, kangaka yandi na Yandi mosi mpe fidisaka yandi na Bantu ya makanda yina yandi yinako. Kasi, beno me mona, yandi zolaka vwanda ya kuzibula na ngolo ya yandi ya dibuundu, samu na kuvwanda ya kukangama na ngolo ya Nzambi. Yandi zolaka zimbisa ngolo ya yandi mpe kuvwanda ya kulemba mpe kima mosi ve, samu na kuzwa ngolo ya Nzambi, samu na kuvwanda ya kukangama na Nzambi, na kusala yina Nzambi ke tuba na yandi na kusala.

¹⁰⁶ Yawu yina beto fwana sala bubu yayi. Yawu yina mu ke na yawu nsatu. Ya kele yina muntu nyonso kele na nsatu, kele ntunga ya yandi mosi, yina ke lakisa ngolo ya yandi, yina ke lakisa yina yandi kele, ti yandi lendaka vwanda ya muvimba ya kupesa na Mpeve-Santu. Kento ya yinzo kele na nsatu ya yawu. Bana ya lukolo ya ntete kele na nsatu ya yawu. Beto baka... ata mpe bana ya beto ya fioti.

¹⁰⁷ Mwana mosi ya fyoti ya bakala yina mu ke na kubanzila, mazono na manima ya midi to kilumbu na ntwala ya mazono, to kilumbu mosi, yandi kwendaka mpe bakaka mpangi ya yandi ya kento ya kukula samu na kusonika dilongi ya yandi na nswalu nionso, mpe yandi basikaka mpe tubaka na bantwenia ya babakala, yandi tubaka, "Fiou! Mambu yayi vwandaka

kukondwa mpasi.” Beno me mona, ba longaka bawu, pene, na kuyiba.

¹⁰⁸ Wapi mutindu ya kulutila mbote zolaka vwanda. . . Mpe bantu yina kele makunzi na kati ya dibuundu. Ya ke vwanda mbote mingi samu na Papa, na suka na madia ya suka, beno tuba, “Jean ke sala kizama ya yandi bubu yayi. O Nzambi, vwanda na Jean! Sadisa Jean! Yandi yifulaka munu na kivinga ya kulala na suka yayi, yandi tubaka, ‘Papa, sambila samu na munu bubu yayi, mu fwana kutelama na kizame ya munu. Sambila samu na munu.”

¹⁰⁹ Mu ke zola mingi ti mwana ya munu ya bakala kuzwa “nkatu” ya mbote, ya kieleka na zulu ya kalepe ya yandi, yandi luta ve kalasi yankaka, kulutila ti mu ke zaba ti yandi me kuzwa “Matonsi ya mbote” mpe yandi me yiba yawu. Yinga, tata! Yina beto ke na yawu nsatu kele kuzimbisa yina beto kele, ya muvimba beto ke tala na ngolo ya Nzambi.

¹¹⁰ Ntangu yayi, “ya kukanga.” Nzambi ke luta bantu ya lukumu mpe ke baka kulemba. Nzambi ke luta bayina ke banzaka ti bawu kele kima mosi, samu na kubaka muntu yina me zaba kima mosi ve samu na kusadila lukanu ya Yandi na luzingu ya bawu. Yawu yina beto ke na yawu.

¹¹¹ Nzambi tubaka na Paul, “Ngolo ya munu kele ya kulunga na kulemba ya beno. Ngolo ya Munu—ya Munu me kuma ya kulutila mbote mutindu beno me kuma ya kulemba mingi. Kulutila mingi beno lenda pesa na Munu ya kulutila mbote Mu lenda sadila beno. Kulutila beno lenda zimbana malongi ya beno, kulutila beno lenda zimbana yina me tala denomination ya beno, kulutila beno lenda zimbana bima ya beno mpe kukipesa beno mosi na Munu, kulutila yina mu lenda sadila beno. Samu ti beno ke kuma ya kulemba, mu ke—mu ke sala lukanu ya ngolo ya Munu Mosi.”

¹¹² Nzambi lenda sala ngolo na kulemba! Ya kele samu na yina Yandi ke salaka yawu ntangu nyonso. Ntangu Yandi soolaka bilandi ya Yandi, bayina zolaka banza. . .

¹¹³ Kukikulumususa ya Mwana ya Yandi Mosi ntangu Yandi butukaka na kidikilu, na yinzo ya bibulu, na kidikilu, mpe vwandaka ya kufika na bilele ya vunga! Beno me mona, Yandi zolaka luta na yinzo ya kimfumu. Yandi zolaka kulumuka na kulwale ya Mazulu, mpe nyonso. . . kupesa mbote ya Wanzio ya kifuluka. Kasi Yandi soolaka na kusala Klisto Mbandu ya beto, samu na beto, mpe Yandi nataka Yandi na kukikulumususa.

¹¹⁴ Yandi longosaka Yandi ata fioti ve na balukolo ya yinza yayi, kasi Yandi longosaka Yandi na ngolo ya Yandi Mosi, na. . . na yawu Yandi lendaka kukipesa ya muvimba Yandi mosi, na mabanza ya muntu ve to ngolo ya yinza ve, kasi kukipesa Yandi mosi na ngolo ya Nzambi.

¹¹⁵ Mpe ya kele yina beto kele bubu yayi, beto me kukipesa beto mosi bubu yayi na ba-denomination ya beto ya nene mpe bisika ya beto. Beto me kukipesa beto mosi na denomination, yina ya fwana tuba, yina *bawu* ke tuba samu na yawu. Kasi ya kele ya kuswaswana na luzolo ya Nzambi. Beto fwana kukipesa beto mosi na Mpeve ya Nzambi mpe kukwenda kisika Mpeve ke tuba na kukwenda. Ya kieleka.

¹¹⁶ Hébreux ya Nzambi yina beto, to, basoda ya Nzambi, na kisika, “ba-hero.” Beto me tanga kaka na Buku ya Hébreux, kapu ya 11 mpe nzila ya 34.

...ya kulemba bawu vwandaka mpe *bawu kumaka ngolo*, ...

¹¹⁷ Ba zolaka kuvwanda ya kulemba na ntwala bawu kuzwa ngolo. Na kati ya kulemba ya bawu kumaka ngolo. Beno bayina ke na kusonikaka Masonuku, kuna, Hébreux 11:34. Mbote mingi.

¹¹⁸ Awa kele na kima mosi yina ke lembika beto ntima. Awa kele kima yina ke pesaka kikesa. Na kulemba mpe kukikumusa Nzambi soolaka bantu samu na kutunga Kimfumu ya Yandi. Kana beto me kwenda na Zulu, kana beto me telemaka ntete ve na Mvwandulu ya Nzambi na Dibuundu ya Yandi, beto ke telama na kati ya nkonga ya bantu yina vwandaka ya kulemba mpe yina ba me losa mpe yina ba me losa na ngaanda na yinza, mpe bantu yina zaba kima ve.

¹¹⁹ Ya kele ngitukulu ve ti Nzambi ke fwanikisa beto na mameme? Dimeme kele kima ya kulutila kukondwa lusalusu. Ya kele ve na kima yina kele ve na lenda ya lusalusu kulutila dimeme. Kalumbu lenda kima mbangu; mpadi lenda kota na yinti; yimbwa lenda kutatika; nkosi lenda pasula; mpunda lenda bula; ndeke lenda pumbuka; kasi dimeme kele kukondwa lusalusu.

¹²⁰ Mpe ya kele mutindu Nzambi zola beto. Beno me mona ti beto kele ya muvimba ya kulunga ve, na yina Nzambi bakaka muntu yina mpe bandaka na kusala Yandi mosi na kati ya muntu yina; kusala maboko ya yandi kusala yina Nzambi ke kuzwa na maboko ya kusala, kusala bikoba ya yandi kuzonza yina bikoba ya Nzambi ke zonza; samu ti bawu kele ve ya yandi, bawu kele ya Nzambi. Yandi ke banda na kutunga kikalulu, ke banda na kubaka kulemba yayi mpe kusala Yandi Mosi Yandi mosi.

¹²¹ Yandi ke nata beto awa na zulu ya ntoto, samu ti kuna... Beto kele ya kulongoka, beto kele na mayela. Beno me talaka ntete bansinga, dikanda? Ntangu beto ke baka, mutindu, mutindu na Abel, kubanda na Abel kwisaka Seth; Dikanda ya Seth kubasikaka mbala mosi, na ntangu ya Noé, bawu nyonso vwandaka kaka ba-fermier ya kukikumusa. Kasi bana ya Caïn me kuma na mayela, na balenda, ya kulongoka, bantu ya nene, bantu yina ke tungaka, ba-specialiste.

¹²² Kasi lweka ya Nzambi vwandaka ya kulemba mpe ya kulemvuka. Ya kele mutindu Nzambi sadilaka bawu. Ya kele bweso ya Nzambi. Yina kele mutindu ya Nzambi ya kukuma na beto, ya kele ntangu beto kele ya kulemba. Beto ke kuzwa kima kuna. Yayi ke pesaka kikesa, ya kieleka, samu Kimfumu ya Nzambi me tungama na mutindu ya bantu yayi. Na yina ntangu beno ke kuma na mutindu yina na yina beno—beno lenda. . . beno kele na kati ya Kimfumu ya Yandi.

¹²³ Diambu kele, na beto, ti. . . ve ti beto me lemba mingi, diambu kele ti beto ke na ngolo mingi. Beto kele—beto kele—beto kele kaka na ngolo mingi. Kaka yina. Kima ya yawu kele beto kele na bansuki mingi ya ngolo. Ya kele kieleka, beto kele na ngolo mingi na kati ya yintu ya beto. Beto zaba mingi. Nzambi zola kubasisa yawu na beto. Ya kele kieleka. Beto kele na ngolo mingi, beto kele na ngolo mingi na kupesa Yandi. Beto kele. . . Beto—beto ke kukipesa beto mosi. Beto fwana banza, “Mbote, ntangu yayi, awa, mu—mu ke na sense mingi samu na kuzaba!”

¹²⁴ Mu vwanda na ngitukulu mwa bankokila me luta ntangu mama vwanda ya kubela, kuna na lupitalu. Mu kwendaka na. . . Ya vwandaka na mama mosi ya ntwenya yina vwandaka landa. . . Kana mwa mama yango kele awa, nge lemvo kila munu, mpangi ya kento. Yandi kele mwa mwana mosi ya kento ya Kentucky yina katukaka kuna, mpe beto vwandaka. . . mpe yina vwandaka bokilo ya yandi ya kento. Mpe mu vwandaka solula na yandi na nkokila yina, kento ya munu na munu, kuna pene ya ngunga mosi na suka. Mpe bakala ya yandi lalaka na ntoto mpe yandi lalaka; yandi tubaka, “Basika awa! Nge kele ve mbote na mama ya nge, na mutindu nyonso.” Mpe yandi basisaka yandi, bakala ya yandi, na ngaanda ya kivinga, samu ti yandi vwandaka ya kulala kaka na lweka ya kyelo kisika minganga, muntu mosi ve lendaka kota; yandi vwandaka pema kaka ngolo, na ntoto. Na yina yandi telamaka mpe yandi basisaka yandi.

¹²⁵ Mpe yandi bandaka na kusolula kuna. Mu bandaka kutuba na yandi samu na Mfumu, mpe nionso yina. Mpe yandi tubaka, “Mbote,” yandi tubaka, “nionso mu zabaka vwandaka nsengo mosi na kati ya kare ya tabaka, na suka-suka, ke katula matiti ya yimbi mpe ke kunwa tabaka, mpe nyonso ya mutindu yina.” Yandi tubaka, “Kasi, mu ke tuba na beno,” yandi tubaka, “papa me fidisa beto, beto nionso, na lukolo.” Mpe yandi tubaka, “Beto kele ve na kima na yintu.”

Mu banzaka, “Mbote, ya lenda vwanda samu na yina.”

¹²⁶ Beno me mona, beno—beno fwana kubumba bima ya yinza na beno. Ntangu yayi, mu ke na kusimbisa ve kukondwa kuzaba, ve—ve, kasi mu ke na kumeka na kubanza ntangu beno ke kuma na kisika beno ke banza ti beno kaka—beno zaba kaka mingi tii muntu yankaka ke zaba kima mosi ve samu na yawu. Luzabu

ya beno kele mbote ntangu nyonso yina ya ke—mutindu ya ke vukana ve na bansilulu ya Nzambi.

¹²⁷ Beto me twadisama na ba-sense tanu, mpe ba-sense yina tanu (kumona, ntomo, kuwa nsunga, kusimba, mpe kuwa) kele mbote mingi tii kuna ba ke tendula sense ya Lukwikilu. Na yina ntangu ba ke teleminaka Lukwikilu. . . Mpe wapi mutindu beno ke zaba ti ya kele kieleka? Samu ti Lukwikilu ke wisanaka ntangu nyonso na Ndinga. Mpe na yina kana—kana lukwikilu ya beno kele ya kuswaswana na Ndinga, to beno banza ya kele, na yina beno kele ve na Lukwikilu. Beno kele na lukwikilu ya kati-kati. Beno kele na bansinga ya nene na kati ya ba-sense ya beno, ya luzabu yina beno me longukaka, to kima mosi. Kasi ntangu beno ke basika na yawu mpe beno ke tala ya muvimba na Lukwikilu, mpe Lukwikilu lenda tungama kaka na zulu ya Ndinga ya Nzambi (Lukwikilu ya kieleka).

¹²⁸ Dokotolo mosi tubaka na munu, yandi tubaka, “Mu ke kwikila, Billy, kana bantu yina. . . kana nge tuba na bawu na kukwenda kuna mpe kusimba dikunzi yina, yinti yina, mpe bawu kwikilaka ti bawu ke beluka, bawu ke beluka kaka mutindu mosi.”

¹²⁹ Mu tubaka, “Ve, tata. Ya lenda ve, dokotolo, samu na kima yayi, beno me mona, bantu yina zaba ti ya kele kaka dikunzi. Ba me zaba ti ya kele ve na ngolo to ngolo mosi ve na kati ya dikunzi yina.”

¹³⁰ Kasi muntu nyonso yina kele na mbanzulu ya kitezo mosi lenda zaba ti ya kele Ndinga ya Nzambi ya moyo, ti mu lenda telemisa lukwikilu ya munu na zulu ya yawu mpe kuzaba ti Yawu kele MUTINDU ME TUBA MFUMU! Mpe kana kima kele ya kuswaswana na Yawu, na yina mu ke kwikila ve ba-sense ya munu. Ve, tata, beno bika yawu kaka. Kwenda na nzila ya sense ya nge yankaka, sense ya Lukwikilu.

¹³¹ Mbote mingi, Nzambi ke bakaka bantu yina na kusala. . . Ntangu ba kele kima mosi ve, ba ke kukipesa na Yandi.

¹³² D. L. Moody na Chicago, yandi vwandaka na Boston, yandi vwandaka mubongisi-mapapa ya cords; mwa, muntu mosi ya nkufi, yina vwandaka ya kulunga ve, yina vwandaka tala ve na yandi mosi. Ntangu yayi, beno baka balukolo ya nene yayi yina kele na bawu, lukolo ya Moody kuna, kana Dwight Moody lendaka telama dyaka mpe kumona lukolo yina, kima ya ntete Dwight Moody ke sala kele kukatula lukolo yango.

¹³³ Kana Martin Luther lendaka vumbuka, kima ya ntete yandi ke sala kele kukatula organisation ya Luther. John Wesley ke sala mutindu mosi. Bantu yina salaka ata fioti ve ba-organisation yina, ya vwandaka bantu yina vwandaka landa bawu, ya vwandaka sala yawu.

134 Paul ata mbala mosi ve kubongisaka dibuundu, samu ti yandi tubaka, yandi mosi, “Na manima ya kukwenda ya munu, bantu ya bankonga ya beno mosi ke telama na kati-kati ya beno, na kuzonzaka mambu ya luvunu.” Ya vwandaka na manima ya lufwa ya Paul, mpe nkama (to zole) ya bamvula na manima ya yawu, ti bawu salaka dibuundu ya Katolika, organisation ya ntete.

135 Bantu beno me vumbuka! Ya vwandaka na manima ya lufwa ya Moody ti bawu vwandaka na Lukolo ya Moody; na manima ya lufwa ya Wesley ti bawu salaka dibuundu ya Wesley; na manima ya lufwa ya Luther ti bawu salaka dibuundu ya Luther. Nzambi ke fidisaka ba-hero; mpe bawu ke tunga . . .

136 Kuyituka ve ti Yesu tubaka, “Beno—beno kele bibaka ya mpembe!” Yandi tubaka, “Beno—beno ke bongisa bandyamu ya baprofete, mpe beno kele bayina tulaka bawu na kati kuna!” Ya kele kieleka.

137 Bantu yayi ya nene ke telama; na yina ba ke tunga lubambuku samu na bawu. Mu banza, kaka mutindu David, “Sadila Nzambi na nsungi ya yandi mosi.” Na yina ya kele mutindu ya kusala yawu. Ti ba-organisation mpe nyonso kuna, yina, kuvwanda ntama na beno.

138 Moody, mwa cordonier ya kiboba, yandi vwandaka ya kulemba. Yandi vwandaka mbandu ya kulemba. Kima ya ntete ya me tuba ti Moody salaka. . . Yandi longokaka ata fyoti ve, mpe grammaire ya yandi vwandaka ya mputu kulutula ti ya vwandaka pesa boma. Muntu mosi kwizaka na yandi kilumbu mosi mpe tubaka, “Tata Moody,” yandi tubaka, “grammaire ya nge kele ya kulutula bumptu mu me kuwaka ntete ve na luzingu ya munu.”

139 Yandi tubaka, “Mu ke nunga mioyo na kukondwa kuzaba ya munu, yinki nge ke sala na malongi ya nge?” Mu banza ti ya vwandaka mvutu ya mbote. Kieleka ya vwandaka!

140 Mpe ntangu yayi, beno me kuma mambele ya Lukolo yina, ya kieleka beno fwana vwanda muntu ya mayele ya kulengula. Ya kieleka. [Mpangi-bakala mosi me tuba, “Ba me vutula yawu!”—Mu.] Ntangu yayi, yinga, bawu “me sala ya kuswaswana” ya kieleka, bawu ke vutuka mbala mosi na nzila yina yankaka.

141 Ya kele yina bantu ke salaka. Ntangu mu tubaka na mbandukulu ya nsangu ya munu. . . Na kisika ya kuzwa Baklisto yina ke kukikulumusa bawu mosi mpe ke bikana ya mpamba samu na kuzwa kisika mingi samu na Nzambi, bawu ke meka na kutunga bawu mosi na luzabu ya yinzo, to luzabu ya lukolo ya fyoti, to kima mosi, yina ke nata bawu ntama mingi na Nzambi kulutula yina bawu vwandaka ntete.

142 Yawu yina mu ke banza samu na lubokilu ya autel yayi me salama na bantu. Beno ke kotisa yandi, mpe mbala yankaka ya

kele bambala kumi mpasi na kuvutula dyaka yandi. Bika yandi vwanda mpe kuwa tii kuna Nzambi ke sala kima mosi samu na yandi! Mpe na yina bika yandi kwisa mpe yandi funguna yawu, mpe yandi telama, yandi bokila Nkumbu ya Mfumu. Ya kieleka.

¹⁴³ Beno tala Moody, ya kulemba na ndongosolo, ya kulemba na kuzonza, yandi vwandaka zonza na nzila ya mbombo ya yandi. Mu vwandaka tanga kaka disolo ya yandi kilumbu yankaka yina, “Ya vwandaka tuba na nzila ya mbombo ya yandi, mpasi ya mbombo.” Na nzutu mwa muntu mosi ya dibandi, na mikanda ya yandi...?...; mwa muntu mosi, ya nkufi, ya nkufi. Na nzutu, yandi vwandaka kisumbula ya nzutu. Na yawu yandi vwandaka na kima yankaka ve kasi kulemba vwandaka ke landila kaka. Kasi Nzambi sadilaka yandi samu na kuningisa yinza na kilumbu ya yandi!

¹⁴⁴ Kilumbu mosi ya vwandaka na bantu mingi yina kwendaka na lukutakanu ya yandi (Mu vwandaka tanga), mpe bantu yina ke mwangisaka nsangu, samu na kupesa kimbangi na wapi mutindu ya muntu ti yayi vwandaka (muntu ya nene, muntu ya nene).

¹⁴⁵ Wapi mwa buto yina ba ke kangaka na yawu bande? Yawu yayi? Mu fwana simba yawu kuna.

¹⁴⁶ Muntu ya nene, Moody vwandaka. Yandi vwandaka muntu ya mbote. Mpe na yina yandi lendaka benda bukebi ya bantu, kuyala bawu. Na yawu ya vwandaka na journaliste yina kwendaka na Tata Moody mpe tubaka...yandi kwendaka na lukutakanu samu na kupesa nsangu samu na makelele ya nene yina...

¹⁴⁷ Mutindu jounaliste pesaka nsangu samu na évangéliste yankaka ya nene, ntama mingi ve, yandi tubaka, “Muntu yina kele muzonzi ya nene. Yandi kele Docteur na Théologie. Yandi ke sadilaka grammair ya kulutila mbote yina mu me kuwaka ntete ve. Yandi ke simbaka bantu na psychologie ya yandi. Yandi lenda sala ti bantu kutelemina mingi.”

¹⁴⁸ “Dwight Moody,” na yina bantu ke na kuwa mingi me kwenda, yandi tubaka, “Mu ke na kumona ve yina kele na kati ya yandi yina ke benda bukebi na muntu nyonso.” Yandi tubaka, “Kima ya ntete, yandi kele yimbi mingi mutindu yandi lendaka vwanda. Kima yina ke landa, yandi kele kisumbula ya nzutu. Kima yankaka” yandi tubaka “yandi kele, yandi me longukaka ve. Grammaire ya yandi kele ya kulutila bumputu mu me kuwaka ntete ve!” Mpe yandi tubaka, “Yandi ke zonzaka na mbombo mpe yandi ke mwitaka ntangu yandi ke longa.” Mpe yandi tubaka, “Mu ke na kumona kima ve na Dwight Moody ke na kubenda bukebi na muntu nyonso.”

¹⁴⁹ Tata Moody nataka zulunale. Yandi tangaka yawu, yandi kuzwaka mwa maseka ya kukangama na kati ya yandi, yandi tubaka, “Kieleka ve; ya kele Nzambi. Kieleka! Bantu ke kwizaka

ve na kumona Dwight Moody, bawu ke kwizaka samu na kumona Nzambi.”

¹⁵⁰ Bantu ke na kubaluka ve bambala beno ke pesa kimbangi, bawu zola kieleka kuna na luzingu ya beno yina ke lakisa ti Nzambi me simba beno. Ti beno vwanda Methodiste, Baptiste, Pentecotiste, nyonso yina beno lendaka vwanda, bawu zola kumona Nzambi. Ya kele kieleka, bantu ya . . . bantu ya nene, bantu yina kele ya kulemba mpe ke na kubakula kulemba ya bawu.

¹⁵¹ Beno tala Moïse, bakala ya ntwenya ya mayela. Oh, yandi vwandaka muntu ya mayela mingi. Yandi vwandaka ya kulonguka mingi na ndwenga nyonso ya Egypte tii yandi zolaka longa Hébreux. Yandi lendaka longa ba-Egyptien. Yandi lendaka longa konso muntu, samu Moïse vwandaka muntu ya nene, muntu ya mayele mingi. Oh, yandi vwandaka muntu ya ngolo mingi.

¹⁵² Na dibanza ya Cecil DeMille samu na yawu, ntangu—ntangu yandi bulaka *Misiku Kumi*, mpe yandi kuzwaka muntu yayi yina kwizaka yina vwandaka . . . Mu me zimbana nkumbu ya muntu yina salaka kosalu ya Moïse kuna na kati, acteur mosi, kasi muntu ya nene na maboko ya nene mpe ngolo. Mpe Moïse vwandaka ntangu yankaka muntu ya mutindu yina.

¹⁵³ Beto zaba ti yandi vwandaka na ngolo mpe yina ba longaka mbote, na yawu yandi bakaka na zulu ya yandi mosi, na kumonaka nsatu ya kilumbu. (Oh, bika ti Nzambi kubika yayi kukota na yinzo!) Na kumonaka nsatu ya kilumbu yayi, Moïse na bangolo ya yandi ya mayela mpe lenda ya yandi yina yandi zolaka sala yawu na . . . Yandi vwandaka muntu ya mayele mingi. Yandi vwandaka Pharaon yina vwandaka kwisa. Yandi vwandaka na psychologie. Yandi vwandaka—yandi vwandaka na ngolo. Yandi vwandaka na ngolo ya nzutu. Yandi vwandaka—yandi vwandaka na bima nionso. Na yina yandi tubaka, “Mu me kuma na bisadilu mingi. Mu me zaba nionso ya yawu. Mpe kana ya kele na muntu na yinsi yina kele na kiyeka ya kusala yawu, mu kele. Na yawu, mu kele muntu ya ngunga na yawu mu ke basika.” Mpe yandi kwendaka na kosalu yina vwandaka mbote mpe na luzolo ya Nzambi, mpe yandi pesaka balenda ya yandi ya kimuntu. Mpe Nzambi mangaka yawu! Yandi lendaka ve kusadila kima mosi yina Moïse vwandaka na yawu.

¹⁵⁴ Yandi lendaka sadila yawu ve na ntangu yina, to Yandi . . . to Yandi lendaka sadila yawu ve na ntangu yayi. Nzambi lendaka ve kusadila balenda ya beto ya kimuntu. Beto fwana kukipesa beto mosi mpe balenda ya beto na nzila, mpe kukipesa na luzolo mpe ngolo ya Nzambi.

¹⁵⁵ Beno tuba, “Mbote, mpangi, mu lenda longa.” Yandi lenda sadila yawu ve na ntangu nionso *beno* lenda longa. “Ya kele mbote, mu lenda sala *yayi*, mu lenda sala *yina*.” Beno lenda sala

kima mosi ve. Mbote, na yina Nzambi lenda sadila yawu ve. Kasi kana beno kukipesa beno mosi na Nzambi mpe ti Yandi kusala yawu!

¹⁵⁶ Beno ke tuba, “Mbote, Mpangi Branham, mu zaba. Mu kele mulongisi.” Mbote, ntangu nyonso yina *beno kele* mulongisi, mbote, Yandi ke kuma ntama mingi ve. Kasi Mpeve-Santu kele Mulongisi ya beto. Ya kieleka, Yawu kele! Nzambi fidisaka Mpeve-Santu samu na kuvwanda Mulongisi na zulu ya Dibuundu.

¹⁵⁷ Bantu yankaka ke kwendaka na lukolo ya me kuma bamvula mpe bamvula. Yinki bawu ke sala? Ke tangaka bima ya Kivinga ya Zulu, mpe na yawu (oh, ya kele mbote) beno baka lesa ya lukolo ya Lumingu ya Yinsi. Mu kele na dyambu ve ya kutelemina yawu. Ya kele Bandinga ya Nzambi, mpe nyonso, kasi ya kele ya kutula kintwadi na mayela! Ya fwana kwisa na ngolo mpe mvumbukulu ya Klisto, mpe beno lenda ve kutala na zulu ya balenda ya beno ya kimuntu.

¹⁵⁸ Na yawu, Moise, ntwenia yayi, muntu ya ngolo mingi, muntu ya mayele, yandi me vwanda samu na kusala kosalu ya mbote; kasi Nzambi kaka, kieleka zolaka sadila yawu ve. Yandi zolaka sadila ve balenda ya yandi ya kimuntu.

¹⁵⁹ Mpe beto lenda ve. . . Ya kele ve bubu yayi, ti beto lenda ve. . . Nzambi lenda sadila ve balenda ya beto ya yinza.

¹⁶⁰ Kasi ya kele na kima mosi yina Moise vwandaka na yawu yina mu ke zolaka mingi, yandi vwandaka na sense mingi samu na kuzaba ti yandi vwandaka ya kubwa. Beto kele na yawu ve. Kaka yina. “Beto ke sala dénomination ya *malu-malu*. Beto ke kuzwa muntu yankaka na dikabu ya kubeluka ya nzutu, to kima mosi,” bantu ya Pentecote, beno me mona. Beno me mona? Beto—beto zaba kaka ve mingi na kubakula ti beto kele ya kubwa. Dibuundu ya ba-Pentecotiste, ba-Assemblée de Dieu, ya Kuvukana, bayankaka ya bawu, ya ke monana ti bawu kele ve na lenda ya kuzaba ti bawu kele ya kubwa na yawu. Alleluia! Oh, mu zola ti mu sala yinti yayi. Ba kele ya kubwa. Organisation ya dibuundu kele ya kubwa! Kaka mutindu États-Unis yayi kele ya kubwa, kutekita mpe boma, mpe ba-bombe kele ya kulelika samu na bawu, bawu zaba ti bawu me baka bima na zulu-zulu mpe bawu me nata luzingu ya bawu na difelo. Mpe bawu kele ya kubwa, Mpeve me basika na bawu. Beno fwana kufyongonina bayinti samu na kuzwa babakala ya bantwenya ya makesa; ba monaka yina salamaka na yina yankaka. Beto kele ya kubwa! Dibuundu kele ya kubwa. Bawu zaba yawu.

¹⁶¹ Moise bakulaka yawu, na yina yandi zabaka mingi. . . Nzambi vutulaka yandi na manima, na ntoto ya kuyuma, samu na kulonga yandi mwa kulemba ya muntu. Yandi vutulaka yandi samu na kulonga yandi yina nyonso ya vwandaka. Na yawu mbote yandi longokaka! Oh, la la, yandi me kuzwaka ntete

dilongi! Nzambi zolaka kuzwa ntangu na yandi na manima kuna! Beno zaba, Moise vwandaka na kudasuka; mpe Nzambi pesaka yandi kento na nkumbu ya Sephora, yandi vwandaka na mosi, mpe. Na yawu mu banza ti nyonso vwandaka ve ya kudasuka mingi na manima ya ntoto ya kuyuma mwa ntangu fyoti, ntangu bakudasuka ya bawu zole basikaka na kubaka luyalu na ntangu mosi.

¹⁶² Mu banza ti dibanza ya yandi ya mayela mutindu psychologie fwana yala muntu yina salaka mingi mbote ve, samu ti, ntangu yandi vwandaka kwenda na Egypte, mu ke mona Séphora yina vwandaka diaka ya kudasuka. Yandi zengaka mbikuka ya mwana ya yandi ya bakala mpe losaka yawu na ntuala ya Moise, yandi tubaka, “Nge kele bakala ya menga samu na munu.”

¹⁶³ Mpe Nzambi vwandaka ya kudasuka mingi na yandi, Yandi. . . vwandaka vingila yandi na kati ya boloko, kana Yandi zolaka tala yandi ti Yandi zolaka kufwa yandi. Mu banza ti ya vwandaka na mwa bima yina Nzambi zolaka longa yandi na manima kuna, beno me mona, ti yandi vwandaka muntu. Ndwenga ya yandi nionso ya Egypte mpe bangolo ya yandi nionso ya ngangu, Nzambi lendaka ve kusadila mosi ya yawu.

¹⁶⁴ Beno ke kwisa, beno ke tuba, “Ntangu yayi, Mfumu, ba me longa munu na lukolo bamvula makumi yiya ntangu yayi, mu kele—mu kele mulongoki ya mayela. Mu lenda tanga Biblia na meso ya munu ya kukangama.” Nzambi lenda sadila ata fyoti ya yawu ve. Beno me mona? Ve.

¹⁶⁵ “Oh, mu kele ya dibuundu ya kulutila nene yina kele na yinsi. Mu—mu kele. . . Mu kele *yayi*, Mfumu. Oh, mu kele Pentecotiste. Mu. . . Nkembo na Nzambi! Mu kuzwaka kaka Mpeve-Santu nkokila yankaka yina. Alleluia! Nge ke sala munu kusala *yayi-mpe-yayi*.” Nzambi lenda sadila ata fioti ve yina. Ve!

¹⁶⁶ Ntangu beno ke kubwa mpe ke bakula ti beno kele ya kubwa, mpe kuna kuvutuka mpe kukikumumusa beno mosi. Beno kuma ya kulemba, beno tala ti beno kele bantu. Mpe ya kele ve na mosi ya mayela ya beno yina lenda sala na. . . Kulemba ya muntu ke vwanda ata mbala mosi ve ya kusadila na Nzambi; Nzambi na nzila ya kulemba ya muntu ke tsyemunaka Yandi mosi na kati ya beno, kuna Yandi ke sadilaka Yandi mosi. Nge me kuma kaka kisadilu. Ya kieleka! Nge fwana katuka na nzila.

¹⁶⁷ Moïse, oh, yandi longokaka, yandi longokaka kulemba ya bantu kieleka mbote. Yandi longokaka yawu mbote mingi, ti, ntangu Nzambi bokilaka yandi, yandi vwandaka na kulemba sambwadi ti yandi lendaka telemina mbokolo ya Nzambi. Beno me longukaka ntete na kitini ya ntete ya Exode, bakulemba sambwadi? Mu—mu kele na yawu ya kusonika awa. Mu zola beno kuwa yawu. Kulemba ya ntete yandi kuzwaka vwandaka kukondwa nsangu. Kulemba ya zole yandi kuzwaka vwandaka

kukondwa kiyeka. Kulemba ya tatu yandi kuzwaka vwandaka kukondwa nzonzolo ya mbote. Ya yiya vwandaka kukubama. Ya tanu vwandaka lunungu. Mpe ya sambanu vwandaka kundima.

¹⁶⁸ Ntangu yayi, beno ke fwanikisa ya beno na ya yandi mpe beno tala kana beno lenda kwisa na yawu, beno tala kana beno lenda lemba mutindu yandi vwandaka. “Mfumumu, mu—mu ke na mfunu ve. Mu lunga tuba ve. Mu—mu—mu fwaka muntu ya Egypte. Mu lunga vutuka ve. Oh, nionso yina! Ba ke yamba munu ve. Mu ke na nsangu mosi ve. Mu ke . . . Mu lenda tuba ve. Mpe mu ke—mu kele na nzonzolo ya malembe.” Mpe beno me mona mutindu yandi vwandaka? Yandi vwandaka kima mosi ve! Mpangi ya bakala, yandi vwandaka me beluka. Yinga, Nzambi lendaka sadila yandi na yina na manima yandi vwandaka me beluka. Beno me mona? Yinga.

¹⁶⁹ Ya kele . . . Yandi lenda sadila beto na manima beto me kuzwa kubeluka, samu na kumona ti “Doctorat ya Munu ya Philosophie mpe Doctorat ya Droit mpe Doctorat ya Droit,” to nionso yina ya lendaka vwanda, “ba-diplome ya munu nionso kele kima mosi ve.” Nzambi lenda sadila yawu ve!

¹⁷⁰ “Mbote, mu kele Assemblée ya Nzambi. Mu kele Unitaire. Mu kele Baptiste. Mu kele Presbyterien.” Nzambi lenda sadila ata fioti ve yina! Na nswalu nionso beno ke kwenda ntama na yawu, mbote, ya ke vwanda mbote ti beno—beno ke—beno ke kukipesa beno mosi na Nzambi.

¹⁷¹ Mutindu profete vwandaka, yandi tubaka, “Mu kele muntu ya bikoba ya masumu, mpe na kati-kati ya bantu ya masumu.” Mpe Wanzio kwendaka mpe bakaka ba-pense ya kisengo, mpe kwendaka na autel mpe kuzwaka dikala ya tiya mpe simbaka bikoba ya yandi. Na yina yandi bokaka, “Mfumumu, munu yandi yayi; tinda munu.” Yinga, na manima yandi bakulaka ti yandi . . . Kasi na kuvwandaka profete, yandi vwandaka na bikoba ya masumu.

¹⁷² Na yina beto lenda bakula ti beto kele—beto kele kima ve, ti beno kele kima ve, beno kele putulu ya ntoto . . . Nzambi lenda ve kusadila beno . . . Yinga, nzingi- . . . Kulemba ya beno nyonso ke vukana ve na ya Moise. Yandi vwandaka na bakulemba sambanu ya mutindu na mutindu awa, mpe yandi longokaka kulemba ya muntu.

¹⁷³ Ntangu yayi beno tala luswaswanu na kati-kati Moise *yayi* ke kutana na Nzambi, na *Moise* ke tala . . . ? . . . mutindu bubu yayi. Yandi tubaka, “Tala, beto kele na nsatu ya *yayi-mpe-yayi*! Beto kele na nsatu ya reveil na yinsi. Mu ke tuba na beno yina mu ke sala, mu ke vutuka mpe mu ke longuka tii kuna mu kele Licencié na Lettre. Uh-huh! Mu ke vutuka mpe ke longuka tii kuna mu ke kuzwa lutumu mutindu Docteur na Droit. Mu ke longuka mikanda. Mu ke sala nionso yayi, na yina mu ke basika mpe mu ke vwanda ‘muntu ya ngunga yayi.’ Mu ke zenga

bantu nyonso yayi yina bandaka awa.” (Oh, mpangi!) “Mu ke kuzwa kivinga ya mafuku tatu ya ba-dollar. Mu ke kuzwa ba-cadillac kumi na zole. Mpe . . .” Oh, mpangi! Beno lendaka—beno lendaka sala mbote na kubanda ve, samu ti beno kele ya kubwa na kubanda, beno me mona. Kasi mpasi ya yawu kele bawu zaba yawu ve!

174 Ba ke banza ti beno fwana vwanda na bansuki ya kubaluka mpe kulwata bima ya kulengula mpe kutuba “ah-muntu” kitoko mingi, mpe nyonso mutindu yayi, mpe kuvwanda mwana ya ntinu. Yina kele marionnette ya kento!

Nzambi ke zolaka bantu, bantu ya busantu, bantu yina lendaka ningana!

175 Kasi bubu yayi beto zola Hollywood. Beto zola kima yina—yina ke sepelisa na disu. Beto zola kima yina lenda zonza na mutindu ya mayela ti yandi lenda bika beto kulala baminuti tanu na yina yandi . . . na Lumingu na suka.

176 Nzambi ke zolaka bikaku yina ke fidisa yandi mutindu nsemo ya nzasi, beno fundisa disumu na bansimbulu, (ya kieleka) beno timuna yawu.

177 Kasi beto kele . . . Beto zola ba-pasteur ya beto ya mayela. Bantu mingi ke zolaka pasteur ya ke tubaka na yisi-yisi, muntu mosi ke tuba, “Yinga, nkundi ya luzolo.”

Nzambi zola makelele ya banzasi! Yinga, tata.

178 Ba ke situmuna yawu, samu na yina me tala bansuki ya kuzenga mpe maquillage, mpe bima nionso yankaka, mpe kulwata bilele yina ke kangama na nzutu mpe ke monisa bawu na kati, mpe nionso ya mutindu yina, mpe ba ke tuba ve mpova mosi samu na yawu.

179 Muntu ya nene bokilaka munu na bureau ya yandi awa, (bureau ya yandi ve) bureau ya yandi ya kizunga, awa ntama mingi ve, yandi tubaka, “Mu zola kutentika maboko na zulu ya nge ti nge ke sukisa yawu!”

Mu tubaka, “Kusala yawu ve. Kusala yawu ve. Ve, tata.”

180 Ntangu beno ke sukisa yawu, beno ke sukisa Nsangu. Beno ke sutope Nzambi ntangu beno ke sala yawu. Yinga, tata. Beto zola ata mosi ve ya yawu.

181 Nzambi talaka kyadi na Moïse na kulemba ya yandi nyonso, yandi tubaka, “Mwa Moïse ya mputu, kima—kima mosi ya kieleka me salama na nge, nge me kuzwa diplome ya nge. Oh, la la! Awa, yinga, beno vwandaka muntu ya nene, muntu ya mayele, mpe ya vwandaka ve na kima mosi ke kanga beno. Mpangi-bakala, nge ke na ba-Doctorat ya nge nionso ya Philosophie mpe ya Droit, mpe nionso yina, mpe ntangu yayi awa beno me kwiza na kufunguna ti beno kele kima ve, beno lenda sala kima ve. Beno kele—beno kele kaka ya kulemba mingi”? Ve! Nzambi lemvokila

yandi samu na yandi. Nzambi ata mbala mosi ve katulaka yandi kyadi. Nzambi belusaka yandi na ntangu yina na bima nionso yina. Yandi talaka yandi kyadi ve.

¹⁸² Kasi beto ke mona ti, kana beno ke sonika yawu, Exode 4:14, “Nganzi ya Nzambi kulumukaka na zulu ya yandi.” Nzambi vwandaka ve na nsoni samu na yandi samu ti yandi vwandaka ya kulemba.

¹⁸³ Beno ke tuba, “O Mfumu, mu ke na kuwa kaka yimbi mingi, mu banza ve ti mu lenda sala yawu.” Nzambi ke tala beno kyadi ve; ya ke talana mutindu ti ya ke baluka mwa fyoti. Beno me mona? Beno me mona? Kieleka. Nzambi ke talaka beno ve kyadi; Yandi—Yandi ke dasuka na beno. Beno ke na kukumaka kaka na mutindu ya mbote kuna kisika Yandi lenda sadila beno. Yinga.

¹⁸⁴ Moise na kukangulaka, Nzambi lendaka sadila yandi. Yandi vwandaka na nkisi, yandi vwandaka ntama ya ba-gland ya bantu. Yandi vwandaka ve na kima yina yandi lendaka yekama, samu na yandi—yandi vwandaka ya kukubama na ntangu yina samu na kisalu.

¹⁸⁵ Nzambi tubaka, “Bamvula makumi yiya na ngaanda awa mu me kuzwa nge mpe Séphora mpe yina ke salaka bisika awa na ntoto ya kuyuma yayi, kana beno lenda tala ti ya kele na kulemba to ve, kisika nge kele ya kutelama na zulu kuna mutindu mwana ya bakala ya nene, ‘Mbote, Docteur Moise. Mbote, Reverend, Tata. Yinga, tata. Moise, nge ke mwana ya ntinu ke landa. Nionso . . . Beto nionso ke banza samu na nge.’ Ntangu yayi beno kele awa na ntoto ya kuyuma na nkonga ya mameme mpe kento yina ke dasukaka mingi.” Beno me mona? Yina sungikaka yandi. Yinga, tata. Moise na mutindu ya yimbi, kasi Yandi tubaka, “Ntangu yayi mu lenda sadila beno, ntangu beno ke bakula ti beno kele kima mosi ve. Ntangu yayi kwisa awa na zulu na mulaka yayi ya tiya, mu zola fidisa nge kuna.” Oh, la la!

¹⁸⁶ Nzambi, pesa beto mwa bima ya mutindu yina, pesa beto mwa kulemba mingi. Yawu yina beto ke na yawu nsatu, mwa kutuba ya kulemba. Ya kieleka!

¹⁸⁷ Ya vwandaka Jacob, beno zaba. Jacob banzaka ti yandi vwandaka muntu ya nene kilumbu mosi, beno zaba, yandi lendaka kaka kusoba mpe kuluta na kima nyonso. Yandi kwendaka kuna mpe tulaka mavala ya peuplier na kisika mameme mpe bitwisi ya bokila ya yandi vwandaka kwenda kunwa masa ntangu bawu vwandaka na kivumu, mpe yandi losaka yawu na kati ya mameme ya fioti, mpe losaka yawu mutindu yina na ntangu bawu kwendaka na masa samu na kunwa. Mpe, kima ya ntete beno zaba, Jacob kumaka muntu ya nene. Kieleka. Yandi vwandaka . . . “Ya kieleka ba bokilaka yandi *Jacob*, yandi salaka kifu ve,” Ésaü tubaka, “yandi vwandaka ‘yina ke bakaka kisika ya bampangi’ mbote mingi.”

Na yawu yandi vwandaka muntu ya luvunu. Mambu vwandaka tambula mbote samu na yandi, yandi vwandaka fuluka na bima, yandi vwandaka na makabu ya nene ya bibulu mpe bakento mpe mameme mpe bitwisi mpe bangombe ya babakala, mpe—mpe nyonso, yandi vwandaka na nyonso.

¹⁸⁸ Kasi nkokila mosi (oh, la la!) ntangu yandi kulumukaka na mwa masa yina kilumbu mosi, yandi zolaka sabuka, yandi kwizaka na kisika yina Wanzio simbaka yandi. Mpangi-bakala, Jacob ya kiboba simbaka mpimpa ya muvimba. Ya kieleka yandi simbaka ntangu ya yinda ntama. Kasi ntangu yandi kupesamaka yandi mosi, ntangu yandi vwandaka ya kulemba mpe lendaka dyaka ve na kusimba ntangu ya yinda . . .

¹⁸⁹ O Nzambi, bika ti dibuundu kukuma mutindu yina, kukuma na . . .dibuundu kukuma na kisika yina ya lendaka vwanda ntangu ya yinda ve na ba-diplome ya yawu ya yinza, kasi ya fwana pesa na Nzambi. Ti ba-Methodiste kuvwanda na nsoni ya bawu mosi ti bawu kele ba-Methodiste. Ti ba-Baptiste mpe ti ba-Pentecotiste kuvwanda na nsoni ya bawu mosi, mpe kutelama, mpe kukipesa na Mpeve.

¹⁹⁰ Ya vwandaka kuna ti Jacob kumaka “mwana ya ntinu ya Nzambi.” Biblia ke tuba ti yandi kumaka “mwana ya ntinu,” mpe nkumbu ya yandi sobaka. Beno me mona? Mpe—mpe, beno bambuka moyo, yandi vwandaka muntu ya ngolo na lweka *yayi*, na mutindu ya mayela ya ngolo; kasi na lweka *yankaka* yandi vwandaka mwana ya ntinu ya bakala ya kulemba mpe ya kulemba, kasi yandi vwandaka na ngolo na ntuala ya Nzambi.

¹⁹¹ Yinga, beno lendaka . . .Organisation ya beno lendaka kubukana na bitini-bitini. Kimfumu ya beno na kizunga, beno lenda vwanda “ngoyi-ngoyi ya mutindu ya ntama” kuna, na kizunga. Ya lendaka vwanda kieleka. Kasi mu ke tuba na beno, beno ke vwanda na ngolo na Nzambi. Mu ke zola kuvwanda mutindu yina. Mu ke baka nzila yina konso ntangu.

¹⁹² Bilandi vutukaka mpe vwandaka na kiese samu bawu vwandaka na kiese ti ba tangaka bawu ya kulunga samu na kunata nsoni ya Dyambu mpe ya Yesu. Kieleka! Ba ke bokila beno “exalté.”

¹⁹³ Beno basika na kisika yina kilumbu mosi, bika yawu kupanzana. Beno katukila ya beno, “Mbote, beno tuba, mu kele Methodiste,” to “Presbytérien” to “Mu kele ya ba-Assemblée,” “Mu kele Unitaire, mu kele kaka mbote mutindu nge kele.” Mbote mingi. Beno basika kaka na ntangu yina, beno kwenda. Beno nionso . . .

¹⁹⁴ Bika ti wanzio kusimba beno kilumbu mosi, wanzio ya Mfumu yina ke natina beno Kieleka ya Nsangu. Bika ti yandi simba beno ntangu mosi, beno ke kukikulumusaka kaka na mbotika na Nkumbu ya Yesu, beno ke kukikulumusaka kaka na

bayankaka nionso. Yinga, ya kieleka, beno ke sala yawu. Yinga, beno ke—beno ke zimbana kaka mayela yayi nyonso ya mayela.

¹⁹⁵ Mwa bilumbu fyoti me luta, mosi ya bankundi ya kulutila mbote yina kele na munu, muntu mosi ya mbote, tubaka na munu, mu bikaka kivinga na manima ya masolo, mu bikaka kivinga, yandi tubaka, “Mpangi Branham. . .” Mpe muntu yayi vwandaka mosi ya bantu ke simbisaka munu na mbongo na lukutakanu kuna. Mu telamaka na kisika ti mu vwandaka zaba ve mutindu mu zolaka landila na ntuala, kaka na kutulaka kivuvu na Nzambi; muntu yayi ndimaka kufuta ba-depense nionso. Yinga, muntu mosi ya mbote! Mpe muntu yayi salaka nzietolo mpe katukaka na mbanza ya nene, awa na mwa bankokila me luta, mpe yandi telemaka na kati ya kivinga mpe tubaka na munu, na nkokila mosi, yandi tubaka, “Mpangi Branham,” yandi tubaka, “Mu zola tuba kima mosi.” Yandi tubaka, “Ya kele ve na muntu kasi yina zola beno ti mu zaba.”

Mu tubaka, “Mu ke na kiese mingi samu na yawu.”

¹⁹⁶ Yandi tubaka, “Mpangi Branham, ya kele kaka na kima mosi, kima mosi ke tambula mbote ve.”

Mu tubaka, “Yinki yina, mpangi-kento?”

¹⁹⁷ Yandi tubaka, “Mbote, kima mosi kele yayi, Mpangi Branham, ti kana beno lendaka kakula mwa Malongi yina beno ke na yawu,” yandi tubaka, “organisation nionso ke ndima nge.”

¹⁹⁸ Mu monaka kaka kuna, mu banzaka. . . Mu tubaka, “Wapi Malongi, mpangi ya kento?”

Mpe yandi tubaka, “Oh, mbotika yina na Nkumbu ya Yesu.”

¹⁹⁹ “Oh!” Mu tubaka, “Kasi, mpangi-kento, nge lenda vingila ve ti mu kakula Ndinga ya Nzambi mpe dyaka kuvwanda kisadi ya Nzambi.”

²⁰⁰ Mpe yandi tubaka, “Mbote, awa, ya kele na nkonga ya milongi yina mu kele awa samu na kutalisa mbanza yayi ya nene.” Yandi tubaka, “Kana nge tuba na bawu ti Wanzio ya Mfumu yina ke pesaka nge ba-vision yayi tubaka na nge na kubotika na Nkumbu ya Yesu, na yina bawu zola kundima Yawu.”

²⁰¹ “Mbote,” mu tubaka, “nzingulu ya bawu kele mingi ya kulemba kulutila maza na kati ya nzungu!” Mu tubaka, “Mu ke kipe ve yina wanzio nyonso ke tuba, kana ya kele ve landila Ndinga mu ke kwikila yawu ve!” Mu tubaka, “Kana wanzio yina me tuba na munu kima ya kuswaswana na Yawu, mu ke kwikila ve wanzio.” Kieleka! Ndinga ya Nzambi kele ntete, na zulu ya bawanzio nyonso mpe nyonso yankaka! Wanzio ya kieleka. . . Mu tubaka, “Kana yandi tuba na munu Yawu ve, mu zolaka kuwa yandi ve.” Yinga.

²⁰² Mama yango zabaka ve yinki ya kusala. Yandi tubaka, “Mu me kuwaka ntete ve kima ya mutindu yina. Mu me zabaka ntete

ve na zulu ya Yawu.” Beno me mona, yawu yina. Na yina mu ke pesa mama ya fioti Masonuku. Mpe yandi tubaka, “Mu ke vutuka kaka na yinzo mpe mu ke longuka Ngwisani ya Malumu. Mu me longukaka Yawu ata fioti ve.” Beno me mona, beno bawu yayi. Oh, la la! Oh, la la! Ya kele kisika beno ke kuzwa. Oh, la la!

²⁰³ Beno bika kumeka na kukangama. Beno bika! Ya kele yina beno zola kusala: beno bika. Jacob, ntangu yandi bikaka yandi vwandaka mbote, yandi kumaka mwana ya ntinu mpe vwandaka na ngolo na Nzambi.

²⁰⁴ Ya vwandaka David ya *ntwenya* na kazaka ya yandi ya dibuundu ya Saül, yina kwendaka na—na—na kunwanisa Goliath. Mpe ntangu David bandaka kuna samu na kunwanisa Goliath na binwaninu yayi nionso ya nene, yandi talaka na nziunga, yandi talaka na manima, yandi vwandaka mutindu bayankaka ya bawu, na yawu yandi tubaka, “Ya kele na kima mosi ke tambula mbote ve awa.”

²⁰⁵ Ntangu nionso beno kele mutindu yinza mpe beno ke kakula na yinza, mpe ke sala kima mutindu mosi na yina yinza kele, ya kele na kima mosi ke tambula mbote ve.

²⁰⁶ David tubaka, “Yayi ke pesaka kikesa mingi. Mu ke na Diplome ya Docteur, mu ke na Doctorat ya Philosophie. Beno me mona, mu kele ya organisation ya nene, wapi mutindu mu lendaka kwenda nwanisa kima nyonso yayi? Mu zaba kima mosi ve samu na yawu. Mu zaba kima mosi ve samu na yawu!” David tubaka, “Katula bima yina na munu.” Ya kieleka. “Kana mu ke kwenda nwana samu na Nzambi mu zola ve kutalana mutindu nkonga ya bantu ya boma yayi me telama awa, bawu nionso vwandaka na minduki mingi mpe bawu vwandaka me kangama. Mu lenda vwanda ve na lukutakanu . . .”

²⁰⁷ Lukutakanu mingi, babakala mingi, balongi mingi yina ke kwisaka na munu mpe ke funguna ti bawu ke kwikila ti Nkumbu ya Yesu Klisto kele ya kulunga na kuzwa mbotika, kasi kutuba, “Organisation ya beto ke basisa beto.” Yinki esikize yayi ya mputu! Beno katula kinwaninu ya Saül!

²⁰⁸ Pesa munu ngolo mpe ngolo ya Mpeve-Santu! Nzambi, tinda munu na lanse mosi, kukondwa kutala yina ya kele (mutindu ya kele fioti), bula mbeni kuna. Ya kieleka. Fidisa munu, kasi kubika munu ve kulwata mutindu bayankaka ya bawu na Doctorat ya Droit, na Doctorat ya Philosophie, na Badokotolo, na mutindu nyonso yina.

²⁰⁹ David tubaka, “Kima yina ke monana mbote ve.” Yandi tubaka, “Mu zaba kima mosi ve samu na yawu.” Yandi tubaka, “Kima mosi kaka mu zaba, yina mu ke na yawu . . . Kuna na manima ya ntoto ya kuyuma mu vwandaka keba mameme ya tata ya munu.” Mpe yandi tubaka, “Nkosi mosi kotaka mpe bakaka mwana-dimeme ya fioti mpe kwendaka na yawu, mpe

mu zabaka ti yina vwandaka mwana-dimeme ya tata ya munu, mpe, oh, mu—mu—mu kele. . . Mu vwandaka ve na bisadilu, kasi mu bakaka kaka lanse ya munu mpe mu kwendaka kusosa yandi.” Yandi tubaka, “Mu fwaka yandi mpe vutulaka mwana-dimeme.” Oh, la la! Bawu telemaka kuna, dionga na diboko ya bawu, lendaka sala yawu ve.

²¹⁰ Yawu yina diambu bubu yayi. Nzambi kele na mameme mingi yina me zimvana, ba-organisation mpe bima me yiba bawu, me basisa bawu na psychologie. Nzambi pesa beto ba-David na Ndinga ya Nzambi mpe ngolo ya Nzambi, samu na kutwadisa yawu ntangu beto ke kwenda kutana na bakafumba ya bantu yayi ya mayela (Ya kieleka!) na ba-Doctorat ya Philosophie, ba-Doctorat ya droit, ba-Q.U.S.T., to nionso yina ya lendaka vwanda. Pesa munu Ndinga ya Nzambi mpe ngolo ya Mpeve-Santu mpe, mu ke tuba na beno, beto lenda kufwa konso muntu na bilanga. Kieleka! Beto kele na nsatu ya bantu yina lenda. . .

²¹¹ Oh, David vwandaka esikize ya kulutila yina vwandaka kuna na kilanga, samu na kunwana na elombe. Yandi, mbote, yandi—yandi vwandaka kima ve kasi mwana ya bakala. Mpe Biblia ke tuba ti yandi vwandaka “ya tinta ya mbwaki,” mwa muntu mosi ya fioti ya kitoko, kaka na mapeka ya kubwa, yandi vwandaka me lwata kitini ya mpusu ya dimeme. Yandi vwandaka ve na mosi ya ba-diplome yayi ya nene mpe yina ba me longusa mbote. Yandi zabaka kima mosi ve na mbele. Yandi zabaka kima mosi ve na yina me tadila malongi nyonso yayi yina Saul. . .

²¹² Saul vwandaka ya kulutila mbote yina bawu lendaka na yawu, Évêque Saul. Ya kieleka, yandi vwandaka na zulu ya makesa nionso. Mbote, yandi vwandaka—yandi vwandaka yandi yina zolaka kwenda mpe nwanaka yandi, kasi yandi vwandaka na boma.

²¹³ Mpe bubu yayi beto me zaba ti beto kele na nsatu ya reveil. Beto me zaba ti beto kele na nsatu ya kuningana na kati ya bantu. Ya ke baka Mulongisi ya Théologie ve. Ya ke katula kukondwa ngolo (Alleluia) yina ke baka Ndinga ya Nzambi na ngolo ya mvumbukulu ya Klisto mpe ke kufwa kima yayi. Ya ke nata Klisto na yinsi na. . . ti bawu kumona ti Yandi lenda dyaka kuzibula meso ya bampofu, belusa bambevo, kuvumbula bamvumbi, mpe Yandi kele Nzambi, Munungi! Amen. Beto kele na nsatu ya David, yina ba me longusa na balukolo ya théologie, beto kele na nsatu ya muntu yina zaba kima ve na zulu ya yawu, mwana-bakala mosi ya fioti yina ke sabaka ntoto to kima mosi, mwana-bakala mosi ya fioti na mapeka ya yandi ya kubwa, kulutila ve samu na kutala, ke tambula na bala-bala na ngolo ya Nzambi.

214 Mama vwanda kufwa, yandi tubaka, “Billy, mu me tula kivuvu mpe mu me kwikila nge. Nge vwandaka ngolo ya munu ya kimpeve, nge me twadisa munu na Nzambi.”

215 Mu tubaka, “Mama, ntangu mu vwandaka mwana ya bakala . . . Na lufulu ya beto, samu ti, Irlandais, beto zolaka vwanda mwa Catholique ya fioti.” Mpe mu tubaka, “Dibuundu me tuba ti—ti bawu—bawu vwandaka nzutu ya bantu, bawu vwandaka na yawu nionso, nyonso yina bawu salaka vwandaka mbote. Mu zolaka kwikila yawu ve, samu ti bantu ya Luther tubaka, ‘Beto kele nzutu ya bantu, beto kele na yawu nyonso.’ Ba-Baptiste ke tuba, ‘Beto kele nzutu, beto kele na yawu nyonso.’ Ya kele na mingi, ya kele na kutala bankama yivwa ya ba-organisation.” Mu tubaka, “Mama, mu lenda tula kivuvu na yawu ve, nani na kati ya bawu kele ya kusungama?”

216 Beto me mona, mu ke tuba yayi na kukikumumusa mpe na lembami, kasi mu ke kwikila ve ti ata mosi ya bawu kele ya kusungama. Ya kieleka. Mu ke vutuka na Ndinga ya Nzambi, mu monaka yina Yawu salaka kuna na manima. (Na yina, Nzambi, bika beto nionso kuvutuka na manima kuna.) Mpe na kulemba, mpe ata lusalusu ya organisation ve, ata lusalusu ya ba-denomination ve, ata lusalusu ya systeme ya mabuundu ve, kasi na kukikumumusa mpe ngolo ya Mpeve-Santu yina kubwaka na Pentecote, na nsangu mosi yina Pierre vwandaka na yawu na Kilumbu ya Pentecote, “Beno balula ntima, mosi na mosi ya beno, mpe beno baka mbotika na Nkumbu ya Yesu Klisto samu na lemvo ya masumu ya beno.”

217 Beno ke lwata ve bilele ya nene mutindu nkonga ya bantu ya théologie yayi, na nkingu ya beno ya kubaluka mpe na ba-diplome ya Licencié na Lettre. Kasi, mpangi, nge ke vwanda na kima mosi na diboko ya nge, mpe ntangu nyonso yina Mpeve ya Nzambi ke kota na kati ya Ndinga yina Yawu ke nunga mpe ke basisa mameme yina me zimbana. Amen! Beno fungula kulemba ya beto! Beno losa Malongi ya beno ya Théologie! Beno losa yawu na beno nyonso, bumambele ya beno! Beno kukikatuka beno mosi na ntwala ya Nzambi, na nzonzolo ya kimpeve, mpe beno bokila beno mosi “ya kulunga ve!” Na yina Nzambi lenda kulumuka na kusadila beno. Beno tuba yawu kaka ve na yinwa ya beno, beno basisa yawu na ntima ya beno.

218 Jacob, David, bawu zolaka kukatula bilele bawu mosi. Yandi vwandaka ya kulemba mingi na kati ya nkonga ya muvimba.

219 Beno banza na yawu, mu banza, mafunda kumi to nkama ya basoda na zulu ya mongo. Bawu nyonso ya kulongoka, mosi na mosi ya bawu na Doctorat ya Philosophie, mosi na mosi ya bawu na madinga, bawu vwandaka basoda. Mosi na mosi ya bawu vwandaka Kaporale *Kingandi*, Soda *Kingandi* (mpe na Basoda), Général *Kingandi*, Lieutenant *Kingandi*. “Général ya munu ya Nene na bambwetete yiya Saül, Evêque, yinga, Lukumu

ya nge, Tata!” Mosi na mosi ya bawu vwandaka ya kutelama kuna, bantu ya kulonguka.

²²⁰ Mpe mbeni vwandaka ya kutelama na zulu ya mongo, yandi tubaka, “Beno nkonga ya bantu ya boma.” Oh!

²²¹ Mpe kuna na kati ya camp kwisaka mwa muntu mosi, ya mapeka ya kubwa, (O Nzambi!), muntu mosi ya tinta ya mbwaki, mwa lanse ya fioti na zulu ya mukongo ya yandi, na tarte ya rapport na diboko ya yandi samu na mpangi ya yandi ya bakala. Mpe elombe yina kwisaka mpe bokaka mbala mosi diaka. Yandi tubaka, “Beno zola tuba na munu ti beno nkonga ya bantu ya kulongoka awa ke telama kuna mpe ke bika Philistin ya kukondwa nzungo yina kutelemina Ndinga ya Nzambi ya moyo?” Amen! Yandi tubaka, “Nge ke na boma ya yandi?”

²²² Saul tubaka, “Kana nge zola kwenda, kwisa awa. Mu ke—mu ke—mu ke fidisa beno na lukolo ya me kuma bamvula makumi zole ntangu yayi, mpe mu ke baka beno Doctorat ya Philosophie Mu ke tuba na nge yina mu ke sala, mu ke pesa nge kaka diplome ya munu.”

²²³ Yandi tubaka, “Katula kima yina.” Oh, la la! “Mu ke zola kima mosi ve ya kusala na yawu.” Yandi zolaka tula kivuvu na Nzambi. Yandi tubaka, “Mu zaba yina Nzambi me sala samu na munu na *yayi*, mpe mu me kubama na kusala kivuvu na Nzambi na ntuala ya konso kima yina na yawu.” Amen! Yina kele nzingulu ya Muklisto.

²²⁴ Mpe Saul, na ntangu yandi katukaka na kinwaninu ya yandi, yandi katulaka kinwaninu ya dibuundu, yandi salaka mutindu David salaka. Kasi ntangu Saül kumaka na nsuka ya nzila, yandi tubaka, “Mu me nwana bitumba ya mbote.” Yina vwandaka mbeni ya nsuka samu na kununga. “Mu me nwana bitumba ya mbote, mu me manisa kisalu ya munu, mu me kangama na Lukwikilu. Ntangu yayi ba me tula yawu samu na munu yimpu ya kimfumu, ti Mfumu, Zuzi ya kusungama, ke pesa munu na kilumbu yina.” Yandi tubaka, “Munu kaka ve, kasi bayina nionso ke zolaka kumonika ya Yandi.”

²²⁵ Lufwa ya ntama tubaka, “Kasi mu ke kotisa nge na mwa minuti fioti.” Mpe ntoni tubaka, “Mu ke yidika nge kuna.”

²²⁶ Yandi tubaka, “O lufwa, wapi ntunga ya nge? Ntoni, wapi kisika kele lunungu ya nge? Mu zaba ti mu me tandama awa na boloko yayi ya ba-Romain, ya kukanga na miniololo, na binkoso mpe na maboko, mpe mu—mu kele na bamputa makumi tatu na yivwa na zulu ya mukongo ya munu. Mu kele awa na masa ya meso ke na kudia meso ya munu tii kuna mu ke mona diaka ve. Mu lenda mona ve na meso ya munu ya kimuntu, kasi mu lenda mona yimpu ya ludedomo yina ba me tulula kuna na zulu. Binkoso ya munu me kulemba. Mu me kubwa mingi na kulemba na dimpa ya ntama yina ba me losa na kati awa, mpe bampuku me mata na zulu ya munu, mpe banzanzalakonzi mpe

bima yankaka, tii kuna mu ke lemba.” Kasi yandi lendaka telama na ntwala ya lufwa mpe kutuba, “Wapi kisika kele ntunga ya nge? Ndyamu, wapi kisika kele lunungu ya nge?” na miniololo ke bula na maboko ya yandi. Alleluia! (Yawu yina beto ke na yawu nsatu.) “Ntoni, wapi lunungu ya nge?”

Ndyamu tubaka, “Mu ke bolisa nge, Paul.”

227 Yandi tubaka, “Kasi matondo na Nzambi, mu me kuzwa yimeni lunungu na nzila ya Mfumu ya beto Yesu Klisto.”

228 Ntangu yandi vwandaka ya kulemba, na dibuundu ya yandi—ya yandi, ya yandi . . . na binkulu ya yandi nyonso ya nene me sulumuka na yandi. Ba botolaka yandi bapapie ya yandi nionso ya mbiekolo. Yandi vwandaka dyaka ve ya ba-Assemblée, to . . . mosi ya bawu. Beno me mona, yandi vwandaka dyaka ve ya mosi ya bawu. Yandi zonzilaka mingi na zulu ya bawu tii ba-évêque yango vwandaka . . . yandi tubaka, “Nge zola kutuba na munu ti bakala mosi ke na kusadila bamvula makumi zole na boloko ya Rome kuna mpe lenda tuba na beto na kubika ve bakento ya beto kulonga? Huh! Kutuba na beto yawu ve,” yandi tubaka, “beto zaba ya kulutila mbote. Nani kele muntu ya zulu kuna, na mutindu nionso, beno tuba na beto na kusala *yayi, yina to yankaka?*” Yandi tubaka, “Beto zaba yina beto ke na kusala.”

229 “Yinga,” Paul tubaka, “ya kele na bantu ke telamaka kaka na kati-kati ya beno, ke banda organisation ntama mingi ve, telama mpe ke kwenda ntama na Lukwikilu mutindu yina, na kuvwandaka ve na Mpeve ya Nzambi.” Yandi tubaka, “Bawu me basika yimeni na kati-kati ya beto samu ti bawu vwandaka ve ya beto.”

230 Mpe, yinki, ya salamaka? Kotaka mbala mosi na dibuundu ya Katolika; katuka Katolika na ba-Luthérien; mpe tii na nsuka, na ba-Assemblée ya Nzambi, kima mutindu mosi, na kusalaka kima mutindu mosi.

Nzila nyonso, kima mutindu mosi!

231 Kasi, oh, na bakala to kento yina kele ya kulemba mingi, yina ke zaba kulemba ya beno, yina ke bika Nzambi kusadila beno! Mu ke landlela kaka na kuzonza, mu banza ti mu ke zonzaka mingi.

232 Ntangu yayi, yinki ya vwandaka? Ntangu yayi, yandi vwandaka . . . David vwandaka muntu yina longokaka mingi ve na nkonga. Yandi vwandaka ve na lukolo ya kunwana, yandi zabaka kima mosi ve na zulu ya yawu. Na yawu yandi vwandaka na lukolo mosi ve na kati ya bitumba yayi vwandaka na ntwala ya yandi, kasi yandi zabaka ti Nzambi vwandaka. Mpe yandi bakaka kima ya kulemba mingi; bawu vwandaka na matolotolo, binwaninu, minani, mpe nionso yankaka, mpe David vwandaka na mwa lanse mosi na ditadi mosi na kati ya yawu. Kasi, beno me mona, yandi zabaka yina yandi lendaka tula kivuvu.

Yandi fungunaka kulemba ya yandi, kasi lukwikilu ya yandi na Nzambi.

²³³ Yandi tubaka, “Mu ke na nsatu ya kinwaninu ya kisengo ve na zulu ya munu samu na kukeba munu na bankomi. Mu zola ve kukwiza kuna, kutuba, ‘Ntangu yayi, beno bampangi ke vukana na munu? Mu kele ya ba-Assemblée, mu kele ya ba-Presbytérien, mu kele Methodiste, mu kele Baptiste, beno bampangi ke wisana na munu?’ Mu ke zola zaba ve mosi ya bima yina. ‘Awa, mu ke lakisa nge na posi ya munu, mu kele na diplome ya munu. Mu kele kaka na Licencié na Lettre. Mu me katuka na Lukolo ya nene *Kingandi*, mu—mu me kwenda na lukolo kuna. Mu ke na yawu. Oh, mu lenda tuba! Mu kele *yayi, yina, to yankaka*.’” Yandi zolaka ata kima ya mutindu yina ve!

²³⁴ Nyonso yina yandi vwandaka zola, yandi tubaka, “Mu kele na kivuvu ya munu na Nzambi mpe awa mu me kwenda.” Kaka yina. Mpe muntu ya nene kulumukaka. Ya kele kieleka.

²³⁵ Ya kele yina beto kele na yawu nsatu bubu yayi, mpangi. Beto kele na nsatu, bubu yayi, bantu mutindu David, banzingulu ve.

²³⁶ Ya vwandaka na Michée ya fioti, Michée ya fioti, mwana ya Jimla, ya mputu, yina ba me losa, ke basisa na ba-denomination nyonso samu na ntelamanu ya yandi ya kieleka ya Nzambi. Kasi muntu mosi ya Nzambi kwisaka kilumbu mosi, kuna, na nkumbu ya Josaphat, mpe yandi tubaka kuna na kati, “Mu zola zaba Ndinga ya kieleka ya Nzambi.”

²³⁷ Saul tubaka, “Mu me kuzwa bankama yiya ya kulutula mbote yina nge me zabaka ntete ve.” Yandi tubaka, “Bawu nionso kele na ba-diplome ya bawu, bawu nionso me longukaka malongi awa na lukolo.” Yandi tubaka, “Kasi, bawu kele milongi ya kulutula mbote yina nge me kuwaka ntete ve.” Yandi tubaka, “Mu ke basisa bawu kuna mpe beto ke yufula Mfumu samu na nge.”

²³⁸ Kasi na yina yandi basikaka kuna mpe yandi talaka na nziunga, Josaphat tubaka, “Yinga, mu ke kuwa yandi yayi kutuba *yawu*, mpe mu ke kuwa yandi yina kutuba yawu, kasi,” yandi tubaka, “nge kele na yankaka? Nge kele ve na yankaka?”

²³⁹ Nzambi zolaka kuzwa nsangu na ntima ya kieleka yayi. Ya vwandaka kaka na mosi ya bawu ya kutelama kuna, kasi Nzambi kele na muntu samu na yandi yina. Amen. Kana ya kele kaka na ntima mosi ya kieleka, kisika mosi Nzambi kele na muntu samu na yandi. Josaphat vwandaka muntu ya kieleka, ntinu yina ke zitisaka Nzambi, mpe yandi vwandaka na sense mingi samu na kuzaba ti bansangu ya bawu vwandaka ya luvunu. Yandi zabaka ti ya vwandaka ya kuswaswana na Ndinga, amen (Oh, Mpangi Neville!), Josaphat zabaka yawu.

²⁴⁰ Yandi tubaka, “Mbote, mu—mu me baka buku ya muvimba, schema awa na seminere yayi, Mu kele na mosi na kati ya bawu awa.” Yandi tubaka, “Mbote, tala awa, yayi kele na . . . mbote,

tala na ba-diplome yina yandi kele na yawu. Beno tala yandi yayi awa,” yandi tubaka, “beno tala—beno tala ba-diplome yina kele na yandi. Beno tala Sédécias awa, yandi kele mfumu ya nyonso ya yawu. Na yina, yandi kele évêque, yandi kele na zulu ya beto nionso. Ya kieleka beno ke baka ndinga ya yandi!”

Josaphat tubaka, “Yinga,” yandi tubaka, “Mu—mu—mu . . .”

241 “Mbote, beno tala, beno tala, bayankaka nionso ke wisana na yandi. Bawu nionso kele kimvuka mosi ya nene! Mpe nge lenda tuba ve ti bawu kele ve ba-Hebreux. Nge lenda tuba ve ti bawu kele ve baprofete, tala diplome ya bawu.”

242 Josaphat tubaka, “Yinga, mu—mu—mu zaba, Achab.” Yandi tubaka, “Ya—ya kele nyonso ya kulunga, kasi . . .”

243 Yandi tubaka, “Yinki nge kele . . . Wapi mutindu nge ke lomba munu dyaka ya kulutila? Beno tala lukolo ya munu ya muvimba! Ya kele na organisation nyonso kintwadi.”

244 “Kasi beno kele ve na mosi yina kele ve ya kimvuka yina? Ya kele ve na mosi, kisika mosi kuna?”

245 “Mbote, yinki yandi ke vwanda? Yandi ke vwanda muntu yina me longukaka ve! Mbote, yinki beno ke zola na muntu ya mutindu yina?”

246 “Kasi—kasi mu ke na kulombaka kaka nge, nge kele ve na mosi, kisika mosi?”

247 “Oh,” yandi tubaka, “yinga, ya kele na mosi.” (Kuna, oh, matondo na Nzambi samu na yawu!) “Ya kele na mosi, kasi,” yandi tubaka, “Mu ke yinaka yandi. Mpe bayankaka nyonso ke yinaka yandi, mpe.” Yandi tubaka, “Beto ke losa, mpe bawu ke losa yandi na ngaanda ya organisation yina, mosi na mosi ya bawu.” Yandi tubaka, “Yandi kwisaka awa samu na kuvwanda na lukutakanu, beto me basisa yandi na mbanza. Yinga, tata. Mu ke na kima ya kusala na yandi ve. Mbote,” yandi tubaka, “yandi ke na nkadulu ya kulemba, mpe yandi me katuka na dibuta mosi ya mputu. Grammaire ya yandi kele yimbi mingi.” (Uh-huh, mutindu Moody, beno zaba.) “Yinga, grammaire ya yandi kele ya ngitukulu.” Mpe yandi tubaka, “Ya kieleka, samu na muntu ya théologie, yandi kele mputu ya kulutila yina mu me kuwaka ntete ve. Mu me kuwaka ntete ve kima mutindu yandi. Oh, yandi ke na kunwanisa kaka binkulu ya bawu. Na yina, Credo ya Bantumwa ya bawu me beba na bitini-bitini na nzila ya yandi. Mu me kuwaka ntete ve kima ya mutindu! Oh, yandi mwangisaka kaka yawu, mpe bawu ke yinaka yandi mpe munu ke yinaka yandi, muntu nyonso ke yinaka yandi.”

248 “Oh,” Josaphat tubaka, “beno bika ve ntinu kutuba mutindu yina, kasi mu ke zola kuwa yandi.” Yandi zaba yina Élisée ke tuba! Yandi zabaka.

249 Nzambi me bika milongi nyonso ya nene, ya ngolo, ya mayela, mpe tulaka Nsangu ya Yandi na kati ya mwa muntu yina tubaka ti yandi zabaka kima mosi ve. Kasi yinki yandi salaka?

250 Ba pesaka yandi kumekama, mpe ba tubaka, “Ntangu yayi, nge tuba kima mutindu mosi bawu salaka.”

Yandi tubaka, “Mu ke tuba yina Nzambi ke tula na yinwa ya munu, kaka yina.”

251 Yandi tubaka, “Kana nge zola kukuma ngolo ntangu yayi, bambuka moyo nge kele kaka . . . nge kele—nge kele na ngaanda ya nzila awa, mwana-bakala. Beno bambuka moyo, ba me losa beno na ngaanda ya organisation yina. Ba lendaka balula kimpangi ya beno kana beno ke wisana kaka na bawu na ntangu yayi ya mpasi mutindu yayi. Beto nionso ke zola kuvwanda na campagne ya nene,” yandi tubaka, “kana nge ke wisana na munu.”

252 Yandi tubaka, “Mu ke tuba kima mosi ve kasi yina Nzambi me tuba!” Kukakula, beno lenda vingila muntu ya Nzambi samu na kukakula Ndinga ya Nzambi? Ve, tata, beno tula ve na kati ya yandi.

253 Yandi tubaka, “Kasi nge kele muntu ya kulemba. Nge kele na ngaanda ya dibuta ya mputu. Mbote, nge zaba yinki, bawu lenda . . .”

“Mu ke kipe ve yina bawu ke sala.”

254 “Mbote, ba ke nata beno na yinsi na mpepo. Ba ke sala nyonso, beno me mona, kana beno—kana beno kaka . . .”

255 “Ve, ve. Mu ke tuba kaka yina Nzambi ke tula na yinwa ya munu.” Nzambi me luta na nkonga ya bantu yina nionso, (yinga, tata, kieleka ya yandi salaka yawu) me bika bankama yiya mpe me pesa yandi **MUTINDU ME TUBA MFUMU!**

256 Na yina bawu kwikilaka Yawu? Ve, tata! Bawu tubaka, “Ya kele ve **MUTINDU ME TUBA MFUMU**, seminere ya beto ke longa ve bima ya mutindu yina. Mbote, awa kele évêque ya beto, me tuba ndinga, yandi sonikaka misiku. Beto nionso me vukana, beto me sala balukolo ya beto. Nzambi kele na beto! Na yina Nzambi basikaka na beto ntangu Yawu kwendaka na beno?”

Yandi tubaka, “Nge ke mona, ntangu yankaka.” Uh-huh, ya kele kieleka.

257 Yinki yandi vwandaka? Yandi vwandaka ya kulemba, kasi yandi vwandaka muntu ya ngolo mingi na kati ya bawu. Samu na yinki? Samu yandi vwandaka na Ndinga ya Mfumu. Oh, mpangi, wapi luswaswanu ya ke sala na . . . kima nyonso yankaka ntangu nyonso yina beno kele na **MUTINDU ME TUBA MFUMU?**

258 “Tuba, Mpangi Branham, kana nge ke kakula Nkumbu ya Yesu samu na mbotika, mbote, beto ke kuzwa lukutakanu ya nene na Chicago to bisika yayi mutindu yayi.” Huh! Nge banza

ti nge ke sala yawu? Mu ke kipe ve kisika beno ke vukana, yina beno ke sala, mpangi-bakala, beno vwanda na MUTINDU ME TUBA MFUMU.

259 Mu zola ti bayankaka na kati ya bawu kukwisa kutuba na munu kisika Yawu kele luvunu. Beno talisa munu na kati ya Ndinga ya Nzambi kisika Yawu kele luvunu. Yinga. Ba ke nwanisa yawu ve. Ve, tata. Kasi Ya kele MUTINDU ME TUBA MFUMU! Beno kangama na Yawu, kana mosi na mosi ya yawu ke bula beno. Mu ke kipe ve mutindu beno ke kuma ya kulemba, “Na yina mu me kuma ngolo.” Ntangu ba ke basisa munu na ngaanda, Nzambi ke kotisa munu na kati. Uh-huh, yinga. Nzambi. . .Ba ke basisa beno na ngaanda, Nzambi ke kotisa beno na kati.

260 Beno bambuka moyo, Nzambi ke lokotaka ntangu nionso bima yina ba me losa, bantu ya mpamba. Na manima Yandi ke sala bawu *bantu* samu na Yandi. Beno lenda zaba yawu ve na luzingu yayi, kasi ya ke vwanda na kati ya yina ke na kwiza; beno me mona, ya kele yina.

261 Mpe pesaka yandi MUTINDU ME TUBA MFUMU, samu na yinki? Yandi kangamaka na Ndinga. Yandi vwandaka na Nsangu ya mbote. Nzambi pesaka yandi vision. Bayankaka ya bawu kuzwaka vision ve. Beno me mona? Yandi vwandaka na vision. Samu na yinki? Samu yandi kangamaka na Ndinga. Ya kele kisika beto monaka bidimbu mpe mambu ya ngitukulu. Samu. . .Bayankaka ke na kusala mutindu Yawu, kasi yandi kangamaka na Ndinga. Ntangu yayi beto sala nswalu.

262 Elie, kele ntangu dibuundu ya yandi basisaka yandi mpe bikaka yandi samu na yinza ya bilumbu yayi. Mu banza ti Elie ba yokaka bawu na ngolo na ba-coqueuse. Beno ke banza mutindu yina ve? Beno zaba yina Elie vwandaka. Mu banza, na ministere ya yandi ya ntete, yandi telemaka kuna mpe tubaka, “Kasi, beno bakento ke meka na kuvwanda mutindu Mama ya Ntete,” bayimpu yina, beno zaba, “Mademoiselle Jézabel! Beno bakento ya bilumbu yayi, na kuvwandaka mutindu Mama ya Ntete ya yinsi, na kulwata mutindu yandi, na kusalaka mutindu yandi. Beno milongi!” Oh, la la, wapi mutindu kombolaka bawu! Mpe bawu landilaka kaka na kubwa tii kuna ya vwandaka diaka ve na muntu mosi.

263 Yandi zolaka kuma na nsuka ya nzila ya yandi kuna. Muntu ve zolaka vwanda na ngwisani na yandi dyaka. Ata mosi ya mabuundu ke vukana na yandi. Dibundu ya yandi nyonso bikaka yandi, vutukaka na yinza (mutindu mosi ya kele ntangu yayi), ya kele kieleka, vutukaka na yinza. Kaka bantu fioti vwandaka ya kukangama kuna, mosi awa mpe mosi kuna, na kukatukaka bisika nyonso na yinsi kisika beno zolaka kwenda mona yandi, mpe nyonso yina. Yandi vwandaka na kimbevo ya yimbi, yandi kumaka na nsuka ya luzabu ya yandi.

264 Yandi tubaka, “Mfumu, mu telemaka na zulu ya Ndinga ya Nge, mu tubaka Kieleka. Mpe bawu nyonso me kwenda, ya kele na muntu ve me bikana awa. Mu kele ve, mpe mu kele ve na muntu na kulonga.” Amen. “Yinga, mu telemaka na Ndinga ya Nge, Mfumu, mpe ntangu yayi tala kisika mu kele ntangu yayi, ata mosi ve na kati ya bawu ke yamba munu. Mu ke kwenda na mbanza, ba ke tuba, ‘Awa ke kwisa kiboba ya kilawu. Yinga, yinga, awa kele kiboba ya kilawu yina ke kwizaka na mbanza, ntangu yayi yandi ke banda na kusala—ke sala nyonso na yayi awa na mambu ya bilumbu yayi mpe nyonso.’”

265 “Kuvwanda na yandi ve! Pasteur, kuvukana na muntu yina ve! Ve, tata!”

266 Pasteur, “Ntangu yayi kiboba ya fanatiki yina na kati ya mbanza dyaka. Beno me mona, Elie yina kuna, muntu ya dibandi. Beno sala keba ve na muntu yina ya ntama. Beno tala yandi, yandi ke lwataka ve mutindu nganga-Nzambi na barobe ya yandi ya nganga-Nzambi mutindu ya munu (yimpu ya yandi, beno zaba; mpe kutelama na ntuala, mpe na kole ya kubalula na manima, beno zaba).” Yandi tubaka, “Yandi ve. . .” Yandi tubaka, “Yandi—yandi. . . bawu. . . yandi kele mutindu yankaka. . . Yandi—yandi kele mutindu muntu ya ngitungulu.”

267 Mpe mu banza ti bayankaka ya bantu ya nene tubaka, “Beno zaba yinki? Yandi—yandi kele na kidi-kidi na yintu. Uh-huh, yinga, yandi—yandi kele na kidi-kidi na yintu, yina ke zingaka kuna na ntoto ya kuyuma, ke vwanda kuna na mfinda kulutila ntangu ya yandi, na kukwizaka na kitini ya mpusu ya dimeme ya kufuka na zulu ya yandi. Oh, la la! Mpe na yina beno ke fundisa bakento yina! Mu me monaka ntete ve kima ya mutindu yina. Beno ve. . . beno basika ve—ve—ve na kima ya kusala na yandi, ata fyoti! Beno vukana ve!”

268 Mbote, kimvuka ya milongi vukanaka kintwadi, beno zaba, yandi tubaka, “Beno nionso ve—ve beno nionso kele na kima ya ku. . . Beno bika yandi, na nsuka yandi ke. . . yandi ke kuma na nsuka ya ba-mulet ya yandi. Ti yandi—ti yandi bokaka na zulu ya yintu ya yandi mosi. Kaka yina, beno bika yandi swi.”

269 Kasi kiboba Elie, vwandaka tambula kaka ya kukwikama na Nzambi, (Oh, la la.) vwandaka kaka na Ndinga. Ba ke vwanda na mwa lukutakanu kuna, mpe yandi ke tala na nkonga ya bantu yayi, yandi ke tuba, “Beno nionso ba-Jézabel!”

270 “Oh, kikesa ya kieleka! Mu ke kwenda diaka ve kuwa bakala yina! Ve, tata, mu ke vwanda na yawu ve!”

271 Yina sukisaka yandi ve, yandi vwandaka kaka kuna mutindu mosi. Ntangu yandi zimbisaka dibuundu ya yandi, ntangu yandi zimbisaka ya yandi. . . ba-denomination nyonso kumangaka yandi, ya vwandaka kuna (ntangu yandi kumaka ya kulemba) yandi tubaka, “Mu kele kaka yina me bikana, mpe bawu ke na kusosaka na kufwa munu.” Yandi tubaka, “Bawu lenda kubula

munu munduki kana bawu kuluta na yawu.” Uh-huh. Beno me mona? “Kasi mu. . . Bawu ke na kusosaka luzingu ya munu. Mpe mu kele kaka yina me bikana, Mfumu, yinki mu lenda sala?”

²⁷² Ya vwandaka kuna, ntangu yandi kulembaka (dyaka ya kutelama kieleka, ke funguna kulemba ya yandi mpe nyonso), ti Nzambi tubaka, “Mata na mongo, Mu ke pesa nge nsangu ya malu-malu. Mu ke tinda nge nsangu ya malu-malu ntangu yayi. Mu me tuba na nge yimeni, ‘Kwenda fundisa bima yayi,’ ntangu yayi Mu ke tinda nge na kima mosi samu na kusiamisa ti Yawu vwandaka kieleka.” Yandi tubaka, “Nge salaka kisalu ya mbote, Elie. Nge tubaka na bawu samu na Mama ya Ntete, mpe nionso yina, mpe wapi mutindu bawu salaka. Beno bedisaka Achab mpe bima ya yandi nionso ya bilumbu yayi mpe mabuundu nionso ya bilumbu yayi, mpe beto tubaka na bawu milongi kisika bawu vwandaka. Beno vwandaka mbandu. Beno telemaka kuna kukondwa lusalusu, organisation nionso, konso kima yina na manima ya beno, kasi beno kangamaka na Ndinga ya Munu. Ntangu yayi mu ke pesa nge kima mosi. Kwenda kuna mpe tuba na muntu ya luvunu yina, ‘MUTINDU ME TUBA MFUMU! Ata kinoko ke kubwa ve na Zulu tii mu ke bokila yawu.’” Oh! Oh! Yandi mataka na zulu ya mongo samu na kulakisa yandi kima mosi!

²⁷³ Oh, mu lenda mona yandi na suka yina, ke kwisa, ke kulumuka na nzila ya Samarie. Yandi vwandaka ve kitoko mingi na kutala, ya kieleka, yintu ya dibandi yina vwandaka ngenga na mwini, bansuki ya mpembe mpe mika ya dimeme ke diembela na kizizi ya yandi, na kitini ya mpusu ya dimeme. Biblia me tuba ti yandi vwandaka “bansuki ya kuzenga,” bansuki nionso kele na zulu ya yandi, mu banza ti yandi vwandaka mvindu samu na kutala; mwa nkawa yina ya nkulu na diboko ya yandi, na mwa meso yina vwandaka tala na kati ya matuti, ke tambula na bala-bala. Mpe beno. . . yandi. . . Mu banza ti yandi salaka mutindu mvula kumi na sambanu na ntangu yandi vwandaka na bamvula pene ya makumi nana. Awa yandi vwandaka kulumuka, na kutambulaka na nzila, mbala mosi na Samarie. Mpangi, yandi me kuzwa ngolo kuna na kulemba ya yandi, “Ngolo ya munu kele ya kulunga. Kuvwanda ve na boma ya ba-organisation, Elie. Kuvwanda ve na boma samu na bawu, Ngolo ya munu nyonso kele yina nge ke na nsatu.”

²⁷⁴ Mu ke bambuka moyo ya kutelama pene-pene ya tempelo ya nene kilumbu mosi, mpe mu tubaka, “Mfumu, mu ke zola ve ti bawu kwiza na bilo ya munu—ya munu.”

Yandi tubaka, “Mu kele Kitini ya nge.” Beno me mona? “Mu kele Kitini ya nge.”

²⁷⁵ “Na—na kulemba na yina mu—mu kele. . . Ngolo ya Munu kele ngolo. Luzolo ya munu ya kulunga lenda salama (Paul, to Elie, nyonso yina beno kele) ntangu beno ke basika na nzila.”

Beno me mona? “Na kulemba ya beno, na yina Mu me kuzwa ngolo. Mu kele Yandi yina! Mu kele Yandi yina ke kota mpe ke fulusa.”

²⁷⁶ Mu lenda mona yandi kutambula kuna na nzila ya Samarie, mwa meso ya yandi ya kukula ke na kutala mutindu *yayi*, bakala, na mwa kuseka mosi na kizizi ya yandi. Mpangi-bakala, yandi kwisaka kuna na mvwandulu ya Achab. Yandi vwandaka tekita ata fioti ve, yandi vwandaka tekita ata fioti ve. Ve, ve! Ya vwandaka bula na yisi ya ntulu yina ya ntama ya kukondwa nsuni kisika vwandaka ntima yina Mpeve-Santu vwandaka zinga. Yinga, ya kieleka! Beno kwisa na nzila yina, beno kwisa na ntwala ya Achab, mpe tubaka, “Ata kinoko ke kubwa ve kana mu bokila yawu ve.”

²⁷⁷ Yandi bulaka makulu ya yandi mpe, yandi balukaka, kuna na ntoto ya kuyuma. Yandi tubaka, “Yina vwandaka kisalu ya mbote, Elie. Beno kwisa awa, mu me tuma bangoyi-ngoyi nionso na kudisa nge ntangu yayi, mpe . . . mpe nge vwanda awa mwa ntangu fioti.” Oh, la la!

²⁷⁸ Ntangu yandi vwandaka ya kulemba, na yina yandi kumaka ngolo. Yinga, tata. Yandi kangaka mazulu ti ya zolaka noka ve. Ya kele ntangu yandi kuzwaka ngolo, ntangu yandi zimbisaka dibuundu ya yandi, yandi zimbisaka nyonso yina yandi kuzwaka, nyonso yankaka. Kasi yandi vwandaka na Ndinga ya Nzambi, na yina yandi vwandaka na ngolo ya kukanga mazulu.

²⁷⁹ Ntangu Jacob zimbisaka ngolo ya yandi nyonso, na yina Nzambi pesaka yandi ngolo ya kukuma mwana ya ntinu. Beno me mona?

²⁸⁰ Ntangu Paul zimbisaka malongi ya yandi mpe théologie ya yandi nyonso, Nzambi salaka yandi missionnaire na Bantu ya makanda.

²⁸¹ Ntangu Moise zimbisaka balenda ya yandi nionso mpe yandi kumaka ya kulemba, Nzambi kumisaka yandi ngolo mpe fidisaka yandi na Égypte na ngolo ya Mpeve, na bamvula makumi nana; ba-mika ya yinda, kento ya yandi na zulu ya mulet mpe mwana mosi ya kuvwanda na luketo ya yandi, mpe nkawa na diboko ya yandi, kwendaka kuna mpe nungaka Égypte. Yinga. Beno me mona? Yandi vwandaka ve na makesa na manima ya yandi, mutindu yandi zolaka kukwenda, kasi na ngolo ya Mpeve. Amen!

Ntangu beno kele ya kulemba na yina beno kele na ngolo.

²⁸² Na ntangu kaka ba vwandaka kulumuka nzila yina, yandi titibaka ve, yandi tekataka ve, yandi salaka kima mosi ve, yandi kwisaka na ntwala ya Achab, mpe tubaka, “Mu ke na Ndinga ya Mfumu.”

Yandi tubaka, “Nge ke mosi yina ke pesaka Israel mpasi.”

283 Yandi tubaka, “Nge kele yina ke na kotalisa Israël mpasi.” Yinga, tata. Oh, mpangi! Yinga, tata. “Beno nata banganga-Nzambi ya mayela yina beno kele na yawu awa, mpe beto mona nani kele Nzambi.” Beno bawu yayi. “Mata na Mongo Carmel, ti Nzambi yina pesaka mvutu na Pentecote kuvutula dyaka mvutu. Beto tala kana Nzambi kele kaka Nzambi mosi, kana Yesu kele mutindu mosi mazono, bubu yayi, mpe kukonda nsuka.” Yandi katukaka na mongo, yandi vwandaka na Nsangu. Yinga. Yandi vwandaka kieleka ya kulemba na ntswala, ata ti, yandi zimbisaka nyonso ntete yandi sala yawu. Yandi zolaka lemba ntete yandi kuzwa ngolo.

284 Ya kele kukikulumusya ya Nsangu ya mbote yina ke kumisaka bantu kisaka-saka. Ba ke meka na kusala Yawu kima ya nene ya mayela yankaka, ntangu ya kele ya kukikulumusya. Kasi Nzambi ke bakaka kukikulumusya mingi mpe kulemba mpe bukukulumusya, samu na kusala bisalu ya Yandi. Yina kele kaka kima ya nene na diboko ya Nzambi.

285 Jean Baptiste, Nsangu ya yandi, muntu yina tekilaka Klisto, na malembe nyonso Yawu kwendaka na zulu ya bayintu ya bantu. Beno kuwa kaka minuti. (Mu banza ti mu ke kanga beno ntangu mingi ve, beno kele ya kutelama pene-pene ya bibaka, beno me mona.) Beno tala! Jean, ntangu... Baprofete nyonso kupesaka kimbangi ya nkwezulu ya Mesiya. Mosi ya bawu tubaka ti “Myongo ke dumuka mutindu mwa bankombo ya babakala.” Bayankaka tubaka, “Makasa ke bula maboko ya bawu.” Mosi tubaka, “Bisika nyonso ya yisi ke kuma na zulu, mpe bisika ya zulu ke kulumusya.” Oh, la la! Wapi kilumbu!

286 Beno ke banza ti Lukolo ya Baprofete mpe dibanza ya mayela ya yawu? Oh, la la, bawu vwandaka na nyonso ya kalasi! Kasi ntangu ya salamaka, kuna na ntoto ya kuyuma kwisaka longi mosi ya kiboba yina me vwandaka ata fioti ve na kilumbu ya lukolo na luzingu ya yandi, mu banza ti grammairer ya yandi vwandaka ya nsi mingi. Tata ya yandi vwandaka nganga-Nzambi, kasi Nzambi katulaka yandi na yawu. (Beto kuzwaka yawu na lesu ya Lumingu me luta.) Ba ke bika yandi ve kuvwanda ya kuvukana na ba-denomination yina, mpe kunata yandi na ntoto ya kuyuma samu na kulonga yandi Yandi mosi. Ya kele mutindu—ya kele mutindu yina ke vwanda na Ndinga ya Nzambi.

287 Mu me basika na ntoto ya kuyuma, pene ya bamvula makumi tatu; mu banza ti mandefo ya ndombe vwandaka diembela na zulu ya kizizi ya yandi, mupepe ya ngolo; na kitini ya nene ya mpusu ya dimeme ya kufuka na zulu ya yandi; ya kutelama na kati ya poto-poto, na zulu ya makulu ya yandi; yandi tubaka, “Mu kele yina ba zonzaka na nzila ya profete Esaie.” Mpe bayankaka ya ba-denomination basikaka; yandi tubaka, “Beno banza ve na kutuba na beno mosi, ‘Beto kele na *yayi* mpe *yina*,’

Nzambi kele na kiyeka na matadi yayi kubasisa bana samu na Abraham!” Oh, la la! Samu na yinki? Yandi vwandaka na MUTINDU ME TUBA MFUMU! Yandi vwandaka na Nsangu. Nzambi zabisaka na ntwala ti yandi ke kwisa. Mpe ya kele samu na yina. . . Ya me kwisa na kukikulumususa mingi, Ya me luta na zulu ya bayintu ya bawu.

²⁸⁸ Ntangu Yesu kwizaka, Yandi tubaka, “Yinki beno kwendaka mona, nzonzolo ya bantu ya mayele yina lendaka soba na ba-Methodiste na ba-Baptiste, mpe kubanda na ba-Baptiste na ba-Presbytérien, katuka Presbytérien na Pentecote, mpe Pentecotiste na kima yankaka? Beno kwendaka mona didyadya ke ningana na mupepe? Jean ve!” Yandi tubaka, “Nge me basika samu na kutala bakala yina me lwata bilele ya lino?” Yandi tubaka, “Ba kele na bayinzo ya ntinu, longi ya mutindu yina.” Yandi tubaka, “Yinki nge me kwenda mona, profete?” Yandi tubaka, “Kulutila profete!”

²⁸⁹ Jean vwandaka kulutila profete. Mpe, beno tala, yandi kwizaka ya kulemvuka kulutila na bawu nyonso. Kasi yandi vwandaka ya kulutila profete. Beno zaba yina Jean vwandaka? Yandi vwandaka munati-nsangu ya ngwisani. Kieleka, yandi vwandaka. Yandi kwendaka na zulu ya profete. *Profete* kele mumoni yina ke monaka bima. Jean kusalaka, mpe, kasi yandi vwandaka na zulu ya yawu. Yandi vwandaka munati-nsangu ya ngwisani. Yandi tubaka, “Yinga, yayi kele yandi yina ba tubaka, ‘Mu ke fidisa munati-nsangu ya Munu na ntwala ya kizizi ya Nge.’” Ya kele yandi yina ya vwandaka, yandi vwandaka munati-nsangu ya ngwisani. Ya kieleka. Na mutindu ya yandi ya kukwisa, yandi kufwaka meso ya bantu ya mayele.

²⁹⁰ Ntangu yayi beto fwana sukisa ntama mingi ve, pene ya baminuti fyoti dyaka, mu kele na mwa bima awa yina mu zola kutuba, mwa Masonuku mpe noti mosi.

²⁹¹ Wapi mutindu samu na mufwidi ya kento na diboko ya faline? Yandi zolaka kulemba ya yandi, kukondwa ntembe yandi zolaka kufwa yandi mosi na nsatu. Yandi vwandaka ve na faline. Yandi lendaka ve kukwenda kisika yankaka mpe kubuka konso faline, muntu yankaka ve vwandaka na yawu. Kasi yandi me kuma na kisika mosi, mukwikidi ya nene, bakala ya yandi vwandaka muntu ya nene ya Nzambi. Mpe kento vwandaka mufwidi ya kento, na mwana mosi. Mpe yandi vwandaka kaka na diboko ya faline, kasi ya vwandaka ya kulunga, ya vwandaka nyonso yina yandi vwandaka na nsatu; ya kupesama na maboko ya Nzambi, yandi vwanza zinga na zulu ya yawu bamvula tatu mpe bangonda sambanu, na zulu ya diboko ya faline. Yandi vwanza lemba.

²⁹² Yandi basikaka na suka yina samu na kulokota bankuni zole, mpe yandi bukaka yawu mpe yandi vukisaka yawu kintwadi. Beno me mona, bankuni zole kele Kulunsi. Beno me mona?

Bukaka . . . Yandi tubaka, “Mu ke kuzwa bankuni zole.” Yandi tubaka ata mbala mosi ve, “Mu ke na kukumaka muntu ya nkufi,” ntangu yayi, kaka na bankuni zole. Kaka yina. Beno me mona kidimbu?

²⁹³ Mpe, yinga, kuluntu ya ntama . . . Nzila ya nsemo tiya ntangu yayi, ke baka bankuni mpe ke sabuka yawu, ke yoka yawu kaka na kati-kati. Ntangu mu kwendaka na camp, mu . . . na kati ya miongo na ntangu ya mpimpa, samu na kufwa ve na madidi, mu ke tula kitini ya yinti mutindu *yayi* mpe kitini yinti yankaka mutindu *yayi*, mpe na kati ya mpimpa ke landila kaka na kumata mpe ke suka, mpe ya ke panza yawu kaka mutindu beno ke mata, beno me mona, na kati ya kulunsi.

²⁹⁴ “Mu kele na bankuni zole. Mu ke baka dimpa, ke lwata faline yayi, mwa diboko yayi ya faline, mpe ke sala dimpa samu na munu mpe mwana ya munu ya bakala. Beto ke kudya yawu mpe ke kufwa.” Yandi vwandaka kieleka ya kulemba, mutindu yina ve? Yandi tubaka . . . Mpe yandi balukaka mpe bandaka na kuvutuka. Oh, na suka ya mwini ya ngolo! Oh, ya vwandaka ntama mingi ve kukondwa kima mosi. Bima nionso . . . Masa ve, mpe bantu ke boka, bantu ke kufwa, bisika nionso; kisika mosi ve na kudefa, kima mosi ve ya kusala. Yandi vwandaka na nsuka ya nzila. Yandi vwandaka na kulemba ya yandi. Yandi tubaka, “Mu ke sala yawu samu na munu mpe mwana ya munu ya bakala, mpe kuna beto ke kudya mpe ke kufwa.” Na yawu yandi balukaka mpe yandi tubaka . . .

²⁹⁵ “Vingila fioti!” Yandi talaka na manima. Mpe kizizi yango ya kifuluka na kivumu vwandaka sabuka mwelo kuna, yandi tubaka, “Kwenda sala mwa gâteau samu na munu ntete, mpe natina munu yawu.” Oh! “Natila munu mwa maza na diboko ya nge, mpe kitini ya dimpa, samu ti, MUTINDU ME TUBA MFUMU!” Oh, la la, muntu yina salaka yawu. Oh, la la! Mwa ntangu fyoti yina yandi kuzwaka, beno me mona, yandi pesaka yawu na Nzambi. Yina vwandaka mingi samu na kudisa yandi na ntangu yina me bikana. Yinga. Beno me mona, na ntangu yandi vwandaka ya kulemba na yina yandi vwandaka ngolo.

²⁹⁶ Mosi vwandaka kaka na ndonga na mwa mafuta na kati ya yawu. Mpe yandi vwandaka na kima ve, bana ya yandi zole ya babakala zolaka tekisa samu na ba-troublesome. Yandi vwandaka na kima yankaka ve yandi zolaka sala na mwa vase yayi ya mafuta. Yandi vwandaka mingi ve, yandi vwandaka na nsuka.

Elie tubaka na yandi, yandi tubaka, “Yinki nge ke na yawu na yinzo ya nge?”

Yandi tubaka, “Kaka mwa mafuta na vase.”

Yandi tubaka, “Kwenda na bankalani ya nge, defa mingi.”

²⁹⁷ Kuna, beno tala, beno kubama na ntwala yawu salama. Hmm? Beno kubama! David kuwaka muingu yina na kati ya matiti ya mûrier. Elie monaka dituti kaka diboko ya yinda, yandi tubaka, “Mu ke kuwa makelele ya kufuluka ya mvula.” Kana Nzambi lenda kaka kuzwa mwa ba-vaze ya mpamba! Ya kele kieleka.

Yandi tubaka, “Fulusa yinzo na yawu.” Amen!

²⁹⁸ Beno me mona yina Nzambi zola? Nzambi fwana vwanda na ba-vaze ya mpamba. Beno kuwa! Beto me kuzwa malongi mingi, ya kele na buzoba mingi ya dibuundu, tii beto ke kuma na nsuka ya mbungu. Ya kele kaka na kima mosi me bikana, beno baluka na Nzambi mpe Ndinga ya Yandi. Mpe kana beno ke sala yawu, beno kuzwa mwa ba-vaze ya mpamba. Beno basisa ba-Methodiste nionso na bawu, ba-Pentecotiste nionso na kati ya bawu, mpe ba-Baptiste nionso na kati ya bawu, mpe kubika kaka yawu kuvwanda ba-vaze, mpe tula yawu na yinzo. Mpe na manima kubaka na Vaze yayi mpe bandaka na kutsyamuna, amen, kaka bandaka na kutsyamuna.

²⁹⁹ Yandi vwandaka na mingi ya kukipe yandi mpe bana ya yandi, mpe nyonso yankaka yina, mpe kufuta bamfuka nyonso. Samu na yinki? Samu na yinki? Kaka mutindu yandi kuzwaka, kukipesa na Nzambi, mpe landaka ndinga ya profete yayi, yandi basikaka mbala mosi.

³⁰⁰ Nzambi, tinda beto profete yina ke baka Ndinga ya Nzambi, yina ke baka *kima yankaka* ve, kasi kaka ba ke baka ba-vaze ya mpamba. Kana Nzambi lenda kaka kubaka ba-vaze ya mpamba, mpe na manima kubaka Ndinga ya Nzambi mpe kumwangisa Yawu na kati ya muntu.

³⁰¹ Ya kele ve na bayankaka ke tuba, “Oh, mu me tekita ntangu mu kuzwaka Yawu. Mu zonzaka na bandinga ntangu mu kuzwaka Yawu. Mu binaka na Kimpeve.” Beno zimbana yawu, beno me mona, beno zimbana yawu!

³⁰² Beno vwanda kaka kuna tii Yawu ke kwiza, kaka yina, tii vaze kele ya kufuluka. Kaka yina. Ya kele mutindu beno ke salaka yawu. Yinga, tata, kukikulumusya ya Yawu! “Ba-vaze vwandaka ya kufuluka,” mutindu beto lendaka vwanda na yawu!

³⁰³ Ya vwandaka bilandi, bawu nionso vwandaka na kidi-kidi kilumbu mosi, Yesu tubaka na bawu, yandi tubaka, “Ya kele na bantu mafunda tanu awa,” mpe yandi tubaka, “ba ke kangama pema, ba me kufwa na nzala.” Oh, mu lendaka vwanda na ngunga yankaka yina. “Mafunda tanu, bayina kele na nzala,” ya kele na nkama ya byazi yina kele na nzala!

Yandi tubaka, “Tinda bawu.”

Yandi tubaka, “Ya kele ve na nsatu ya kusala yawu.” Yandi tubaka, “Beno pesa bawu madia.”

304 Oh, la la! Mu lenda banza ti ba ke kuvukisa nionso yina bawu lendaka kuzwa, mpe beno zaba ntangu bawu kuzwaka nyonso (nyonso) ba vukisaka yawu. . . Beno lemvokila nzonzolo, “vukisaka.” Kasi bawu me kuzwa nyonso, bawu tubaka, “Ntangu yayi, awa, beto me luta na konso camp. Beto kele ve na mbongo ya kisengo, na yina beto lendaka ve kuvwanda na campagne.” Beno me mona? “Na yawu beto kele na nyonso awa, kasi kima kaka beto lenda tala kele kaka mwa bitini tanu ya mampa mpe mwa bambisi zole na mwa kifwede mosi ya fioti” mutindu David, basikaka na ntoto ya kuyuma kuna. “Yawu yina kaka beto kele na yawu. Yawu yina kaka beto lenda kuzwa. Beto me kuma na nsuka ya mpeve ya beto. Beto lenda sala kima yankaka ve, Jean.” Pierre tubaka, “Yawu yina beto lenda sala. Yawu yina beto lenda sala. Beto me kuma na nsuka ya bayintu ya beto. Yina kele kaka kima mosi na nzila ya madia yina beto me kuzwa.”

305 Mbote, mu lenda baka kaka mwa Masonuku mosi, Actes 2:38, mpe yawu yina kaka beto ke na yawu nsatu, beno tumama kaka na Yawu. Beno fwana longuka baseminere ve, nionso yina me tadila *yayi*, *yina*, *yankaka*, kubaka kaka Yawu. Yinga, beno baka kaka—kaka Yawu, ya kele kaka yina beno kele na nsatu, “Beno balula ntima, mosi na mosi ya beno, mpe beno botama na Nkumbu ya Yesu Klisto samu na mulemvo ya masumu ya beno, mpe beno ke fuluka na Mafuta.” Beno me mona? Kaka ya mpamba, beno kubama samu na Yandi, yawu yina kaka beno ke na yawu nsatu. Beno tula kaka ditonzi na yawu, beno tala yawu mbote ti ya fuluka.

306 Beno zaba, ya vwandaka mpasi mingi ve na kati ya vaze yina samu na kusala ditonzi mosi na kati ya mosi na mosi. Ya lendaka vwanda ti yandi bakaka musapi ya yandi, mutindu *yayi*, kaka yandi nokisaka yawu na kati ya mosi na mosi mutindu yina; yandi talaka na manima mpe ya vwandaka ya kufuluka. Kaka yandi me nokisa yawu, beno me mona, ya kele nyonso yina yandi kele na nsatu, samu ti ya vwandaka mafuta ya kusakumuka.

307 Beno baka ve nzingulu ya seminere. Beno baka Ndinga ya Nzambi mpe beno nokisa Yawu kuna, beno mona mutindu ya ke fuluka.

308 Yandi tubaka, “Mbote, wapi mutindu ya ditonzi beto fwana sala? Ya lenda vwanda ti beto lenda baka kima mosi na Psaumes.”

309 Beno baka yina mu tubaka na beno, “Beno balula ntima, mpe beno botama na Nkumbu ya Yesu Klisto samu na mulemvo ya masumu, mpe nge ke fuluka na Ditonzi yina.” Beno losa kaka yawu na kati kuna, mpe beno ke vwanda ya kufuluka na Ditonzi yango. Ya kele Ditonzi yina Pierre sadilaka na Kilumbu ya Pentecote. Ya kele Ditonzi yina Paul sadilaka. Ya kele Ditonzi yina bilandi nionso sadilaka. Bayankaka ya yawu

ke bwelama, beno baka kaka Ditonzi yina mpe kulanda yawu, mpe bayankaka ya yawu ke vwanda mbote mingi.

³¹⁰ Beno lemba! Beno kuma ya mpamba! Ya mpamba nyonso, mpe kubanda kuna na zulu ya yawu ke landila na kunoka, mpe Nzambi ke sala bayankaka ke na kunoka. Nge ke sala kaka yawu. Nge ke fukama mpe ke kuzwa yawu na ntima ya nge ya muvimba. Nokisa na kati ya ntima ya nge kaka ntangu yayi mpe tuba, “Nzambi, mu ke kwikila Yawu, na ntima ya munu ya muvimba!” Nzambi ke keba bayankaka ya nzila, ya ke fuluka, “Beno ke vwanda ya kifuluka na . . . ya kifuluka na Mpeve-Santu.”

³¹¹ Ntangu yayi bawu vwandaka na mwa mampa tanu mpe bambisi zole. Na yawu yinki bawu zolaka sala? Na yawu bawu kwisaka mpe tubaka, “Yayi kele nionso yina beto lenda vukisa. Beto me kuma na nsuka ya bampeve ya beto. Beto lenda kuzwa kitini yankaka ya dimpa kisika mosi ve, ya kele na muntu ve. Mpe mwana-bakala yayi ya ntwenia, vwandaka talisa kaka . . . yandi vwandaka tina na kalasi, yandi kwendaka na lukolo na suka yina, mpe kimaka lukolo mpe kwisaka kuloba awa. Mpe beto me nata yandi awa na mwa-masa, yandi me kwisa samu na kuwa. Mpe, kuna, yandi me kuzwa tanu.” Matondo na Nzambi samu na ntwenya ya bakala yina! Yinga, tata. Yandi tubaka, “Beto . . . kima kaka beto kele na yawu na nzila ya luzingu kele mwa ditonzi yayi ya fyoti awa.” Yandi tubaka . . .

³¹² Yesu tubaka, “Yina me lunga. Beno nata yawu awa.” Beno me mona? “Nata yawu awa, bika ti Mu kuzwa yawu. Bika ti Mu vwanda na mwa ditonzi yina, Mu ke kipe ve yina me bikana ya yawu. Ntangu yayi, nge ke landila kaka na kunwanina mutindu mu ke pesa nge na ditonzi yayi.”

³¹³ Mpe mosi na mosi ya beno kubaka ditonzi ya Actes 2:38 na suka yayi, na kati ya ntima ya beno, mpe beno baka kaka kuna mpe beno tala Yandi bandaka na kubuka Dimpa ya Luzingu samu na beno. Beno balula ntima, beno botama na Nkumbu ya Yesu Klisto samu na mulemvo ya masumu ya beno, mpe na yina beno tala kana Mpeve-Santu ke banda na kunoka, ke landila na kunoka na zulu ya *yayi* mpe na zulu ya *yina*, ke noka *awa* mpe ke noka *kuna*, mpe ke noka *kuna*, mpe ya ke vwanda na kifuluka ya Mpeve-Santu! Kieleka!

³¹⁴ Beno ke na nsatu ya kukwenda ve na baseminere. Beno ke na nsatu ya kuvwanda na mayele ve. Kima mosi kaka beno fwana sala kele kuzaba ti beno zaba kima mosi ve. Bika ti Nzambi kusimba beno, Yandi ke kipe yina yankaka.

³¹⁵ Mbote mingi, na yina Ndinga tubaka, “Nata bawu awa.” Ya kele yina Nzambi zola na suka yayi, samu na kunatina Yandi nkonga ya ba-vaze ya mpamba. Yandi ke kipe na yina me bikana ya yawu. Yinga, tata.

³¹⁶ Mpofo Bartimée vwandaka pene-pene ya mwelo, ya kulwata bintende, vwanda kuwa madidi, oh, ntangu ya yandi ya kulemba

mingi, ntangu yandi kuwaka Ndinga, yandi tubaka, “Nata yandi awa.” Ya kele kieleka, yawu, ntangu yankaka, ya kele ntangu ya beno ya kulemba mingi.

³¹⁷ Ya vwandaka na Marie na ntoni, na ntima ya kulwala, Bébé ya yandi, ba kufwaka Mwana ya yandi ya bakala, nyonso, bivuvu nyonso kwendaka. Mpe yandi kwendaka samu na kukeba Yandi, mpe nzutu ya Yandi vwandaka kuna ve. Mpe yandi kuwaka Ndinga kutuba, “Samu na yinki nge ke dila, kento?”

³¹⁸ Yandi tubaka, “Ba me katula Mfumu ya munu. Mpe munu. . .” Mwa kima ya mawa, ba tulaka Mwana ya yandi na nsoni; ba katulaka Yandi bilele mpe komaka Yandi kuna na Kulunsi, mpe komaka Yandi na kulunsi mpe komaka Yandi na zulu kuna, na manima Yandi me tuba ti Yandi kele Mesiya, na manima yandi me zaba ti Mpeve-Santu fikaka yandi na kivudi mpe nataka Mwana yayi. Ya vwandaka Mwana ya Nzambi. Yandi monaka bisalu ya Yandi, mpe nyonso, mpe monaka kaka na ntangu ya kulemba. . .

³¹⁹ Mpe kuna Yesu teleminaka dyabulu, ba telemaka na zulu ya ba-organisation yina, ba telemaka na zulu ya ba-Pharisien yina; mpe kumaka ya kulemba mpe me tumama Yandi mosi na lufwa, mpe kufwaka mutindu musumuki na Kulunsi, na kunataka masumu ya beto. Psaumes kieleka, baprofete ya kieleka yina bawu kwikilaka, me tanga (bankama ya bamvula na ntwala) Bandinga ya kieleka yina Yandi tubaka na Calvaire, mpe bawu lembanaka na kumona yawu. Ya bawu ya nene ya ba-c- . . .

³²⁰ “Nzambi ya Munu,” tubaka David, “Nzambi ya munu, samu na yinki Nge me bika munu?” Psaumes 22, “Mikwa ya munu nyonso, bawu ke tala munu, ata mosi ya yawu ke bukana. Bawu ke ningisa yintu ya bawu mpe ke tuba, ‘Yandi tulaka kivuvu na bayankaka. . . Yandi—Yandi vulusaka bayankaka, Yandi mosi Yandi lenda vulusa ve.’” Mpe bima nyonso yina baprofete tubaka, vwandaka kaka kuna! Mpe Yesu, na kufwaka, na kusimbaka Ndinga yango, Yandi kukipesaka Yandi mosi. Nzambi, Emmanuel, kumaka ya kulemba mingi ti Yandi tumamaka Yandi mosi na lufwa, mpe na ntoni, mpe moyo ya Yandi na difelo. Kulemba! Kasi na nganda ya kupema ya muvimba. . . basikaka na suka yina ya Paki, na kukatulaka nzila ya Yawu na nsi mingi.

³²¹ Yandi vwandaka ya Kulutila zulu, mpe kumaka ya kulutila yisi. Yandi kwizaka na bantu ya yisi mingi, yandi kwendaka na mbanza ya yisi mingi. Mpe muntu ya fioti mingi na kati ya mbanza lendaka kutala na nsi na zulu ya Yandi. Kwendaka katuka kuna na lufwa, mpe katuka lufwa na ntoni, mpe na ntoni na difelo; na ya yisi mingi yina zolaka vwanza, na difelo ya yisi mingi yina ba zolaka banza, Yandi kwendaka na yawu.

³²² Kasi na yina, kubanda kuna, Nzambi bandaka na kuvumbula Yandi. Na Paladiso, katuka kuna na—na ndyamu,

mpe na ndyamu na Nkembo, mpe na Zulu mingi ti Yandi fwana tala na yisi samu na kumona Mazulu. Me zangula bakiti ya Yandi ya kimfumu na Mazulu!

³²³ Mama yina ya fioti ya bantima ya kulwala, kukondwa kuzaba yayi, ya kutelama kuna, “Ba me katula Mfumu ya munu, mpe mu zaba ve kisika.” Yandi vwandaka . . . na ngunga ya kulutula kulemba yina yandi me kuzwaka ntete ve. Mfumu ya yandi—ya yandi kwendaka. Ba komaka Yandi na kulunsi, kasi Yandi bikaka yayi. . . ke koma Yandi na kulunsi na nsoni ya kunamika Yandi kuna kinkonga na ntwala ya bantu yina; mpe tobolaka Yandi na lweka, mpe menga, mpe kuwa Yandi ke dila na Kulunsi, mpe kumona ntoto kuningana, mpe mazulu ya muvimba ndimaka ti Yandi vwandaka ya kufwa. Yandi kulumusaka Yandi, ya ngolo mpe ya madidi, mpe tulaka Yandi na ntoni. Yandi banzaka, “Luzitu ya nsuka mu lenda sala na Mwana ya munu ya luzolo me kwisa samu na kukeba Yandi, mpe ntangu yayi ba me katula Yandi.” Mpe yandi vwandaka ya kutelama kuna vwandaka dila, mwa mama yina ya kutelama kuna vwandaka dila, vwanda tekita mingi. Oh, ntangu ya kulemba mingi!

“Samu na yinki nge ke dila, kento?” vwandaka Ndinga na manima ya yandi.

³²⁴ Yandi banzaka ti yawu vwandaka sinzidi ya maziame, yandi tubaka, “Oh, bawu me kwenda. . .” Yandi lendaka baluka ve, yandi vwandaka ya kulemba mingi. Yandi tubaka, “Mu me vwanda awa bilumbu nyonso yayi tatu mpe bampimpa tatu. Mu telemaka kuna mpe mu talaka na kulunsi, mu talaka Kitoko ya munu mosi yina mu zaba vwandaka Mwana ya Nzambi. Mu zaba ti Yandi vwandaka! Mpe kasi bawu. . .” (Na kutalaka na lweka yankaka, mpe Yandi na manima.) “Mpe ba katulaka Yandi mpe ba komaka Yandi na kulunsi. Mu monaka Yandi me vumbula bantu ya kufwa na ntoni. Mu monaka Yandi kusala bimangu na manima ya bimangu. Mpe mu zaba Mpeve-Santu. . . Nzambi zaba ntima ya munu, mu me zaba kima mosi ve na kima mosi, mpe Mpeve-Santu me pesa munu Bébé yina kukondwa kuzaba muntu mosi. Mutindu mu zaba ti ya vwandaka kieleka! Mpe mu monaka Yandi ke baka nsoni mpe. . . ke bula bilele ya Yandi na Yandi, mpe ke tula Yandi na zulu kuna mpe ke bula Yandi na fimbu. Yandi kufwaka lufwa ya kulutula yimbi. Mu zola Yandi, mu ke kipe ve yina ba me sala na Yandi. Mu zola kaka kuzika Yandi, mu zola—mu zola kupesa Yandi mutindu ya mbote ya luzikulu, mpe ba me katula Yandi. Mu me vwanda bilumbu na manima ya bilumbu, ntima ya munu me bukana. Mu me telama kaka na mutindu yayi. Mu zaba ve yina bawu me sala na Mfumu ya munu.”

³²⁵ Yandi tubaka, “Marie.” Na yina yandi vwandaka na ngolo. Amen! “Kwenda tuba na bilandi ya Munu Mu ke kutana na bawu na Galilée.” Oh, la la!

326 Na kulemba na yina beto me kuzwa ngolo. Ntangu beno kele ya kulemba, ya kele ntangu beno ke kuma na ngolo.

327 Pierre, na manima yandi vwandaka kuna na kuloba, yandi vwandaka . . . kusalu ya yandi vwandaka kuloba. Mu kele mpe na kusalu ya mutindu mosi. Mpe na yawu, yandi vwandaka kuna na kuloba, ya kulemba nyonso, yandi zabaka ti yandi me manga Klisto. Oh, la la! Kuwaka Profete yina me telama kuna mpe kutuba na yandi, “Pierre, nge ke tuba ti nge zola Munu?”

328 Yandi tubaka, “O Mfumu, Nge zaba ti mu zola Nge.” Yandi tubaka, “Mu zola Nge. Mu me kubama na kufwa samu na Nge.”

329 Yandi tubaka, “Pierre, nge banza ti nge zola kutuba yawu, kasi nge ke manga Munu bambala tatu na ntuala . . . Nge ke manga Munu na ntuala ya bangoyi-ngoyi na mbala ya tatu. Beno me mona, nge ke manga Munu na ntuala nsusu kuyimba.”

330 Mpe na manima kumona yawu kusalama, ntangu yandi telemaka kuna mpe tubaka “Mu zaba Yandi ve. Ve, mu zaba kima mosi ve samu na bawu kuna ba-Pentecotiste.”

331 Ya kele ve ntangu ya kubika kulonga, ya kele kaka montelete ya munu yina ke na kusala makelele ya sonnerie. [Alarme ya montelete ya Mpangi Branham me bula—Mu.] Beno me mona? Yandi tubaka ti, “Mu—mu zaba . . .” Mu—mu fwana telema ntangu yayi, kasi mu—mu lenda telema ve na ntangu yayi, beno me mona, na yawu mu fwana manisa yayi awa kaka minuti.

332 Yandi tubaka, “Mu—mu—mu zaba ti mu me manga Yandi. Mu me manga Yandi na ntuala ya Pilate. Mu mangaka Yandi na ntuala ntangu mwa kento yina kwizaka pene-pene ya munu, tubaka, “Nge kele ve mosi ya bawu?” ‘Ve!’ Mpe singaka!” Oh, yandi vwandaka na kimbevo ya mpasi. Yandi tubaka, “Mu—mu—mu . . .” Yandi mangaka . . . Yandi mangaka Yandi. Mpe yandi monaka Yesu me telama mpe ke tala kuna, ya kele ntangu nsusu me boka, yandi talaka Pierre. Yandi basikaka. Oh, yandi lembaka nzutu na yandi mosi, yandi tubaka, “Samu na yinki mu ke zinga diaka?”

333 Mpe na yina, na ngaanda ya yina, yandi tubaka, “Mu banza ti mu ke vutuka mpe mu ke kwenda kuloba dyaka. Mu lenda longa dyaka ve, na yawu mu ke vutuka kaka mpe ke banda kuloba.” Yandi losaka ba-filet ya yandi na kati mpe losaka mpimpa ya muvimba, yandi vwandaka na mbisi ve. Mpe yandi vwandaka na kisika mosi ya kulemba, yandi vwandaka na kima mosi ve, ya kulemba na yandi mosi, me kuma na nsuka ya balenda ya yandi.

334 Mbote, yandi banzaka ti yandi vwandaka muntu ya nene, yandi katulaka makutu ya mwana ya nganga-Nzambi ya ntete mutindu yina. Mbote, yandi banzaka ti yandi vwandaka muntu ya nene, beno zaba, yandi longokaka kima mosi. Kasi yandi zabaka kima mosi ve! Yandi zolaka zimbana nionso yina.

³³⁵ Mpe kuna yandi vwandaka kuna, yandi tubaka, “Mbote, mu zaba kima mosi, mu kele mulobi mbisi. Mu lenda dyaka sala kuloba mbisi, na kuzinga.” Yandi me losa mpimpa nyonso mpe me kuzwa kima ve. Oh, kulemba! Konso ntangu yandi bendaka yawu, filet ya mpamba. Mpe yandi lembaka nzutu! Yandi vwandaka na kisika ya kulemba mingi, yandi tubaka, “Mu ke na nsatu mingi ya kulutula na zulu ya masuwa yayi. Mu ke na mfunu ya kima mosi ve, na mutindu nionso.”

Yandi tubaka, “Nge kele na mbisi, bana?”

³³⁶ Yandi talaka kuna na kumu, mpe Muntu mosi telemaka kuna. Yandi tubaka, “Ve, beto salaka mpimpa nyonso mpe kuzwaka kima ve. Mu banzaka ti mu vwandaka mulobi mbisi.”

“Ya kele nge, Simon?”

³³⁷ “Yinga. Mbote, mu me sala ngolo mpimpa nyonso mpe me baka kima ve. Oh, mu—mu . . . Beto kele na ata mbisi awa.”

Yandi tubaka, “Mbote, losa filet ya nge na lweka yankaka.”

³³⁸ “Beto me sala . . . Yinki?” Na yina yandi zolaka vwanda- . . . Yandi tubaka, “Na lweka yankaka? Beto me sala yawu!”

“Losa yawu na lweka yankaka.”

³³⁹ Yandi losaka ba-filet ya yandi, mpe yandi bendaka. Yandi tubaka . . . Na yina yandi kumaka na ngolo. Oh, la la! Yandi lemukaka kazaka ya yandi ya ntama mpe tulaka yawu pene-pene ya yandi, yandi tubaka, “Bampangi, Nani Yawu kele!” Mpe yandi kumaka kuna na kumu na ntwala ya bawu nionso, na yina ba vwandaka nata bwatu na nswalu nionso, yandi lutaka bawu na kuzengisa masa, na kazaka ya mulobi, yandi kumaka na lweka ya nzadi. Samu na yinki? Ntangu yandi vwandaka na ngolo. Ntangu yandi vwandaka na ngolo yandi lendaka ve kusala kima mosi, kasi ntangu yandi kumaka ya kulemba na yina yandi kumaka na ngolo. Yinga, tata.

³⁴⁰ Oh, mutindu ya kusadila ya Nzambi kele kubaka ba-vaze ya mpamba mpe kuningisa yinza na yawu. (Ntangu yayi, kaka mwa fyoti mpe beto ke kwenda.) Mutindu na Pantekote, na Pantekote, yinki Yandi salaka? Ya bakaka bawu bilumbu kumi samu na kubasisa nionso na kati ya bawu. Kasi bawu nyonso vwandaka ya kutelama kuna na ba-vaze ya bawu ya kubaluka na zulu, mpe Nzambi bakaka Yandi mosi mpe fulusaka yawu. Nyonso yina! Ba ningisaka yinza; Yandi mosi na kati ya bawu.

³⁴¹ Ya kele nsatu ya bubu yayi. Ya kele yina beto kele na yawu nsatu bubu yayi, ya kele ba-vaze ya mpamba, yinga, tata, na yawu Nzambi lenda fulusa yawu. Mpe beno lenda baka yawu ve . . . Mu fwana bika bima mingi awa. Nzambi lenda sadila yawu ve ntangu nionso ba ke vwanda ya kufuluka. Kana beno kele ya kufuluka na malongi ya théologie, Nzambi lenda sadila beno ve. Nzambi fwana vwanda na ba-vaze ya mpamba samu *Yandi* kufulusa yawu.

³⁴² Ntangu yayi, Elie tubaka ve, “Kwenda baka mwa ba-vaze mpe defa mafuta mingi, mpe beto ke mona kana beto lenda kuzwa ve ntalu ya mbote na zulu ya yawu, mpe nge ke kuzwa mwa fyoti mingi mpe nge lenda futa mfinangani mutindu yina.” Yandi tubaka, “Baka kaka vaze ya *mpamba*. Yawu yina kaka nge ke na yawu nsatu.”

³⁴³ Ya kele yina ya vwandaka na Pentecote, ba vwandaka na ba-vaze ya mpamba samu ti Nzambi zolaka fulusa yawu. Mpangi, kilumbu yayi ke lomba yawu. Kilumbu yayi; ya fwana kuzwa yawu. Beto ke kuzwa yawu to kufwa. Mu ke sukisa ntangu yayi, beno kuwa. Beto fwana kuzwa yawu to kufwa. Yinga, tata.

³⁴⁴ Bamasini ya nene ya mabuundu yina beto kele na yawu, bamasini ya nene ya dibuundu kele ya kufuluka na mvindu, ya kele na bima yina ke tambula mbote ve na kimpeve na kati ya yawu. Mpangi Collins kele kisika mosi awa, mpe Mpangi Hickerson. Mu banza ti ba me namika mpasi. Kima mosi me tambula mbote ve. Ba ke sadilaka mutindu ya bidon ya yimbi ya essence, ya kele nionso ya kuyidika. Ba ke sadilaka nzingulu ya seminere na kisika ya Mpeve-Santu.

³⁴⁵ Ba-reveil ya beto ya nene ya yinsi, muntu ya beto ya nene, ba-campagne ya beto ya kubeluka ya nzutu, nionso me kubwa. Beto me zaba yawu. Beno tala evangeliste ya beto ya lukumu, Billy Graham, yina me zabuka yinsi mpe na ntuala, na manima mpe na ntuala, na manima mpe na ntuala. Wapi mbote ya ke sala? Oral Roberts, ba-campagne ya kubeluka ya nzutu bisika nyonso, mpe ya ke na kukumaka yimbi ntangu nyonso.

³⁴⁶ Samu ti ya kele nyonso ba-Baptiste, ba-Presbytérien, ba-Assemblée de Dieu, ba-organisation nyonso yankaka yayi, beno vukisa yawu nyonso kintwadi, yinki ya kele? Masini ya nene ya dibuundu, mpe Nzambi me fulusa yawu na mvindu samu na beno. Ntangu yayi yandi ke na kukosula, “kosu-kosu,” pumpe, pumpe, pumpe, “kosu-kosu,” pumpe, pumpe, pumpe, mwa fioti awa mpe kuna. Yandi ke na kima ve! Yandi me suka! Lusanse me mana, beno me tiamuna maza na kati ya yawu. Nyonso me kwenda (yinga, tata), kele ya kutobuka na balweka nyonso zole. Beto kele na mutindu mosi ya mpasi. Masini ya dibuundu me telama.

³⁴⁷ Mpe, mpangi ya bakala, kifiniku ya difelo me katuka. Ya kele kieleka. Mpe bimpoyi ya ngolo ya bampeve ya yimbi ke basika bisika nionso. Ba me nungaka bayinsi. Ba me nungaka politiki tii kuna ya me pola tii na mafuta yina kele na mukwa. Ba me nungaka mabuundu tii ba me zaba kima mosi ve kasi denomination.

Beno ke tuba, “Nge kele Muklisto?”

“Mu kele Methodiste.”

“Nge kele Muklisto?”

“Mu kele—mu kele Pentecotiste.”

³⁴⁸ Yina zola tuba mingi ve, mutindu mu tubaka kilumbu yina, ti ya vwandaka ngulu, to ngulu, to mpunda, to kima mosi. yina kele na kima mosi ve ya kusala na Yawu. Beno kele Muklisto ntangu beno me butuka mbala ya zole mpe beno me fuluka na Mpeve-Santu, ve tii kuna, mpe beno ke kukipesa ya muvimba na Mpeve. Kana beno kele ve ya kukipesa na Mpeve, na yina beno kele ve ya kubutuka dyaka mpe ti beno kele ve na Mpeve-Santu. Beno lendaka tuba na bandinga mpe kutekita, mpe kudumuka mpe kukima mbangu, mpe kusala mitindu nyonso ya . . .

³⁴⁹ Paul tubaka, “Mu lenda katula myongo na lukwikilu, mu lenda belusa bambevo, mu lenda kuzwa luzabu ya Biblia, Mu lenda kwenda na seminere mpe kulonguka bima nionso yayi, nionso yina,” yandi tubaka, “Mu ke kima mosi ve!” Alleluia!

³⁵⁰ Oh, la la, beno tuba na munu kifiniku ya nzungu me katuka! Bampeve ya yimbi ke na kwenda bisika nyonso, bangolo ya dyabulu, na yisi ya nkumbu ya Buklisto, “kulonga samu na Malongi ya misiku ya bantu,” malongi ya seminere, ke bika kaka Biblia.

³⁵¹ Alleluia! Nani kele na kiyeka ya kuzaba, nani kele na ngolo mingi, nani kele na ndwenga mingi? Yina kele na ngolo mingi na kuzenga dikulu yayi na kukatula bilele ya bakento ya beto, na nkumbu ya milongi, ba-Methodiste, ba-Baptiste, mpe ba-Pentecotiste? Bawu vwandaka talisa bizizi ya bawu mutindu Jezabel, mpe vwandaka zenga bansuki ya bawu, mpe vwandaka lwata bakupe kaka mutindu babakala. Milongi ya beto, kele na mingi ve ya kutelama na zulu ya bawu samu na kutuba na bawu yawu. Diabulu bakaka luyalu! Ya vwandaka nkonga yina vwandaka panza bilele ya yandi. Nani kele diabulu yina ke na kuboka?

³⁵² Nani ke na ngolo mingi? Wapi mutindu ya—ya denomination kele na kiyeka ya kununga yandi kutambula mpe kukulumuka na bantoni yayi ya ba-denomination, ke dila, “Bilumbu ya bimangu me luta, mpe beto kele ve na nsatu ya Mpeve-Santu”?

³⁵³ Mpe nani lenda nunga dyabulu yina? Nzambi! Beto lenda sala yawu ve na nzila ya denomination. Beto lenda sala yawu ve na nzila ya ngolo ya dibuundu. Kasi ya vwandaka na Ndinga mosi kilumbu mosi yina salaka yawu, amen, yina nungaka bampeve ya yimbi, ke tula bawu na mabanza ya bawu ya mbote mpe ke lwata bilele. Ndinga yina mosi pesaka beto nsilulu, “Beno mpe ke sala bisalu yina Mu ke sala.” Beno ke sala yawu ata fioti ve na nsi ya essence ya mabuundu na tomabilu yina ke na mvindu. Beno ke sala yawu ata fioti ve na organisation mosi. Beno ke sala yawu ntangu beno ke basika ya mpamba mpe beno ke kuma ya kulemba, beno tsyamuna nyonso beno mosi, mpe bika ti Mpeve-Santu kukota mpe ningisa konso kitini ya beno,

kufulusa nzutu ya beno. Ya kele kaka . . . beno sala yawu. Beto kele ve na nsatu ya organisation ya malu-malu.

³⁵⁴ Yina beto kele na yawu nsatu, O Nzambi, mu ke tala ti Yawu ke na kutiamuka awa ntangu yayi. Yina beto kele na yawu nsatu kele profete ya Nzambi samu na kuvumbuka na kinzasi ya Nzambi, banzasi ya kimpeve yina ke ningisa yinza yayi na nsoni! Alleluia! Vaze ya mpamba kele yina Yandi kele na yawu nsatu, ya kele kieleka, Dibuundu yina ba me bokila na kubasika, mwa ndambu yina ke kuzwa ngolo ya Nzambi mpe balusakumunu mpe Nsangu ya Yandi. Alleluia! Yawu yina beto ke na yawu nsatu.

³⁵⁵ Beno kuma ya kulemba samu beno kuzwa ngolo. Ya ke nunga bampeve ya yimbi nionso. Ya ke sala ti ba longusa yawu samu na nsoni. Ya ke nata babakala mpe bakento yina Nzambi me bokila, mpe kaka yina.

³⁵⁶ Beno bambuka moyo, “Mutindu ya vwandaka na bilumbu ya Noé, mutindu mosi ya ke vwanda na nkwezulu ya Mwana ya muntu, myoyo nana kuzwaka mpulusu.” Na bilumbu ya Elie ya vwandaka kaka na mafunda sambwadi yina vwandaka na Yawu. Oh, beno banza kaka na kisika beto ke na kuzinga ntangu yayi. Ntangu Jean kotaka na kisalu, mwa dibuundu vwandaka kieleka na lutangu ya fyoti, kasi ya vwandaka na ba-vaze ya mpamba samu na kutiamuna Mafuta. Alleluia!

Nzambi, bika beto kukuma ya mpamba beto mosi.

³⁵⁷ Beno kuma ya mpamba, bankundi. Beno vwanda ya kulemba! Beno manga lenda ya beno mosi! Mpe beno bayina ke kuwa na ladyo . . . ve na ladyo, kasi kuna na . . . bayina ke kuwa babande yayi, bisika nyonso ya ke kwizaka, beno kuma mpamba beno mosi. Beno kukipesa beno mosi na autel ya Nzambi mutindu munkayulu. Ti Wanzio kwiza na dikala ya Tiya, kufulusa vaze yina na ngolo ya Nzambi ya Ngolo nyonso. Beno kuzwa . . . Na yina Yandi ke pesa beno ngolo, Yandi ke pesa beno lemvo ya kutelama.

Beto kulumusa bayintu ya beto na mwa ntangu fioti.

³⁵⁸ O Mfumu, Lumingu yankaka na suka me luta, mpe beto me vwanda na kimvuka yayi ya nene, kisika babakala mpe bakento yina zaba Nge, kisika Mpeve ya Nge ke zingaka na kati ya bantima ya bawu, mpe bawu ke kwikila Nge mpe me sala na zulu ya konso Ndinga yina Nge—yina Nge me tuma beto na kusala. Mpe beto ke tonda Nge samu na bantu yayi.

³⁵⁹ Mpe ya lendaka vwanda na bayankaka kuna na yinsi kisika ba-bande yayi ke kwenda, kisika mwa bakento ya kukikulumusa mpe babakala ke nata bawu na bayinzo mpe na makanda mpe na bayinsi yankaka. Mpe ti bawu kuwa, Mfumu, mpe ti bawu kubakula, bawu mosi ya mpamba samu ti Mpeve-Santu kufulusa bawu.

³⁶⁰ Ya lendaka vwanda na bayankaka awa na suka yayi, Mfumu, yina ke . . . kumaka ya mpamba bawu mosi kubanda beto bandaka na kutuba, yina bakulaka ti bawu me tula kivuvu mingi na mabanza ya bawu mosi, na ya bawu mosi, bawu . . . na lenda ya bawu mosi, na kusalaka kivuvu na balenda ya dibanza ya bawu mosi, yina kele kima ve kasi mvindu na ntswala ya Nzambi. O Nzambi, ti bawu vwanda kaka ya mpamba bawu mosi ntangu yayi, na kulemvuka tumama bawu mosi mpe kwiza samu na kufuluka ya Mpeve. Pesa yawu, Mfumu.

Ya me tuba na kati ya Biblia, “Bayina nionso kwikilaka ba botikaka bawu.”

³⁶¹ Ya kele na kati ya kivinga yayi na suka yayi, Tata, kento mosi ya ntwenya, yina me vwanda awa na manima, mpe mu ke bambuka moyo na Mama Hicks kukwiza na manima ya munu nkokila mosi mpe kuna yandi vwandaka kaka na kima ve kasi mikwa, yandi vwandaka kaka na mpusu na zulu ya mikwa, cancer vwandaka me kudia yandi; bakala ya yandi, vwandaka ntete ve Muklisto. Mpe mu ke bambuka moyo na kisambu yina mu sambilaka na nkokila yina: “Nzambi, Nge tindaka David ya fioti na manima ya nkosi na mwa lanse ya fioti, mpe yandi vutulaka mwana-dimeme.” Mu tubaka, “Cancer yayi me simba mpangi ya munu ya kento; yandi kele dyabulu. Mu zaba ti Nge kele Nzambi. Mu monaka Nge, Mfumu, mpe mu zaba. Mu me tuba na Nge, mpe Nge me vutula mvutu.” “Mu me landa mameme ya Nzambi; cancer, nge bika yandi!” Na yina tumaka yandi na Nkumbu ya Yesu Klisto na “Kwenda na yinzo.” Mpe bakala ya yandi, yina me yambula ntete ve, yandi kwikilaka Ndinga yina mpe yandi nataka kento ya yandi na yinzo. Yandi yayi na suka yayi, kento mosi ya nene ya ngolo ya mavimpi ya mbote, cancer me kwendaka, yandi ke kwisa na suka yayi samu na kubaka mbotika na Nkumbu ya Yesu Klisto. O Nzambi, matondo na Nge samu na vaze yina ya mpamba me kubama na kuvwanda ya kufuluka. Nzambi, mu ke sambila ti Nge ke sakumuna moyo yina.

³⁶² Mfumu, yina kele kaka mbandu ya mingi ya bayankaka. Mu ke sambila ti balusakumunu ya Nge kuvwanda na zulu ya bantu yayi, ya kieleka, Nzambi, ya kieleka. Kana . . .

³⁶³ Ya kele kaka na kima mosi me bikana, Tata, ti mu lenda mona, ya kele, to Nge ke telama kisika mosi na vaze ya mpamba mpe kusala ti yinza yayi kuvwanda na nsoni ya yawu mosi, to kufidisa Yesu na nswalu nionso. Ti nsuka kele awa, Mfumu, ya kele kaka na bima zole yina me bikana samu na kusala (mpe beto fwana mona yawu mbala mosi) samu beto me zaba ti ya kele na nsuka; to beto ke mona kima mosi ya ngolo kutelema kuna, to beto ke mona Nkwizulu ya Mfumu.

³⁶⁴ Profesi nyonso me lungisama. Kima ya nsuka ntete Dibuundu kuvumbuka, ntete ba baka Yandi na Apocalypse

kapu ya 3, vwandaka basika na munati-nsangu na Nsungi ya Dibuundu ya Laodicée, yina ke “vutula bantima ya bantu na batata ya ntete,” kuvutula bawu na Pantekote ya ntangu nyonso, yina bawu ke lomba kele na bawu. Ya ke vwanda na mafunda ya mafunda, mutindu ya vwandaka na kilumbu ya Noé, Mfumu, yina ke zimbana. Mingi na kati ya bawu ke zimbana. Beto ke mona yawu me lungisama dezia, Tata.

³⁶⁵ Kwisa, Mfumu Yesu, zangula Dibuundu ya Nge. Mpe kana ya kele luzolo ya Nge, Mfumu, kaka na ntwala ya Dibuundu yina me zanguka, bika ti ya vwanda na Ngolo. O Nzambi, fulusa ba-vaze yayi. Telemisa bawu, Mfumu! Ningisa yinza yayi mbala mosi dyaka! Beto zaba ti ntangu ke luta, ya ke vwanda ve na kubalula ntima kuna, ya ke vwanda ntama mingi samu na bawu kuna. Kasi lakisa Ngolo ya Nge, Mfumu, fulusa dilonga yango mpe ningisa yinza yayi mutindu yawu me ningisaka ntete ve! Baka Dibuundu ya Nge na ntangu yina. Bika yinza na kati ya potopoto ya yandi yina yandi me vwanda, O Nzambi, bawu ke nwana.

³⁶⁶ Na yina beto zaba ti Mpeve-Santu ya nene ke kwisa na ba-Juif. Ntangu beto monaka nkama mpe makumi yiya na yiya ya mafunda ya kutelama na Mongo ya Sinaï, ya kutelama na Mwana-dimeme, kasi Kento ya makwela vwandaka yimeni na Mazulu. Ba zangulaka yandi yimeni, mpe Mwana-dimeme kuvutukaka (Joseph) samu na kukitalisa Yandi mosi na bantu ya Yandi. Mpe Biblia ke tuba ti ya ke vwanda na kubukana na kati ya bawu ntangu bawu ke tala mpe ke mona Yandi kutelama kuna. Ntangu Yandi ke sala Yandi mosi kuzabana, bawu ke tuba, “Wapi kisika Nge me kuzwa bidimbu yina?”

Yandi tubaka, “Na yinzo ya bankundi ya Munu.”

Na yina ba ke tuba, “Ya vwandaka Yandi yina beto komaka na kulunsi.”

³⁶⁷ Mpe Yandi ke tuba mutindu Joseph salaka, “Beno tala boma ve, samu ti Nzambi salaka yayi samu na kuvulusa luzingu ya Bantu ya makanda. Ya vwandaka ve foti ya beno.” Na yina bawu tubaka ti bawu ke kabula, dibuta mosi na yankaka, ba ke vwanda na mafwa mutindu ba ke katula mwana mosi kaka ya dibuta na yinzo.

³⁶⁸ O Tata, kilumbu yina me kuma pene-pene, ya kele nsuka ya Basabala Makumi Sambwadi yina. Ti ntangu me kuma pene-pene, Mfumu.

³⁶⁹ O Nzambi, bika ti ndinga ya bapofete ya kieleka ya Nzambi kutelemina mama yayi ya bilumbu yayi, dibuundu yayi ya bilumbu yayi, théologie ya dibuundu ya bilumbu yayi.

³⁷⁰ Ningisa milongi yayi yina kele na boma ya kutuba Kieleka. O Nzambi, baka bantu yayi mpe ningisa bawu mutindu me vwandaka ntete ve, sala bawu nsoni ya bawu mosi.

³⁷¹ Kasi beto zaba kima mosi yayi, mpe beto lenda vwanda na kivuvu ya kifuluka, ti, “Muntu mosi ve ke kwisa kana Tata me benda yandi ve. Mpe bayina nionso Tata pesaka ke kwisa.” Bawu ke kwenda kaka tii na kisika yina Nge tubaka ti ba ke kwenda. Kasi Nge tubaka, “Beno vwanda na boma ve, mwa nkonga ya mameme, ya kele Tata ya beno me tala mbote na kupesa beno Kimfumu.” Beto zaba ti Ya kele kieleka. Beno ke longa beto nzila nyonso ti ya ke vwanda kaka, kieleka fyoti yina ke vwanda ya kuyilama ntangu ntangu yango ke kwiza. Na yina ya ke vwanda na mvumbukulu ya nene, mpe bantu nyonso ya kuvulusa bayina vwandaka ya kuvulusa na nzila ya bansungi ke vumbuka. Kasi na kilumbu yayi ya nsuka, kaka na ntangu ya nsuka, kuna Dibuundu ke vwanda kieleka fioti.

³⁷² Na yawu beto ke mona yawu, Tata, beto ke mona Nsangu ya kilumbu. Beto ke mona kulosama ya Yawu, beto ke mona kukabuka, beto ke mona bima nyonso yayi.

³⁷³ Beto ke mona bantu ya Nge ke tuba ti bawu kele ve. . . bawu kele “kima mosi ve.” Bawu zola kaka kuvwanda ya kifuluka na Nge, Mfumu. Ntangu yayi, mu ke sambila ti Nge ke ningisa yinza na bawu, kaka mwa bilumbu fyoti na ntwala ya Nkwizulu ya Mfumu.

³⁷⁴ Ntangu yayi na kati ya beto ya kele na bimbevo, ya kele na bantu yina kele na nsatu ya kubeluka ya nzutu. Beto ke bika bawu ve, Mfumu, samu ti ya kele ya kutuba, “Beno zimbana ve bandandu ya Yandi nyonso ya mbote: Yandi yina ke lemvukilaka disumu ya nge ya nkú; mpe Yandi ke belusaka nyonso ya bimbevo ya beto.” Beto ke sambila ti ngolo ya Yandi ya nene ya kubeluka kuvwanda na zulu ya mosi na mosi yina kele awa. Kana Nge lenda vulusa moyo kuna kukondwa kuningana, kaka ntima ya yandi balukaka na ntwala ya Nge, wapi mutindu ya kulutila Nge lenda belusa nzutu!

³⁷⁵ Awa kele na bamuswale ya kuvwanda awa. Mu ke sakumuna yawu na Nkumbu ya Mfumu Yesu, mutindu Ntumwa ya nene Paul salaka. Bika ti muntu nionso yina ke lwata muswale yayi kubeluka. Bika ti mabuta yina yina me panzana kuvukana. Ti bana ya fyoti, kukondwa tata, kukondwa mama, mpe bayankaka ya kukabuka, ti yinzo yango kuvukana dyaka. Pesa yawu, Mfumu. Belusa bambevo nionso ntangu yayi, mpe bantu ya mpasi, baka nkembo samu na Nge mosi.

³⁷⁶ Mpe, Mfumu, beto yina ke na kumeka na kubumba ba-vaze ya beto, meso ya beto na zulu, bantima ya beto na zulu ya Nge, ke manga ti beto kele mpe na ngwisani na yinza yayi. Biblia me tuba ti “Abraham kwendaka na yinzo ya yandi, yandi basikaka na mbanza ya yandi, samu na kuzinga na yinsi ya nsilulu, na kundimaka ti yandi vwandaka ‘ya yinza yayi ve’ kasi yandi vwandaka ‘kiziyeti mpe nzenza.’” Abraham mpe Isaac mpe Jacob, bayina nyonso kele na kimbangi yayi ti bawu “kele ve ya yinza

yayi,” bawu ke tubaka kaka ti ya kele na Mbanza Yina Mutungi mpe Kiyidiki kele Nzambi, mpe bawu ke kwenda nzila yina.

³⁷⁷ Ti bantima kusoba kaka ntangu yayi na yina mu ke na kusambila, Tata, mpe ti bakyese kukwenda na ntwala. Mpe ntangu balukutakanu ya mbotika ke kwisa, bika ti ya vwanda na kuningana na kati ya bantu, bika ti ya vwanda na bantu yina me banzaka yawu ntete ve, bika ti yawu monisama pwelele. Mpe Nge tubaka bayina nionso Nge bokilaka, Nge—Nge zolaka fidisa.

³⁷⁸ Ntangu yayi, mu me pesa yawu nyonso na Nge, Mfumu, na mwa nsangu yayi ya kubukana na vaze ya mputu na kima ve na yawu, Mfumu. Mu ke sambila ti Nge ke baka kaka Bandinga yina mpe ke sulumuna yawu na kati ya bantima ya bantu, mpe bika ti bawu vwanda ata fioti ve na lenda ya kukwenda ntama na Yawu. Pesa yawu, Mfumu. Mu me pesa yawu na Nge ntangu yayi, na Nkumbu ya Yesu Klisto. Amen.

[Mpangi mosi ya bakala me pesa nsangu—Mu.]

³⁷⁹ Na yina beno ke baka lukanu ya beno, beno ke baka lukanu. “Samu na yinki beno me vwalangana na kati ya mabanza zole?” Beno me kuwa yina Yandi me tuba. Kana Nzambi kele Nzambi, beno sadila Yandi; kana yinza kele nzambi, beno landila kaka. Beno me mona? Kana mutindu ya denomination kele ya kusungama, beno kwenda na ntwala na yawu; kasi kana Biblia kele ya kusungama, na yina beno kwisa na Yawu. Beno me mona? Beno soola ngunga yayi nani beno ke sadila.

³⁸⁰ Beto kwenda kaka, na Kimpeve, na nkunga ntangu yayi. Biblia ke tuba, “Bawu yimbaka nkunga mpe bawu kwendaka.” Beto yimba nkunga yayi ya ntama ya kuzabana, *Mu Zola Yandi*, na bayintu ya beto mpe bantima ya beto ya kukulumusa na Yandi.

Mu zola Yandi,

Ntangu yayi beno baka lukanu yina beno ke sala.

Mu zola Yandi

Samu Yandi zolaka munu ntete

Mpe futaka mpulusu ya munu

Na yinti ya Calvaire.

³⁸¹ [Mpangi Branham ke na kuyimba na kati ya yinwa *Mu Zola Yandi*—Mu.] Beno lenda baka lukanu ya beno samu na Klisto? Lukanu ve, ya kieleka, ya ke kaka ya mpamba, “Mfumu, mu kele mbote ve. Ya kele na kima mosi ve na kati ya munu yina kele mbote. Bika mu zimbana nionso yina mu me zaba. Ntangu yayi kwiza, Mfumu Yesu, kubika yayi ve kuluta na zulu ya yintu ya munu. Bika mu kuyamba Yawu mpe mu fuluka na Mpeve ya Nge, Mfumu. Kubanda bubu yayi, bika mu vwanda nyonso ya Nge.” Beno sambila kaka ntangu yayi, kaka kisambu ya fyoti na Nzambi; na malembe, kisambu yayi, bana, nyonso.

Nge Mwana-dimeme ya Calvaire,
Mvulusi ya kinzambi;

Beno balula bantima na kati ya ntima ya beno.

. . . kuwa munu na yina mu ke sambila,
Nata ntama masumu ya munu nionso,
O bika ti kubanda bubu yayi
Mu vwanda nyonso ya Nge!

Na ntangu mu ke tambula na kati ya mpimpa
ya luzingu,
Mpe bampasi ke kuma mingi pene-pene ya
munu,
Vwanda Ntwadisi ya munu;
Bika ti mpimpa kusoba na nsemo,
Kusuna mansanga ya mawa, ntama na munu,
Kubika ve ti mu kwenda
Ntama na Nge.

³⁸² [Mpangi Branham ke niunguta *Lukwikilu Ya Munu Ke Tala Na Nge*—Mu.] Bayina me kwikila, me kuma ya mpamba beno mosi na ntuala ya Nzambi, mpe me balula ntima ti kima mosi ve ke pekisa beno diaka ve, beno ke funguna ata fioti ve lenda mosi, mpe beno zola ti yawu vwanda pwelele mpe ya kusungama na Nzambi, baptistère keke na maza na kati ya yawu, samu na kukubama samu na mbotika. Ti bakento kwenda na diboko ya munu ya bakala, mpe babakala na diboko ya munu ya kikento. Lukutakanu ya mbotika ke vwanda kaka na ntangu fyoti. Bayina me kuma ya mpamba, beno me kubama ve na kukwikila yina milongi ke tuba, yina bantu ya dibuundu ke tuba, yina badenomination ke tuba, kasi ke baka nzila ya Mfumu, ke kwikila MUTINDU ME TUBA MFUMU, kwisa ntangu yayi.

Na ntangu mu ke tambula na kati ya mpimpa
ya luzingu,

Ya ke vwanda bakento na lweka *awa*, babakala na lweka *awa*. Ya keke lubokilu ya beno na autel, “Bayina nionso kwikilaka, kwisaka mpe bakaka mbotika.”

. . . Ntwadisi ya munu;
Bika ti mpimpa kusoba na nsemo,
Kusuna mansanga ya munu,
Kubika ve ti mu kwenda
Ntama na Nge.

³⁸³ Bakento yikwa na kati awa na suka yayi. . . Mu ke tuba yayi na Nkumbu ya Mfumu Yesu! Bantu yikwa na kati ya beno keke na nsoni ya bansuki yina ya nkufi beno ke lwata, zola Nzambi, na lemvo ya Yandi, samu na kubika yawu kukula samu na beno? Nzambi sakumuna beno.

384 Bantu yikwa ke na nsoni na yawu beno ke bika kento ya beno kunwa makaya, mpe kulwata pantalon ya kilo ya karekare yina kele ya beno?

385 Mpe Biblia ke tuba, “Ya kele ya kulutila yimbi na meso ya Nzambi.” Beno zaba ti Nzambi lenda soba ve? Yandi lenda soba ve. Yandi kele na nkadulu mosi, yina kele busantu. Yandi lenda soba ve. Kana beno kuma ve mutindu Yandi, beno ke mona Yandi ve, “Kukondwa busantu muntu mosi ve ke mona Mfumu.” Mpe kana kulwata bapantalo kele. . . ke sala Nzambi kubela na kifundu ya Yandi mpe kuluka, Yandi kele ya kubela, mpe *busafu*, “mvindu,” wapi mutindu beno me. . . beno kele na mpeve ya mutindu yina na kati ya beno mpe beno ke kwenda na Mazulu? Wapi mutindu beno ke kuma na Mazulu na nsuki ya nkufi, ntangu Nzambi tubaka, “Ya kele nsoni na kento na kuzenga nsuki ya yandi”? Yandi ke manga kieleka ti ya kele kento. Nzambi ke sobaka ve. Ya kele Ndinga ya Yandi, nkundi, beno fwana kuwa mbote.

386 Mpe beno babakala yina ke bika bakento ya beno kusala yawu, beno kele ve na nsoni ya beno mosi? Beno kele ve na nsoni?

387 Beno vwanda ve mutindu Mama ya Ntete ya yinsi. Beno vwanda mutindu Nzambi! Beno me mona? Beno basisa nionso na kati ya beno yina kele kubendama ya yinza yayi, na yina Klisto lenda kutsyamuka Yandi mosi na kati ya beno mpe beno lenda vwanda kieleka ya kifuluka na Mpeve-Santu.

388 Yandi lenda ve kusala yawu, Yandi lenda ve kusala yawu, ya kele—ya kele na kutelemina misiku ya Yandi; Yandi zolaka telemina Ndinga ya Yandi, mpe ti Yandi ke sala yawu ve; Yandi ke sala yawu ve ntangu nyonso yina—nyonso yina beno ke tambula ve kintwadi na Ndinga ya Yandi. Beno fwana kwiza. . . Beto fwana kwiza na Yayi ntete kima yankaka kusalama. Beno zaba yawu, mosi na mosi ya beno kele ya kuzaba yawu. Bantu yikwa ke kwikila yawu, beno telemisa diboko ya beno. Ya kieleka, beno ke kwikila yawu, ntangu yayi beto sala kima mosi samu na yawu.

389 Nzambi, tala beto kyadi! Mutindu beto kele na nsatu ya Yandi! Beto bawu yayi, beto nyonso kintwadi ntangu yayi. Beno bambuka moyo ntangu yayi, na Lufundusu, kana mu. . . Mu fwana telama (mpe ya lendaka vwanda na ntwala ya mpimpa) mpe kutala konso Ndinga yina mu me tuba. Beno me mona, mu fwana kukutana na Yawu. Ntangu yayi, beno bambuka moyo ti disumu ya nkú me katuka na maboko ya munu, ya me katuka na konsiansi ya munu, ya me katuka na moyo ya munu, ya me katuka na Nzambi.

390 Kana beno sala ve. . . Kana beno kele ya kutelama na kitezo yango mpe dyaka ti beno ke tala ve ya kufundisa (fiou!), yinki—yinki—yinki beno ke sala? Na yina beno zaba ti Nzambi ke salaka na beno ve, beno zaba ti beno me luta Yawu. Beno me

mona? Beno me luta Yawu. Beno lendaka vwanda musambidi ya kieleka, beno lendaka vwanda ya mabuundu mpe nionso yina, kasi beno me luta Yawu. Ndinga ya Nzambi ke kulumuka mpe ke basisa muntu. Ya kele kima yina ke vutula bawu. Beno me mona? Na yina ya kele Ndinga. Mu ke yufula mulongi nionso, muntu nionso, bisika nionso, samu na kumanga Yawu na Ndinga ya Nzambi. Ya kele kieleka. Ya kele mutindu yina ve, beno me mona.

³⁹¹ Na yawu bika beto vwanda Miklisto ya kieleka. Mpe beto bayina ke meka, bayina ke meka, ba ke na nsatu ya kuzenga beto mpe kukangama na yawu. Yinga, tata, beto nionso ke na nsatu ya yawu.

³⁹² Nzambi, tala beto kyadi. Nzambi, baka munu mpe yidika munu. Ya kele dibanza ya munu, na manima ya sabala yayi, na kukwenda na ntuala ya Nzambi, samu na kutala yinki kusala yina ke landa. Nzambi, baka munu. Yinki. . . Nyonso—nyonso kele na zulu ya munu, mpe ya kele na mingi, yina kele mbote ve, Nzambi, zenga yawu, ya kele kisambu ya munu na suka yayi. Sala nzengolo na ntima ya munu, makutu, ya munu. Sala munu, Mfumu, sala munu kima yina. . . nyonso yina Yandi zola ti mu vwanda. Ya kele kisambu ya munu.

³⁹³ Nionso yina mu ke na yawu nsatu kuvwanda, beno katula munu, Mfumu. Beno talisa munu na kati ya Ndinga, beno tuba na munu, mu ke kwenda sala yawu. Ti Mfumu kutuba yawu, mpe mu ke. . . Mu kele kaka kuna ya kukubama na kutambula na yawu. Nyonso yina Ndinga ya Nzambi ke tuba, ya kele yina mu zola kuvwanda. Mu zola kuvwanda Muklisto na kati ya Ndinga ya Nzambi, “Kubika konso ndinga ya muntu kuvwanda luvunu, mpe ya Nzambi kuvwanda kieleka.” Ya kele ve kubendama ya ntangu yayi, ya lendaka vwanda yawu ve? Ya ke mutindu yina beno ke kwikila yawu?

³⁹⁴ Nge ke na kusosaka kisika ya mbotika, mwana? Yinga, na manima awa, mpangi, beno vingila ve. Mbote mingi, kaka na lweka yayi.

³⁹⁵ Mingi na kati ya beno lendaka kwisa, babakala mpe bakento yina kele bakwikidi, yina kele. . . ke funguna masumu ya bawu, samu na kuzwa mbotika na Nkumbu ya Yesu Klisto. (Mutindu *yayi*, mpangi.) “Na Nkumbu ya Yesu Klisto samu na mulemvo ya masumu ya bawu, mpe ba ke fuluka na Mpeve-Santu.”

³⁹⁶ Ntangu yayi, samu na beno bantu ya Katolika awa, ya kele samu na yina mulemvo ya disumu kele. Beno ke tuba ti dibuundu kele na ngolo ya kulemvokila masumu, wapi mutindu dibuundu me lemvokila masumu? Nzambi. . . Yesu tubaka na dibuundu, “Konso muntu yina beno ke lemvokila masumu, ke kuzwa mulemvo ya yawu. Muntu nyonso yina beno ke manga na kuzwa mulemvo, ba ke manga bawu na kuzwa ve mulemvo.” Wapi mutindu bawu katulaka ya ntete, masumu na dibuundu ya ntete?

Ba bokilaka bawu na kubalula ntima, mpe ba botikaka bawu na Nkumbu ya Yesu Klisto samu na mulemvo ya masumu ya bawu. Ya kele ve na yisi ya kiti ya funguna; ve, ya kieleka. Kasi bawu balulaka ntima na ntwala ya Nzambi, na kati ya bantima ya bawu ntangu bawu vwandaka kuna, mpe bawu kwikilaka. “Mpe bayina nionso vwandaka mbo-... bayina kwikilaka vwanza botama na Nkumbu ya Yesu Klisto, mpe bawu vwandaka ya kufuluka na Mpeve-Santu.” Amen. Beno zola Yandi?

Ntangu yayi beto telama.

³⁹⁷ Ntangu yayi, ya ke vwanda na bantu mingi ke zola kuvingila lukutakanu ya mbotika. Bayankaka zola diaka kukwisa, bayina me kwikila? Beno kwisa, konso lweka; babakala na diboko ya kikento; na diboko ya kibakala, bakento. Kwikila na Mfumu Yesu na ntima ya nge ya muvimba, na nionso yina kele na kati ya beno.

³⁹⁸ Ntangu yayi beto kulumusa bayintu ya beto kintwadi, na yina beto ke vukisa kisambu yayi ya lukutakanu kintwadi, mutindu mu me kuwa kieleka mutindu ya ngitukulu samu na kusala yayi kaka ntangu yayi. Na yina beto ke kulumusa bayintu ya beto, beno sambila na munu:

Tata ya beto yina kele na Mazulu, bika Nkumbu ya Nge kuvwanda ya santu.

Kimfumu ya Nge kukwisa. Luzolo ya Nge kusalama na ntoto, mutindu yawu kele na Mazulu.

Pesa beto bubu yayi madia ya beto.

Mpe lemvokila beto bayimbi ya beto, mutindu beto ke lemvokilaka bayina salaka beto yimbi.

Mpe twadisa beto ve na mpukumunu, kasi vulusa beto na yimbi. Samu ti ya Nge kele Kimfumu, mpe ngolo, mpe nkembo, samu na ntangu nyonso. Amen.

³⁹⁹ Ntangu yayi beto bika bayintu ya beto ya kukulumusa. Mpe mu ke lomba na Mpangi Neville na kwiza mpe kutuba lusakumunu, kutuba yina kele na ntima ya yandi, mpe kuna kuzabisa kusalu ya mbotika yina me kubama ntangu yayi.

⁴⁰⁰ Nzambi sakumuna beno, ya kele kisambu ya munu. Mu ke sambila samu na beno, beno sambila samu na munu. Ya kieleka mu ke na nsatu ya bisambu ya beno.



NGOLO YA KULUNGA NA NZILA YA KULEMBA YA KULUNGA KNG61-1119
(Perfect Strength By Perfect Weakness)

Nsangu yayi ya Mpangi William Marrion Branham, kulongamaka na Kingelesi, na Lumingu na suka, na kilumbu ya 19 ya Ngonda ya kumi na mosi, na mvula 1961, na Branham Tabernacle na Jeffersonville, Indiana, U.S.A., yina bakamaka na bande manietiki mpe basisamaka na muvimba nionso na buku na Kingelesi. Lubangulu yayi na Kikongo basisamaka na buku mpe ba kabulaka yawu na Voice Of God Recordings.

KIKONGO-KITUBA

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kidadilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org